

BOSNA I HERCEGOVINA
TUŽILAŠTVO BOSNE I HERCEGOVINE



INFORMACIJA
O RADU ZA 2025. GODINU

SARAJEVO, 2026. GODINA

SADRŽAJ

UVOD	3
PRVI DIO – INFORMACIJA O RADU TUŽILAŠTVA BiH	5
1. RUKOVOĐENJE I ORGANIZACIJA TUŽILAŠTVA	5
1.1. Organizaciona i kadrovska osposobljenost Posebnog odjela za ratne zločine (Odjel I).....	6
1.2. Organizaciona i kadrovska osposobljenost Posebnog odjela za organizirani kriminal, privredni kriminal i korupciju (Odjel II)	7
1.3. Vrste i način dodjele tužilačkih predmeta.....	8
2. OSTVARENA KOLEKTIVNA NORMA TUŽILAŠTVA.....	9
3. REZULTATI RADA POSEBNOG ODJELA ZA RATNE ZLOČINE U ODNOSU NA PRIJAVE, ISTRAGE I OPTUŽNICE U IZVJEŠTAJNOM PERIODU.....	9
3.1. Optužnice u suđenju i podignute optužnice u predmetima ratnih zločina	9
3.2. Realizacija Plana rješavanja prioriternih predmeta ratnih zločina.....	11
3.3. Prvostepene, drugostepene presude i druge sudske odluke u predmetima ratnih zločina	13
3.4. Rezultati rada Odjela I u odnosu na prijave.....	14
3.5. Rezultati rada Odjela I u odnosu na istrage	15
3.6. Nedostupna lica u odnosu na prijave i istrage	16
3.7. Rezultati rada Odjela I u odnosu na KTA-RZ predmete	18
3.8. Rezultati rada Odjela I u odnosu na KTNZR predmete.....	19
3.9. Rezultati rada Odjela I u odnosu na KTPOM predmete	19
3.10. Međunarodna saradnja i opća razmatranja	19
4. REZULTATI RADA POSEBNOG ODJELA ZA ORGANIZIRANI KRIMINAL, PRIVREDNI KRIMINAL I KORUPCIJU U ODNOSU NA PRIJAVE, ISTRAGE I OPTUŽNICE U IZVJEŠTAJNOM PERIODU	22
4.1. Rezultati rada Odjela II u odnosu na prijave	22
4.2. Rezultati rada Odjela II u odnosu na istrage	23
4.3. Rezultati rada Odjela II u odnosu na optužnice	23
4.4. Prvostepene, drugostepene presude i druge sudske odluke po optužnicama Odjela II	25
4.5. Privremeno i trajno oduzeta imovinska korist Odjel II.....	26
4.6. Rezultati rada u odnosu na ostale vrste predmeta	27
4.7. Rezultati rada po tužilačkim odsjecima Odjela II.....	28
4.7.1. Rezultati rada Odsjeka za krijumčarenje ljudi i trgovinu ljudima	28
4.7.2. Rezultati rada Odsjeka za privredni kriminal	31
4.7.3. Rezultati rada Odsjeka za terorizam	32
4.7.4. Rezultati rada Odsjeka za međunarodnu pravnu pomoć i ostala krivična djela iz nadležnosti Tužilaštva BiH	33
5. OSTVARENI REZULTATI RADA NA PREDMETIMA KORUPCIJE I ORGANIZIRANOG KRIMINALA	38
5.1. Rad na predmetima korupcije	38
5.1.1. Rezultati rada u odnosu na predmete korupcije u pogledu prijava, istraga i optužnica.....	38
5.1.2. Rezultati rada u odnosu na predmete visoke korupcije	41
5.1.3. Prvostepene i drugostepene presude u odnosu na koruptivna krivična djela.....	42
5.1.4. Zaključna razmatranja i prijedlozi za unapređenje rada	43
5.2. Rad na predmetima organiziranog kriminala.....	44
5.2.1. Pregled prijava, istraga, optužnica i presuda u odnosu na predmete organiziranog kriminala..	44
5.2.2. Pregled prijava, istraga, optužnica i presuda u odnosu na predmete organiziranog kriminala visokog nivoa.....	44
5.2.3. Opća razmatranja i prijedlozi za unapređenje rada na predmetima organiziranog kriminala ...	45
6. OSTVARIVANJE FUNKCIJE TUŽILAŠTVA KROZ DRUGE AKTIVNOSTI	48



6.1. Rad Kabineta glavnog tužioca	48
6.2. Saradnja Tužilaštva BiH sa institucijama EU i aktivnostima u približavanju evropskim integracijama.....	49
6.3. Rad uprave Tužilaštva BiH.....	49
6.4. Rad Odjela za odnose s javnošću Tužilaštva BiH	50
6.5. Edukacija tužilaca i stručnog osoblja Tužilaštva BiH	50
6.6. Finansijski izvještaj.....	53
6.6.1. Projekat „Unapređenje rada na predmetima ratnih zločina - IPA 2022“.....	53

DRUGI DIO – INFORMACIJA O STANJU KRIMINALITETA U BiH

1. STANJE KRIMINALITETA U NADLEŽNOSTI TUŽILAŠTVA BIH (POZNATI POČINIOCI KRIVIČNIH DJELA - KT)	55
1.1. Rezultati rada u izvještajnom periodu u odnosu na prijave	56
1.2. Rezultati rada u izvještajnom periodu u odnosu na istrage.....	56
1.3. Vrste procesnih odluka u odnosu na prijave i istrage	57
1.3.1. Vrste procesnih odluka u fazi prijave	57
1.3.2. Vrste procesnih odluka u fazi istrage.....	57
1.4. Rezultati rada u izvještajnom periodu u odnosu na optužnice.....	57
1.5. Donesene prvostepene, drugostepene presude i druge sudske odluke u izvještajnom periodu u Odjelu I i Odjelu II.....	59
2. STANJE KRIMINALITETA U NADLEŽNOSTI TUŽILAŠTAVA U FBIH (POZNATI POČINIOCI KRIVIČNIH DJELA - KT)	59
2.1. Federalno tužilaštvo Federacije BiH	61
2.2. Poseban odjel za suzbijanje organiziranog kriminala, korupcije i međukantonalnog kriminala	61
3. STANJE KRIMINALITETA U NADLEŽNOSTI TUŽILAŠTAVA U REPUBLICI SRPSKOJ (POZNATI POČINIOCI KRIVIČNIH DJELA - KT).....	62
4. STANJE KRIMINALITETA U NADLEŽNOSTI TUŽILAŠTVA BRČKO DISTRIKTA (POZNATI POČINIOCI KRIVIČNIH DJELA - KT).....	63
5. UKUPNO STANJE KRIMINALITETA U ODNOSU NA KT PREDMETE U SVIM TUŽILAŠTVIMA U BIH	64
6. RAZNI KRIVIČNI PREDMETI (KTA - NEODREDIVO KRIVIČNO DJELO I IZVRŠILAC)	68
7. KRIVIČNI PREDMETI U KOJIMA JE NEPOZNAT POČINILAC (KTN PREDMETI)	70
8. KRIVIČNI PREDMETI KOJI SE ODNOSU NA MALOLJETNE POČINIOCE KRIVIČNIH DJELA (KTM PREDMETI)	72
9. MJERE ZA UNAPREĐENJE RADA	73
9.1. Mjere za unapređenje rada Tužilaštva BiH.....	73
9.2. Prijedlog mjera za unapređenje rada tužilaštava u BiH.....	75
10. INICIJATIVE ZA IZMJENE ILI DOPUNE ZAKONSKIH PROPISA.....	76
ZAKLJUČAK O RADU TUŽILAŠTVA BIH	78
OPĆI ZAKLJUČAK O STANJU KRIMINALITETA U BOSNI I HERCEGOVINI	83



UVOD

U skladu sa članom 13. Zakona o Tužilaštvu BiH („Službeni glasnik Bosne i Hercegovine“, broj: 24/02, 3/03, 37/03, 42/03, 9/04, 35/04, 61/04 i 97/09), Tužilaštvo BiH na godišnjem nivou sačinjava izvještaj na osnovu obrade statističkih podataka Tužilaštva BiH, Federalnog tužilaštva BiH, Republičkog javnog tužilaštva Republike Srpske i Tužilaštva Brčko distrikta, te izvještava javnost i Parlamentarnu skupštinu Bosne i Hercegovine o stanju kriminaliteta u Bosni i Hercegovini. Prema članu 10. istog Zakona, Tužilaštvo BiH ima pravo i dužnost da, u okviru ostvarivanja svojih funkcija, na vlastitu inicijativu ili na zahtjev, izvještava Predsjedništvo Bosne i Hercegovine, Parlamentarnu skupštinu Bosne i Hercegovine i Vijeće ministara Bosne i Hercegovine o svom radu i o primjeni zakona Bosne i Hercegovine. Osim navedenog, a na osnovu člana 11. stava 1. Zakona o Tužilaštvu BiH, Tužilaštvo BiH obavještava javnost o pojavama i problemima od općeg značaja koje je zapazilo u svom radu, putem sredstava javnog informisanja ili na drugi način.

Tužilaštvo Bosne i Hercegovine (u daljem tekstu: Tužilaštvo BiH) je osnovano Zakonom o Tužilaštvu Bosne i Hercegovine („Službeni glasnik Bosne i Hercegovine“, broj: 24/02, 3/03, 37/03, 42/03, 9/04, 35/04, 61/04 i 97/09), kojim se regulišu osnovni principi poslovanja, nadležnost, kao i osnovi unutrašnje organizacije ove institucije. Tužilaštvo BiH je otpočelo sa radom 27.01.2003. godine. Tužilaštvom BiH rukovodi i isto predstavlja glavni tužilac.

Osnovna funkcija Tužilaštva BiH je postupanje u krivičnim predmetima iz zakonom propisane nadležnosti, i to: sprovođenje istraga za krivična djela za koja je nadležan Sud Bosne i Hercegovine, te za gonjenje počinilaca pred Sudom Bosne i Hercegovine, u skladu sa Zakonom o krivičnom postupku Bosne i Hercegovine i drugim primjenjivim zakonima; primanje zahtjeva za međunarodnu pravnu pomoć u krivičnim stvarima, u skladu sa zakonima, multilateralnim i bilateralnim sporazumima i konvencijama, uključujući i zahtjeve za izručenje ili predaju traženih lica od strane sudova ili organa na području Bosne i Hercegovine i drugih država, odnosno međunarodnih sudova ili tribunala.

Tužilaštvo BiH je nezavisno u svome radu kako u odnosu na sve učesnike u krivičnom postupku, tako i u odnosu na državne i druge organe javne vlasti i međunarodne organizacije.

Pored gore navedenog, Tužilaštvo BiH izrađuje statističke preglede svojih aktivnosti putem izvještaja o radu, te priprema informacije o stanju kriminaliteta u Bosni i Hercegovini i ukazuje na tendencije u njegovom kretanju, a na osnovu dostavljenih podataka od strane Federalnog tužilaštva Federacije BiH, Republičkog javnog tužilaštva Republike Srpske i Tužilaštva Brčko distrikta BiH.

Informacija o radu Tužilaštva BiH za 2025. godinu sadrži pregled aktivnosti i rezultate rada Tužilaštva BiH, s posebnim osvrtom na aktivnosti svakog odjela i uprave zasebno, te pregled rezultata rada, odnosno stanja kriminala i trendove kretanja u Federaciji BiH, Republici Srpskoj i Brčko distriktu.

Informacija sadrži podatke o broju neriješenih i riješenih predmeta, broju predmeta koji su zaprimljeni tokom izvještajnog perioda, postupanje po predmetima u izvještajnoj godini, podatke o sudskim odlukama i sl., koji su prikazani statistički, tabelarno i grafički i narativno obrazloženi.



U zaključnom dijelu date su smjernice za poboljšanje rada institucije, te zaključak koji sublimira sve aktivnosti obrađene ovom informacijom. Pored navedenog, u informaciji se definiše prijedlog mjera koje su usmjerene na suzbijanje i prevenciju kriminaliteta na nivou Bosne i Hercegovine, a u okviru svojih nadležnosti.



PRVI DIO - INFORMACIJA O RADU TUŽILAŠTVA BIH

1. RUKOVOĐENJE I ORGANIZACIJA TUŽILAŠTVA

Unutrašnja organizacija Tužilaštva Bosne i Hercegovine propisana je Pravilnikom o unutrašnjoj organizaciji Tužilaštva Bosne i Hercegovine, koji je donesen na osnovu Zakona o Tužilaštvu Bosne i Hercegovine (u daljem tekstu: Pravilnik). Pravilnikom je utvrđena organizacija Tužilaštva Bosne i Hercegovine, kao i potrebni broj stručnog i administrativno – tehničkog osoblja.

Shodno normativnom okviru, Tužilaštvom BiH rukovodi i predstavlja ga glavni tužilac Tužilaštva BiH. Nadležnosti i ovlaštenja glavnog tužioca Tužilaštva BiH propisani su Zakonom o Tužilaštvu Bosne i Hercegovine i Pravilnikom. Zakonom o Tužilaštvu BiH predviđeno je da glavni tužilac ima četiri zamjenika.

Odlukom VSTV-a Bosne i Hercegovine, na sjednici od 20.10.2022. godine, Milanko Kajganić je imenovan za glavnog tužioca Tužilaštva BiH. Pored navedenog, u 2025. godini dužnost zamjenika glavnog tužioca obavljali su Ivan Matešić, Džermin Pašić i Mladen Furtula.

Tokom 2025. godine u Tužilaštvu BiH, na dan 01.01.2025. godine, bilo je zaposleno 55 tužilaca, računajući dva suspendovana tužioca. Početkom mjeseca aprila za jednog tužioca ukinuta je suspenzija i isti se vratio na rad u Tužilaštvo BiH. Pored toga, 2 tužioca su prestala sa radom radi odlaska u penziju, 4 tužioca Tužilaštva BiH su imenovana na pravosudne funkcije u druge pravosudne institucije, a 1 tužilac je podnio ostavku na obavljanje pravosudne dužnosti. Tužilac koji je imenovan za člana VSTV-a sredinom 2024. godine je obavljao poslove člana VSTV-a i tokom 2025. godine. U 2025. godini nije bilo imenovanja novih tužilaca.

Tužioci Tužilaštva BiH su raspoređeni u dva odjela i to Posebni odjel za ratne zločine koji ima tri odsjeka u kojima je formirano šest timova koji se temelje na već postojećoj podjeli poslova po regionalnom principu i to: Tim 1 - Sjeverozapadna Bosna i dio Posavine; Tim 2 - Srednja Bosna; Tim 3 - Istočna Bosna (dolina Drine) i dio Posavine; Tim 4 - Sarajevo i Istočna Bosna uključujući Foču; Tim 5 - Zapadna Hercegovina i dolina Neretve; Tim 6 – Srebrenica i Posebni odjel za organizirani kriminal, privredni kriminal i korupciju (POOK)¹ koji ima šest odsjeka i to: Odsjek za organizirani kriminal, Odsjek za korupciju, Odsjek za privredni kriminal, Odsjek za terorizam, Odsjek za krijumčarenje ljudi i trgovinu ljudima i Odsjek za međunarodnu pravnu pomoć i ostala krivična djela iz nadležnosti Tužilaštva Bosne i Hercegovine.

Sa danom 31.12.2025. godine u Tužilaštvu BiH je bilo ukupno 218 zaposlenika i to: 48 tužilaca, 130 stručnog osoblja i 46 administrativno-tehničkog osoblja. Ovaj broj zaposlenih tokom 2025. godine se mijenjao (radi odlaska u penziju, prelaska na rad u drugu instituciju itd.). Pored navedenog, u Tužilaštvu BiH bilo je zaposleno 5 zaposlenika angažovanih po IPA projektu i 1 volonter. Dakle, u Tužilaštvu BiH radila su ukupno 224 zaposlenika.

¹ Posebni odjel za organizirani kriminal, privredni kriminal i korupciju.



Prema Pravilniku o unutrašnjoj organizaciji Tužilaštva BiH sistematizovana su ukupno 392 radna mjesta i to: 63 tužioca, 206 stručnog i 123 administrativno-tehničkog osoblja, na dan 31.12.2025. godine bilo je zaposleno ukupno 218 zaposlenika. Trenutno je zaposleno 48 ili 76,19% tužilaca, 130 ili 63,11% stručnog osoblja i 46 ili 37,39% administrativnog osoblja. Ukupna popunjenost sistematizovanih radnih mjesta u Tužilaštvu BiH je 218 ili 55,61%.

Na osnovu projekta „EU podrška reformama pravosuđa u BiH“ – IPA 2019 u aktivnostima Uspostavljanja kapaciteta za jačanje tužilaštava u sprovođenju finansijskih istraga u predmetima privrednog kriminala i srodnim krivičnim djelima, do sredine 2025. godine u Tužilaštvu BiH su bila angažovana 2 ekonomska stručnjaka koja su radila na pružanju pomoći tužiocima u radu u Posebnom odjelu za organizirani kriminal, privredni kriminal i korupciju.

U organizacionom smislu, u Tužilaštvu BiH postoje tri osnovne organizacione jedinice i to: dva tužilačka odjela i uprava Tužilaštva BiH, a što je i prikazano na šemi broj 1.

ŠEMA BROJ 1. ORGANIZACIJA TUŽILAŠTVA BIH

GLAVNI TUŽILAC		
ODJEL I (POSEBNI ODJEL ZA RATNE ZLOČINE)	ODJEL II (POSEBNI ODJEL ZA ORGANIZIRANI KRIMINAL, PRIVREDNI KRIMINAL I KORUPCIJU)	UPRAVA

1.1. Organizaciona i kadrovska osposobljenost Posebnog odjela za ratne zločine (Odjel I)

U Odjelu I, u okviru tri odsjeka formirano je šest timova koji se temelje na već postojećoj podjeli poslova po regionalnom principu i to: Tim 1 - Sjeverozapadna Bosna i dio Posavine; Tim 2 - Srednja Bosna; Tim 3 - Istočna Bosna (dolina Drine) i dio Posavine; Tim 4 - Sarajevo i Istočna Bosna uključujući Foču; Tim 5 - Zapadna Hercegovina i dolina Neretve; Tim 6 – Srebrenica.

ŠEMA BROJ 2. ORGANIZACIJA POSEBNOG ODJELA ZA RATNE ZLOČINE

ODJEL I - POSEBNI ODJEL ZA RATNE ZLOČINE		
ODSJEK I (Sarajevo i Istočna Bosna, uključujući i Foču i Zapadnu Hercegovinu i dolinu Neretve) Tim 4 i Tim 5	ODSJEK II (Sjeverozapadna Bosna i dio Posavine i Srednja Bosna) Tim 1 i Tim 2	ODSJEK III (Istočna Bosna - dolina Drine i dio Posavine i Srebrenica) Tim 3 i Tim 6



Prosječan broj tužilaca koji su radili u Odjelu I bio je 20, pored toga 1 tužilac koji je prethodno udaljen od vršenja pravosudne funkcije početkom aprila je vraćen na poziciju tužioca.

Posebnim odjelom za ratne zločine rukovodi zamjenik glavnog tužioca Ivan Matešić.

U izvještajnom periodu šefovi odsjeka u Posebnom odjelu za ratne zločine bili su: šef Odsjeka I bila je tužilač Marijana Čobović, koja obavlja dužnost i zamjenika rukovodioca ovog Odjela, šef Odsjeka II Posebnog odjela za ratne zločine bio je Tarik Crnkić; šef Odsjeka III bio je zamjenik glavnog tužioca Ivan Matešić.

Na dan 31.12.2025. godine u Odjelu I ukupno je raspoređeno: 1 stručni saradnik-savjetnik – pravnik, 20 stručnih saradnika – pravnika i 2 stručna saradnika – pravnika angažovana po IPA projektu, 1 stručni savjetnik – istražitelj, 12 stručnih saradnika – istražitelja i 3 stručna saradnika – istražitelja angažovana po IPA projektu, 4 stručna saradnika - koordinatora predmeta, 1 stručni saradnik - analitičar, 2 stručna saradnika analitičara na bazi podataka otvorenih predmeta ratnih zločina i 12 referenata specijalista – tužilačkih administrativno-tehničkih pomoćnika koji su po potrebi raspoređivani u oba odjela TBiH.

Pored već navedenih zaposlenika u Odjelu I, u toku 2025. godine po IPA projektu bilo je angažovano 5 zaposlenika i to: 2 stručna saradnika - pravnika, 3 stručna saradnika – istražitelja.

Međutim, broj stručnog i administrativnog osoblja se u toku 2025. godine mijenjao tako što je određeni broj zaposlenika bio odsutan u različitim terminima zbog porodijskog odsustva, prelaska na rad u drugu instituciju, bolovanja itd.

U određenim predmetima, gdje se radilo o izuzetno kompleksnim istragama, tužiocima je po potrebi dodjeljivano više stručnih saradnika - pravnika, što je u značajnoj mjeri doprinosilo efikasnijem radu na najsloženijim predmetima ratnih zločina.

1.2. Organizaciona i kadrovska osposobljenost Posebnog odjela za organizirani kriminal, privredni kriminal i korupciju (Odjel II)

U Posebnom odjelu za organizirani kriminal, privredni kriminal i korupciju ima šest odsjeka i to: Odsjek za organizirani kriminal, Odsjek za korupciju, Odsjek za privredni kriminal, Odsjek za terorizam, Odsjek za krijumčarenje ljudi i trgovinu ljudima i Odsjek za međunarodnu pravnu pomoć i ostala krivična djela iz nadležnosti Tužilaštva BiH.

ŠEMA BROJ 3. ORGANIZACIJA POSEBNOG ODJELA ZA ORGANIZIRANI KRIMINAL, PRIVREDNI KRIMINAL I KORUPCIJU

ODJEL II - POSEBNI ODJEL ZA ORGANIZIRANI KRIMINAL, PRIVREDNI KRIMINAL I KORUPCIJU					
ODSJEK ZA ORGANIZIRANI KRIMINAL	ODSJEK ZA PRIVREDNI KRIMINAL	ODSJEK ZA KORUPCIJU	ODSJEK ZA TERORIZAM	ODSJEK ZA KRIJUMČARENJE LJUDI I TRGOVINU LJUDIMA	ODSJEK ZA MEĐUNARODNU PRAVNU POMOĆ I OSTALA KRIVIČNA DJELA IZ NADLEŽNOSTI TUŽILAŠTVA BiH



U Posebnom odjelu za organizirani kriminal, privredni kriminal i korupciju ima šest odsjeka i to: Odsjek za organizirani kriminal, Odsjek za korupciju, Odsjek za privredni kriminal, Odsjek za terorizam, Odsjek za krijumčarenje ljudi i trgovinu ljudima i Odsjek za međunarodnu pravnu pomoć i ostala krivična djela iz nadležnosti Tužilaštva BiH.

Prosječan broj tužilaca koji su radili u Odjelu II bio je 27, pored toga 1 tužilac se duži vremenski period nalazi na suspenziji.

Posebnim odjelom za organizirani kriminal, privredni kriminal i korupciju u 2025. godini rukovodili su zamjenici glavnog tužioca Džermin Pašić i Mladen Furtula.

U izvještajnom periodu šefovi odsjeka bili su: šef Odsjeka za organizirani kriminal bio je zamjenik glavnog tužioca Džermin Pašić; šef Odsjeka za privredni kriminal bio je zamjenik glavnog tužioca Mladen Furtula; šef Odsjeka za terorizam bila je tužilac Ivana Petković; šef Odsjeka za korupciju bila je tužilac Bojana Jolović; šef Odsjeka za krijumčarenje ljudi i trgovinu ljudima je tužilac Ahmed Mešić koji je od 01.10.2024. godine imenovan za zamjenika rukovodioca Posebnog odjela za organizirani kriminal, privredni kriminal i korupciju; šef Odsjeka za međunarodnu pravnu pomoć i ostala krivična djela iz nadležnosti Tužilaštva BiH bila je tužilac Nives Kanevčev.

Na dan 31.12.2025. godine u Odjel II bilo je raspoređeno: 1 stručni saradnik – savjetnik – pravnik, 1 stručni savjetnik – ekonomista, 31 stručni saradnik – pravnik, 3 stručna saradnika - savjetnika – istražitelja, 10 stručnih saradnika – istražitelja, 1 stručni saradnik – istražitelj za privredni kriminal, 3 stručna saradnika analitičara, 5 stručnih saradnika – koordinatora predmeta i 12 referenata specijalista – tužilačkih administrativno-tehničkih pomoćnika koji su po potrebi raspoređivani u oba odjela TBiH.

1.3. Vrste i način dodjele tužilačkih predmeta

Početkom 2011. godine, od strane VSTV-a je implementiran Sistem upravljanja predmetima u tužilaštvima (TCMS) koji ima za svrhu potpunu automatizaciju procesa rada u sudovima i tužilaštvima, čime se omogućava veća efikasnost i transparentnost u radu osoblja, te praćenje statističkih podataka i izvještavanje kako na nivou pojedinačnih pravosudnih institucija, tako i na nivou kantona, entiteta i cijele države. Rad u TCMS sistemu je uređen Pravilnikom o sistemu za automatsko upravljanje predmetima u tužilaštvima, koji donosi Visoko sudsko i tužilačko vijeće Bosne i Hercegovine. U Tužilaštvu Bosne i Hercegovine primjena automatske dodjele predmeta tužiocima u potpunosti je implementirana od 16.07.2021. godine.

Navedenim pravilnikom VSTV je definisao vrste tužilačkih predmeta koji za cilj imaju evidentiranje i praćenje rada po svim oblastima kriminala, odnosno određene su posebne oznake za krivične predmete organiziranog kriminala, organiziranog kriminala visokog nivoa, privrednog kriminala, korupcije, visoke korupcije i druge oznake.²

² KT - Registar poznatih počinitelja krivičnih djela (pravna i fizička lica); KT-RZ - Registar poznatih počinitelja krivičnog djela ratnog zločina; KTPO - Registar poznatih počinitelja krivičnog djela privrednog kriminala; KTK - Registar poznatih počinitelja krivičnog djela korupcije; KTKV - Registar poznatih počinitelja krivičnog djela visoke korupcije; KTT - Registar poznatih počinitelja krivičnog djela terorizma; KTO - Registar poznatih počinitelja krivičnog djela organiziranog kriminala; KTOV - Registar poznatih počinitelja krivičnog djela organiziranog kriminala visoke korupcije; KTN - Registar krivičnih predmeta nepoznatih počinitelja; KTN-RZ - Registar nepoznatih počinitelja krivičnog djela ratnog zločina; KTNT; KTNK; KTNPO; KTNNO - Registar krivičnih predmeta nepoznatih počinitelja (krivična djela terorizma, korupcije, privrede i organiziranog kriminala); KTM - Registar krivičnih predmeta maloljetnih počinitelja; KTPOM - Registar predmeta pravne pomoći; KTMPOM - Registar predmeta međunarodne pravne pomoći; KTEKS - Registar predmeta ekstradicije; KTA - Registar raznih krivičnih predmeta; KTA-RZ - Registar raznih krivičnih predmeta ratnog zločina; KTAT, KTAK, KTAPO, KTAO - Registar raznih krivičnih predmeta (krivična djela terorizma, korupcije, privrede i organiziranog kriminala); KTŽ; KTTŽ; KTKŽ; KTOŽ; KTKVŽ, KTOVŽ - Žalba na presudu (krivična djela terorizma, korupcije, visoke korupcije, privrede i organiziranog kriminala); KTP - Pritužbe na odluke; KTF - Registar krivičnih predmeta za finansijske istrage.



2. OSTVARENA KOLEKTIVNA NORMA TUŽILAŠTVA

Ostvarena kolektivna norma u Tužilaštvu BiH je **134,45%**, dok kvalitet tužilačkih odluka, kada su u pitanju optužnice u izvještajnom periodu iznosi **98,55%**, a kvalitet tužilačkih odluka kada su u pitanju naredbe o nesprovođenju i obustavljanju istraga iznosi **100%**. Ostvarena kolektivna norma Odjela I iznosi **125,74%** i Odjela II iznosi **139,14%**.

U izvještajnom periodu ostvarena pojedinačna norma tužilaca Tužilaštva BiH se kretala od 9,27% do 471,55%. Normu od 471,55% ostvario je zamjenik glavnog tužioca i rukovodilac Posebnog odjela za ratne zločine.

U skladu sa Pravilnikom o orijentacionim mjerilima za rad tužilaca u tužilaštvima u BiH doneseno je ukupno 50 odluka o većem vrednovanju predmeta po zahtjevima tužilaca i to 21 odluka po članu 8. (Posebne situacije vrednovanja izuzetno složenih predmeta), 20 odluka po članu 11. (Posebno vrednovanje rada tužilaca na predmetima) i 9 odluka po članu 10. (Vrednovanje rada u tužilačkim timovima). Od ukupnog broja odluka o većem vrednovanju predmeta, 36 odluka je doneseno za predmete Odjela I i 14 odluka za predmete Odjela II.

3. REZULTATI RADA POSEBNOG ODJELA ZA RATNE ZLOČINE U ODNOSU NA PRIJAVE, ISTRAGE I OPTUŽNICE U IZVJEŠTAJNOM PERIODU

Tokom izvještajnog perioda ostvarena kolektivna norma Posebnog odjela za ratne zločine iznosila je 125,74%. U Posebnom odjelu za ratne zločine Odsjek I je ostvario kolektivnu normu od 101,82%, Odsjek II je ostvario kolektivnu normu od 99,73%, dok je Odsjek III ostvario kolektivnu normu od 159,17%.

3.1. Optužnice u suđenju i podignute optužnice u predmetima ratnih zločina

Pred Sudom Bosne i Hercegovine se po optužnicama Tužilaštva BiH za krivična djela ratnih zločina vodi 51 prvostepeni postupak protiv 234 optužena lica i 5 drugostepenih postupaka protiv 11 lica. Pored toga, sa 31.12.2025. godine potvrđene su 43 optužnice u kojima je evidentirano 50 nedostupnih optuženih lica, a koje nisu prenesene u države gdje se optužena lica nalaze. Također, pored ovog broja evidentirano je još 27 lica koja su postala nedostupna nakon početka glavnog pretresa, donošenja prvostepene ili drugostepene presude. Dakle, iz navedenog proizlazi da usljed objektivnih razloga koji su vezani za nedostupnost lica i druge razloge najveći izazov u predmetima ratnih zločina predstavlja kontinuirano održavanje glavnih pretresa kako bi se u istim donijele sudske odluke u odnosu na podignute optužnice, odnosno optužena lica. Pored navedenog, veliki broj optužnica koje se i dalje nalaze u suđenju dodatno iscrpljuje kapacitete Tužilaštva i u određenom smislu utiče na rješavanje istraga i rješavanje drugih otvorenih predmeta ratnih zločina.

Poseban odjel za ratne zločine je u izvještajnom periodu podigao 11 optužnica protiv 25 lica. Odjel I je u izvještajnom periodu ukupno imao u radu 22 optužnice protiv 63 lica, od toga je 11 optužnica protiv 38 lica preneseno iz ranijeg perioda u kojima do 01.01.2025. godine nije donesena odluka



Suda BiH. Potvrđeno je 13 optužnica protiv 40 lica, dok za 9 optužnica protiv 23 lica do 31.12.2025. godine nije donesena odluka Suda BiH. U izvještajnom periodu nije bilo odbijenih optužnica.


➤ *Tabelarni pregled krivičnih djela u odnosu na koja su podignute optužnice*

KRIVIČNO DJELO PROPISANO KRIVIČNIM ZAKONOM	PODIGNUTE OPTUŽNICE	
	PREDMETI	LICA
Član 142. KZ SFRJ - Ratni zločin protiv civilnog stanovništva	2	3
Član 171. KZ BiH – Genocid	2	5
Član 172. KZ BiH - Zločini protiv čovječnosti	3	8
Član 173. KZ BiH - Ratni zločin protiv civilnog stanovništva	3	7
Član 175. KZ BiH - Ratni zločin protiv ratnih zarobljenika	1	2
UKUPNO	11	25

Tokom 2023. godine u Odjelu I definisani su prioriteti od 26 predmeta koji su nastali spajanjem 40 predmeta kojima su obuhvaćeni isti događaji ili osumnjičena ista lica, nakon čega su od strane glavnog tužioca donesena obavezujuća uputstva tužiocima za donošenje tužilačkih odluka u tim predmetima, uz istovremeno obezbjeđivanje potrebnih ljudskih i materijalnih resursa. Također, formiran je veći broj tužilačkih timova, što je rezultiralo podizanjem složenih optužnica u kojima je smrtno stradao veći broj lica.

Pozitivna praksa u pogledu rješavanja ove vrste predmeta i podizanja kvaliteta optužnica u odnosu na kvantitet bit će nastavljena i u 2026. godini, bez obzira na činjenicu da će predmetni način rada za posljedicu imati smanjen broj podignutih optužnica.

➤ *Grafički prikaz podignutih optužnica po krivičnim djelima*




Grafikon 1.

Podignutim optužnicama obuhvaćeni su događaji u kojima je smrtno stradao veći broj lica, pa je tako u vezi sa izvršenim krivičnim djelom iz člana 171. KZ-a BiH obuhvaćeno stradanje 5100 lica, u vezi sa izvršenim krivičnim djelom iz člana 172. KZ-a BiH 332 lica, u vezi sa krivičnim djelom iz člana 142. KZ-a SFRJ 1 lice, u vezi sa krivičnim djelom iz člana 173. KZ-a BiH 13 lica i u vezi sa



izvršenim krivičnim djelom iz člana 175. KZ-a BiH 1 lice. U predmetnom izvještaju prikazane su smrtno stradale žrtve izvršenih ratnih zločina, u izvještaju nisu obuhvaćene žrtve koje su prolazile kroz različite oblike nečovječnog i nehumanog postupanja.

➤ *Grafički prikaz žrtava krivičnih djela ratnih zločina*



Grafikon 2.

Na osnovu tabelarnog i grafičkog prikaza vidljivo je da je u događajima koji su obuhvaćeni optužnicama smrtno stradalo 5447 lica.

3.2. Realizacija Plana rješavanja prioriternih predmeta ratnih zločina

Poseban odjel za ratne zločine je Planom rješavanja predmeta za 2025. godinu planirao rješavanje 73 KTRZ predmeta, od kojih su riješena 32 KTRZ predmeta. Pored navedenih predmeta riješena su još 2 KTRZ predmeta koja su bila isključena iz plana zbog nedostupnosti lica, a koja su uključena u plan rješavanja na osnovu Uputstva za izradu Plana rješavanja predmeta ratnih zločina, koje je doneseno na sjednici VSTV-a dana 17., 18. i 19.04.2024. godine, tako da su na kraju 2025. godine Planom rješavanja predmeta ratnih zločina riješena 34 KTRZ predmeta. Pored toga, riješeno je još 7 KTRZ predmeta koji nisu bili uključeni u plan realizacije zbog pravila propisanih Uputstvom za izradu Plana rješavanja predmeta ratnih zločina, tako da je u toku 2025. godine ukupno riješen 41 KTRZ predmet. U skladu sa navedenim Uputstvom i korekcijom Plana rješavanja prioriternih predmeta riješenost KTRZ predmeta procentualno iznosi 46,58%.

Predmetnim Planom rješavanja prioriternih predmeta ratnih zločina planirano je rješavanje 256 KTARZ predmeta i 50 KTNRZ predmeta na početku godine. Prilikom sačinjavanja Revidiranog plana rješavanja prioriternih predmeta, izvršena je izmjena prvobitnog plana tako da je početni broj KTARZ predmeta smanjen na 248, a KTNRZ predmeta povećan na 55.


Na kraju godine iz Plana, u skladu sa uputstvima VSTV-a, isključeno je 5 KTARZ predmeta i 1 KTNRZ predmet, tako da su u planu bila 243 KTARZ predmeta i 54 KTNRZ predmeta. Poseban odjel za ratne zločine je riješio 241 KTARZ predmet i 53 KTNRZ predmeta, tako da procenat realizacije KTARZ predmeta iznosi 99,18%, a procenat realizacije KTNRZ predmeta iznosi 98,15%. Ukupan procenat realizacije Plana po svim vrstama predmeta u 2025. godini je **88,65%**.

Realizacija Plana rješavanja predmeta prikazana je na sljedećem tabelarnom i grafičkom prikazu:



Vrsta predmeta	Planirani obim	Riješeno prema planu	Ostalo neriješeno	Procentualno
KT-RZ	73	34	39	46,58%
KTA-RZ	243	241	2	99,18%
KTN-RZ	54	53	1	98,15%
UKUPNO	370	328	42	88,65% ³


➤ *Grafički prikaz ukupne riješenosti predmeta ratnih zločina*



Grafikon 3.

Iz prikazanog grafičkog i tabelarnog pregleda vidljivo je da je procenat ukupne riješenosti planiranih predmeta značajno veći u posljednje četiri godine u odnosu na prethodni period, odnosno da je u toku 2025. godine ukupna riješenost prioriternih predmeta ratnih zločina oko 88,65%.

➤ *Grafički prikaz rješavanja KTA-RZ predmeta*




Grafikon 4.

Iz prikazanog grafičkog i tabelarnog pregleda vidljivo je da je procenat ukupne riješenosti planiranih KTA-RZ predmeta značajno veći u posljednje četiri godine u odnosu na prethodni period, odnosno da je za 2025. godinu iznosio oko 99,18%.

³ Procenat je izračunat na osnovu ukupnog broja planiranih i riješenih KTRZ, KTARZ i KTNRZ predmeta.



➤ *Grafički prikaz rješavanja KTN-RZ predmeta*



Grafikon 5.

Iz prikazanog grafičkog i tabelarnog prikaza vidljivo je da je procenat ukupne riješenosti planiranih prioriternih KTN-RZ predmeta također značajno veći u posljednje četiri godine u odnosu na prethodni period, odnosno da za 2025. godinu iznosi 98,15%.

➤ *Tabelarni pregled predmeta koji su riješeni mimo Plana rješavanja prioriternih predmeta*

Vrsta predmeta	Planirani obim	Riješeno prema planu	Riješeno mimo plana	Ukupno riješeno	Procentualno
KT-RZ	73	34	7	41	56.16%
KTA-RZ	248	241	25	266	107.25%
KTN-RZ	55	53	10	63	114.54%

Tužiocima Posebnog odjela za ratne zločine riješili su mimo plana 7 KT-RZ, 25 KTA-RZ i 10 KTN-RZ predmeta.

3.3. Prvostepene, drugostepene presude i druge sudske odluke u predmetima ratnih zločina

U toku izvještajnog perioda po optužnicama Odjela I doneseno je ukupno 5 prvostepenih presuda protiv 11 lica, kojima je u 4 predmeta 6 lica osuđeno na kaznu zatvora, dok je u 1 predmetu 5 lica oslobođeno krivice. Sud BiH je protiv 2 lica obustavio krivični postupak iz razloga nastupanja smrti lica u toku vođenja krivičnog postupka. Osuđenim licima je izrečeno ukupno 30 godina i šest mjeseci zatvora. Na prvostepene presude uložene su 4 žalbe u odnosu na 10 lica. Također, u ovom periodu odbijeno je 6 žalbi protiv 18 lica.

U toku 2025. godine doneseno je ukupno 7 pravosnažnih presuda za 20 lica i to 5 osuđujućih presuda za 14 lica i 2 oslobađajuće presude za 6 lica. Ukupno je izrečeno 117 godina zatvora.




3.4. Rezultati rada Odjela I u odnosu na prijave

Na početku izvještajnog perioda u odnosu na KTRZ predmete bilo je neriješeno 95 prijava protiv 1621 lica koje su prenesene iz prethodnog perioda, u izvještajnom periodu zaprimljeno je 11 prijava protiv 86 lica, u izvještajnom periodu bilo je u radu 106 prijava protiv 1707 lica, tokom izvještajnog perioda riješene su 33 prijave protiv 302 lica, tako da su na kraju izvještajnog perioda ostale neriješene 73 prijave protiv 1405 lica.

➤ *Tabelarni pregled rezultata rada u odnosu na prijave*

Prijave - KTRZ predmeti	Predmeti		Lica	
	2025	2024	2025	2024
Prenesene prijave iz ranijih godina	95	126 ⁴	1621	1880 ⁵
Zaprimljene prijave u toku 2025. godine	11	16	86	191
Ukupno prijava u radu	106	142	1707	2071
Broj naredbi o nesprovođenju istrage	12	13	164	189
Broj naredbi o sprovođenju istrage	12	17	37	66
Prijave riješene na drugi način	9	17	101	195
Ukupno riješeno prijava	33	47	302	450
Neriješene prijave na kraju izvještajnog perioda	73	95	1405	1621

➤ *Grafički pregled neriješenih prijava u odnosu na predmete*



Grafikon 6.


Iz navedenog tabelarnog i grafičkog pregleda vidljivo je da je u 2025. godini, u odnosu na 2024. godinu, došlo do smanjenja broja neriješenih prijava u KTRZ predmetima za 22 ili za oko 23,15%, na osnovu čega se može zaključiti da su u pogledu smanjenja broja neriješenih prijava ispunjeni ciljani rezultati iz Strateškog okvira Tužilaštva BiH i Revidirane državne strategije za rad na predmetima ratnih zločina.

⁴ Broj neriješenih prijava u odnosu na predmete na kraju izvještajnog perioda 2021. godine bio je 174, 2022. godine 146 i 2023. godine 126.

⁵ Broj neriješenih prijava u odnosu na lica na kraju izvještajnog perioda 2021. godine bio je 2536, 2022. godine 2281 i 2023. godine 1880.



➤ *Grafički pregled neriješenih prijava u odnosu na lica*



Grafikon 7.

Iz navedenog tabelarnog i grafičkog pregleda vidljivo je da je u 2025. godini, u odnosu na 2024. godinu, došlo do smanjenja broja neriješenih prijava u KTRZ predmetima za 216 ili za oko 13,32% lica.

3.5. Rezultati rada Odjela I u odnosu na istrage

Na početku izvještajnog perioda u odnosu na KTRZ predmete bilo je 97 neriješenih istraga iz ranijeg perioda u odnosu na 651 lica, u toku izvještajnog perioda naređeno je 12 istraga protiv 37 lica, tako da je tokom 2025. godine bilo ukupno u radu 109 istraga protiv 688 lica, u navedenom periodu riješeno je 20 istraga protiv 87 lica, tako da je na kraju izvještajnog perioda ostalo neriješeno 89 istraga protiv 601 lica.

➤ *Tabelarni pregled rezultata rada u odnosu na istrage*


<i>Istrage - KTRZ predmeti</i>	<i>Predmeti</i>		<i>Lica</i>	
	2025	2024	2025	2024
Prenesene istrage iz ranijih godina	97	121 ⁶	651	778 ⁷
Broj naredbi o sprovođenju istrage u toku 2025. godine	12	17	37	66
Ukupno istraga u radu	109	138	688	844
Broj naredbi o obustavi istrage	6	17	46	114
Broj podignutih optužnica	11	18	25	45
Istrage riješene na drugi način	3	6	16	34
Ukupno riješeno istraga	20	41	87	193
Neriješene istrage na kraju izvještajnog perioda	89	97	601	651

⁶ Broj neriješenih istraga u odnosu na predmete u 2021. godini - 164, 2022. godini - 137, 2023. godini - 121.

⁷ Broj neriješenih istraga u odnosu na lica u 2021. godini - 960, 2022. godini - 896, 2023. godini - 778.




➤ *Tabelarni pregled neriješenih istraga u odnosu na predmete*



Grafikon 8.

Iz navedenog tabelarnog i grafičkog pregleda vidljivo je da je u 2025. godini, u odnosu na 2024. godinu, došlo do smanjenja broja neriješenih istraga u KTRZ predmetima za 8 ili za oko 8,24% predmeta, na osnovu čega se može zaključiti da su u pogledu smanjenja broja neriješenih istraga ispunjeni ciljani rezultati iz Strateškog okvira Tužilaštva BiH i Revidirane državne strategije za rad na predmetima ratnih zločina.

➤ *Tabelarni pregled neriješenih istraga u odnosu na lica*



Grafikon 9.

Iz navedenog tabelarnog i grafičkog pregleda vidljivo je da je u 2025. godini, u odnosu na 2024. godinu, došlo do smanjenja broja neriješenih istraga u KTRZ predmetima za 50 ili za oko 7,68% lica.


3.6. Nedostupna lica u odnosu na prijave i istrage

U izvještajnom periodu, zaključno sa 31.12.2025. godine, i dalje se vodi kao nedostupno 251 lice u 86 KTRZ predmeta Tužilaštva BiH, od toga 42 lica su lica oznake „A“. Navedena lica se nalaze u zemljama regije i ostalim zemljama svijeta za koje tužiocima redovno preduzimaju aktivnosti



predviđene zakonom (upućivanje zamolnica za međunarodnu pravnu pomoć, raspisivanje potjernica i dr.).


- *Tabelarni pregled predmeta u kojima su nedostupna lica u odnosu na ukupan broj neriješenih predmeta*



Grafikon 10.

Iz navedenog tabelarnog pregleda vidljivo je da su na kraju izvještajnog perioda ostala neriješena 162 predmeta (89 istraga i 73 prijave), te da su u 86 ili oko 53,09% predmeta evidentirana nedostupna lica. Navedena činjenica u značajnoj mjeri otežava rad na predmetima ratnih zločina i ispunjavanje strateških ciljeva iz Revidirane državne strategije za rad na predmetima ratnih zločina.

- *Tabelarni pregled nedostupnih lica u odnosu na prijave i istrage*



Grafikon 11.

Iz navedenog tabelarnog pregleda vidljivo je da je u predmetima ratnih zločina i dalje veliki broj nedostupnih lica, što neposredno utiče na rješavanje istih.



3.7. Rezultati rada Odjela I u odnosu na KTA-RZ predmete


Odjel I je u odnosu na KTA-RZ predmete na početku izvještajnog perioda imao u radu 808 predmeta koji su preneseni iz prethodnog perioda, tokom izvještajnog perioda zaprimljeno je 198 predmeta, tako da je bilo ukupno u radu 1006 predmeta. Tokom izvještajnog perioda riješeno je 266 predmeta, tako da je na kraju izvještajnog perioda ostalo u radu 740 predmeta.

U predmetima sa oznakom KTARZ važno je napomenuti da se pretežno radi o predmetima koji se odnose na ekshumacije, a čije rješavanje traje više godina iz razloga otežanog utvrđivanja identiteta ekshumiranih lica.

➤ *Tabelarni pregled KTA-RZ predmeta 2020-2025. godina*

Vrsta predmeta KTA-RZ	Neriješeno predmeta iz prethodnih godina	Primljeno predmeta u toku izvještajnog perioda	Ukupno u radu predmeta u toku izvještajnog perioda	Riješeno predmeta u toku izvještajnog perioda	Neriješeno predmeta na kraju izvještajnog perioda
2020	1622	165	1787	220	1567
2021	1567	212	1779	252	1527
2022	1527	157	1684	481	1203
2023	1203	196	1399	361	1038
2024	1038	165	1203	395	808
2025	808	198	1006	266	740

➤ *Grafički pregled neriješenih KTA-RZ predmeta 2020-2025. godina*



Grafikon 12.

Iz navedenog tabelarnog i grafičkog pregleda vidljivo je da je u 2025. godini, u odnosu na 2024. godinu, došlo do smanjenja broja neriješenih KTA-RZ predmeta za 68 ili za oko 8,41% predmeta. Također, na osnovu obrađenih statističkih podataka može se izvesti zaključak da je u posljednje četiri godine došlo do značajnog smanjenja broja neriješenih KTA-RZ predmeta u odnosu na prethodne godine, što je u skladu sa postavljenim ciljanim rezultatima iz Strateškog okvira i Revidiranom državnom strategijom za rad na predmetima ratnih zločina.



3.8. Rezultati rada Odjela I u odnosu na KTNRZ predmete

Kada je u pitanju rješavanje ove vrste predmeta, bitno je napomenuti da se radi o predmetima ratnih zločina čije rješavanje u najvećem dijelu zavisi od aktivnosti policijskih agencija u Bosni i Hercegovini.

Odjel I je u odnosu na KTN-RZ predmete na početku izvještajnog perioda imao u radu 242 predmeta koji su preneseni iz prethodnog perioda, tokom izvještajnog perioda zaprimljeno je 57 predmeta, tako da je u navedenom periodu bilo ukupno u radu 299 predmeta. Tokom izvještajnog perioda riješena su 63 predmeta, tako da je na kraju izvještajnog perioda ostalo neriješeno 236 predmeta.

➤ *Tabelarni pregled KTN-RZ predmeta 2019-2025. godina*

Vrsta predmeta KTA-RZ	Neriješeno predmeta iz prethodnih godina	Primljeno predmeta u toku izvještajnog perioda	Ukupno u radu predmeta u toku izvještajnog perioda	Riješeno predmeta u toku izvještajnog perioda	Neriješeno predmeta na kraju izvještajnog perioda
2019	527	86	613	87	526
2020	526	85	611	234	377
2021	377	78	455	211	244
2022	244	125	369	125	244
2023	244	93	337	93	244
2024	244	92	336	94	242
2025	242	57	299	63	236

Iz navedenog tabelarnog pregleda vidljivo je da unazad četiri godine nije dolazilo do promjene broja neriješenih KTN-RZ predmeta.

3.9. Rezultati rada Odjela I u odnosu na KTPOM predmete

Kada je riječ o KTPOM predmetima, tužioc Posebnog odjela za ratne zločine su imali u radu 11 predmeta i to 3 iz ranijeg perioda i 8 zaprimljenih u izvještajnom periodu. U izvještajnom periodu riješili su 5 predmeta, na kraju izvještajnog perioda ostalo je neriješeno 6 predmeta.

3.10. Međunarodna saradnja i opća razmatranja

U toku 2025. godine nastavljene su aktivnosti Nadzornog organa za praćenje provođenja Revidirane državne strategije za rad na predmetima ratnih zločina (dalje: Revidirana državna strategija), u čijem radu kao član bez prava glasa uzima učešće i rukovodilac Posebnog odjela za ratne zločine kao predstavnik Tužilaštva BiH. Po prijedlogu Nadzornog organa, produžen je rok Revidirane državne strategije do kraja 2028. godine, te se aktivnosti nastavljaju i u narednom periodu, a Tužilaštvo BiH kontinuirano podnosi izvještaje o radu na predmetima ratnih zločina Nadzornom organu.

Za ostvarenje Strateškog cilja VII Revidirane državne strategije za rad na predmetima ratnih zločina koji se odnosi na regionalnu saradnju, u izvještajnom periodu od izuzetnog značaja je Regionalna konferencija tužilaca o saradnji u procesuiranju ratnih zločina koja je održana u periodu od 02. do 04. septembra na Brijunima, koju je organiziralo Državno odvjetništvo Republike Hrvatske, uz učešće Tužilaštva Međunarodnog rezidualnog mehanizma za krivične sudove i uz podršku UNDP-a iz sredstava Evropske unije i Vlade Ujedinjenog Kraljevstva. Na navedenoj konferenciji učestvovali su i glavni tužilac Tužilaštva BiH, rukovodilac Posebnog odjela za ratne zločine Tužilaštva BiH, kao i šefovi odsjeka u Posebnom odjelu za ratne zločine. Donesene su preporuke i zaključci koji su od značaja za dalju saradnju između Bosne i Hercegovine i država regiona na ustupanju predmeta kako u fazi istrage, tako i nakon podizanja optužnice. Delegacije su se složile da nastave sa razradom konkretnih planova za ustupanje predmeta te su ponovili svoju odlučnost da zajednički rade na



pronalaženju rješenja za preostale prepreke i izazove u procesuiranju ustupljenih predmeta. Izrazili su stav da je potrebno nastaviti održavanje i intenziviranje komunikacije između tužilaštva koje ustupa predmet i onog koje ga preuzima kako prije, tako i nakon ustupanja predmeta. Dalji zaključci odnose se na razmjenu podataka o postojećim zamolnicama za međunarodnu pravnu pomoć i saradnju na koje još nije odgovoreno i nastojanje da se na iste odgovori u razumnom roku, te pitanja u vezi sa ustupanjem dokaza, pozivanjem svjedoka, saradnjom sa Tužilaštvom Mehanizma u pitanjima koja se odnose na svjedoke kojima je Tribunal ili Mehanizam dodijelio mjere zaštite, kao i pitanja u vezi sa ostvarivanjem imovinskopravnih zahtjeva oštećenih, naročito u predmetima u kojima su oštećeni žrtve seksualnog nasilja. Izražena je posvećenost nastavku saradnje i prakse periodičnih regionalnih tužilačkih sastanaka, te je predstavljena mogućnost održavanja bilateralnih sastanaka o konkretnim predmetima koji se ustupaju.

Zaključno sa 31.12.2025. godine, putem regionalne saradnje riješeno je ukupno 5 KTRZ predmeta Odjela I koji su ustupljeni drugom pravosuđu. Od toga su ukupno 2 predmeta ustupljena nadležnim organima Republike Srbije, 1 u fazi istrage i 1 u fazi prijave. Nadležnim organima Republike Hrvatske ustupljena su 3 KTRZ predmeta, 1 u fazi istrage i 2 u fazi prijave.

U skladu sa odredbama i u svrhu ostvarenja Strateškog cilja III Revidirane državne strategije, izvršen je pregled složenosti KTRZ predmeta radi prioriternog procesuiranja složenijih predmeta ratnih zločina od strane Tužilaštva BiH. U toku 2025. godine kontinuirano se na polugodišnjem nivou vršilo ažuriranje svih KTRZ, KTARZ i KTNRZ predmeta radi lakšeg praćenja rada na navedenim predmetima. O svim otvorenim KTRZ, KTARZ i KTNRZ predmetima i detaljima postupanja u toku 2025. godine Tužilaštvo BiH je početkom januara 2026. godine obavijestilo Stalnu komisiju za efikasnost i kvalitet tužilaštava Visokog sudskog i tužilačkog vijeća BiH (dalje: Stalna komisija VSTV-a BiH) kroz dostavljanje ranije određenih tabelarnih prikaza traženih podataka.

Glavni tužilac Tužilaštva BiH donio je pojedinačna obavezujuća uputstva kojim se određuju rokovi za donošenje tužilačke odluke u prioriternim predmetima. U maju 2025. godine u prostorijama Tužilaštva BiH glavni tužilac i rukovodilac Posebnog odjela za ratne zločine u TBiH održali su sastanak sa predstavnicima MRMKS-a, te su razmijenjene informacije o navedenim predmetima. U cilju što efikasnijeg postupanja u prioriternim predmetima, ostvarena je kontinuirana saradnja i komunikacija kroz online sastanke postupajućih tužilaca i predstavnika MRMKS-a radi razmjene informacija, prikupljanja dokaznog materijala, kao i drugi oblici podrške.

U cilju prioriternog procesuiranja složenijih predmeta ratnih zločina od strane Tužilaštva BiH, na osnovu odluka Suda BiH o ustupanju entitetskim tužilaštvima i Brčko distriktu BiH u skladu sa članom 27a. Zakona o krivičnom postupku BiH, Tužilaštvo BiH je ustupilo vođenje postupka za 6 KTRZ predmeta za 21 lice. U toku 2025. godine je preneseno vođenje postupka entitetskim tužilaštvima i Brčko distriktu BiH za 48 KTNRZ predmeta i 32 KTARZ predmeta.

Tužilaštvo BiH je, u skladu sa preuzetim obavezama iz Revidirane državne strategije i Aneksa B, izvršilo neophodne provjere i sačinilo zbirnu ažuriranu informaciju o predmetima u kojima su evidentirana lica sa dodijeljenom oznakom „A“ od tužioca Međunarodnog krivičnog suda za bivšu Jugoslaviju („standardnu oznaku 'A' – dovoljno dokaza“). U skladu sa zaključcima Visokog sudskog i tužilačkog vijeća BiH (dalje: VSTV BiH), informacije o predmetima u kojima su evidentirana lica sa oznakom „A“, Tužilaštvo Bosne i Hercegovine redovno dostavlja Stalnoj komisiji VSTV-a BiH. Zaključno sa 31.12.2025. godine ukupno neriješenih lica „A“ u Tužilaštvu BiH je 104 lica u 39 KTRZ predmeta. Tužilaštvo BiH je ukupno završilo na različite načine 707 lica oznake „A“, a od tog broja je ustupljeno na postupanje drugim tužilaštvima u BiH ukupno 337 lica.



U izvještajnom periodu, zaključno sa 31.12.2025. godine, kao nedostupno se vodi 251 lice u 86 KTRZ predmeta Tužilaštva BiH, od toga 42 lica su lica oznake „A“. Navedena lica se nalaze u zemljama regije i ostalim zemljama svijeta, za koje tužioci redovno preduzimaju aktivnosti predviđene zakonom (upućivanje zamolnica za međunarodnu pravnu pomoć, raspisivanje potjernica i dr.). Tužilaštvo će fokus rada u 2026. godini nastaviti tako da se što više ovih predmeta prenese na tužilaštva u regiji i to u fazi istrage.

Podignute optužnice se u skladu sa Obavezujućim uputstvom glavnog tužioca objavljuju na web stranici Tužilaštva, čime je povećana transparentnost Tužilaštva BiH.

Nastavljena je dugogodišnja saradnja sa Institutom za nestala lica BiH, te Tužilaštvo BiH kontinuirano provodi aktivnosti u cilju pronalazjenja nestalih lica u okviru predmeta Terra. U toku 2025. godine nastavljeno je postupanje u predmetu Tužilaštva BiH broj T20 0 KTARZ 0011667 16, koji predmet je pod nadzorom glavnog tužioca Tužilaštva BiH i rukovodioca Posebnog odjela za ratne zločine Tužilaštva BiH. U ovom predmetu se prikupljaju i provjeravaju informacije o mogućim lokacijama pojedinačnih i masovnih grobnica na području Bosne i Hercegovine. Na osnovu navedenog predmeta, SIPA je formirala Operativni tim „TERRA“, čiji članovi postupaju po naredbama Tužilaštva BiH. U predmetu broj T20 0 KTARZ 0011667 16, od njegovog formiranja do 31.12.2025. godine, pronađeno je i ekshumirano ukupno 113 lica. U toku 2025. godine pronađena su i ekshumirana 2 tijela.

Zajedno sa predstavnicima Instituta za nestala lica BiH, predstavnici Tužilaštva BiH učestvovali su na obuci „Analitička obrada podataka u procesima traženja, ekshumacije i identifikacije nestalih lica u BiH sa fokusom na institucionalnu saradnju“. U junu 2025. godine održana je radionica na kojoj su učestvovali predstavnici Instituta za nestala lica BiH, Državne agencije za istrage i zaštitu BiH – SIPA, Obavještajno-sigurnosne agencije BiH OSA, Međunarodne komisije za nestala lica ICMP i Tužilaštva BiH. Primarne teme bile su prepreke i izazovi u radu na rješavanju pitanja nestalih lica kao pitanja od prioritetnog značaja u Bosni i Hercegovini. Prepoznata je potreba za periodičnim sastajanjem u cilju lakšeg prevazilaženja prepreka i efikasnijeg postupanja u konkretnim predmetima ekshumacija koji duže vrijeme čekaju na realizaciju zbog različitih razloga kao što je moguća opasnost od mina, potencijalni visoki troškovi ekshumacije, nedovoljno potkrijepljeni ili obrazloženi zahtjevi i slično. U tu svrhu su formirane operativne grupe za određena područja i utvrđena je lista budućih aktivnosti koje se nastavljaju tokom 2025. godine.

U cilju postupanja po Strateškoj mjeri VIII zaštite i podrške žrtvama i svjedocima Revidirane državne strategije u izvještajnom periodu predstavnici Tužilaštva BiH učestvovali su na Regionalnoj konferenciji o razmjeni iskustava pravosudnih službi za podršku žrtvama i svjedocima u okviru regionalnog projekta „Podrška EU izgradnji povjerenja na Zapadnom Balkanu“ u novembru 2025. godine. Cilj projekta je pružanje podrške u rješavanju nekih od posljedica oružanih sukoba u regiji, jačanje vladavine prava i socijalne otpornosti i kohezije, te pružanje podrške u procesu pristupa EU i izgradnje trajnog mira u regionu. Jedan od ključnih ciljeva projekta je i unapređenje pružanja podrške žrtvama i svjedocima u procesuiranju predmeta ratnih zločina. Također, nastavljene su aktivnosti Koordinacionog tijela za podršku svjedocima, koje djeluje u okviru projektne komponente VSTV-a BiH „Unapređenje rada na predmetima ratnih zločina“ IPA 2022 u saradnji sa odjelima za podršku svjedocima Suda BiH i Tužilaštva BiH.

Tokom izvještajnog perioda održan je značajan broj sastanaka sa predstavnicima udruženja oštećenih krivičnim djelima ratnih zločina na kojima predstavnici udruženja imaju priliku izraziti svoj stav o radu Tužilaštva Bosne i Hercegovine, ali i podijeliti određena saznanja koja mogu biti od značaja za konkretne predmete. Pozitivan efekat navedenih sastanaka odražava se kroz pomake u saradnji



oštećenih sa postupajućim tužiocima u konkretnim predmetima, te lakšoj razmjeni saznanja i informacija koje su važne za efikasnije postupanje.

Glavni tužilac i rukovodilac Posebnog odjela za ratne zločine Tužilaštva BiH redovno vrše nadzor nad sprovođenjem odredaba Revidirane državne strategije, kroz održavanje kolegija odjela, te izvještavaju o radu na predmetima ratnih zločina Nadzorni organ za praćenje provođenja Revidirane državne strategije i Stalnu komisiju VSTV-a BiH. Tužilaštvo BiH dva puta godišnje dostavlja Tužilaštvu MRMKS-a podatke o radu i niz drugih informacija u cilju sačinjavanja polugodišnjeg izvještaja Vijeću sigurnosti UN-a.

U toku 2025. godine se nastavila kontinuirana edukacija tužilaca i stručnog osoblja Posebnog odjela za ratne zločine od strane domaćih i međunarodnih organizacija u cilju poboljšanja efikasnosti i kvaliteta rada na predmetima ratnih zločina.

4. REZULTATI RADA POSEBNOG ODJELA ZA ORGANIZIRANI KRIMINAL, PRIVREDNI KRIMINAL I KORUPCIJU U ODNOSU NA PRIJAVE, ISTRAGE I OPTUŽNICE U IZVJEŠTAJNOM PERIODU

Ostvarena kolektivna norma Posebnog odjela za organizirani kriminal, privredni kriminal i korupciju (Odjela II) u izvještajnom periodu iznosi **139,14%**. Po odsjecima, ostvarena kolektivna norma iznosi: Odsjek za organizirani kriminal **173,83%**, Odsjek za privredni kriminal **154,65%**, Odsjek za korupciju **171,49%**, Odsjek za terorizam **111,44%**, Odsjek za krijumčarenje ljudi i trgovinu ljudima **106,48%**, te Odsjek za međunarodnu pravnu pomoć i ostala krivična djela iz nadležnosti Tužilaštva Bosne i Hercegovine **109,20%**.

4.1. Rezultati rada Odjela II u odnosu na prijave

Na početku izvještajnog perioda u odnosu na KT predmete bile su neriješene 764 prijave protiv 2519 lica, u toku izvještajnog perioda zaprimljene su 584 prijave protiv 1576 lica, tako da je u navedenom periodu bilo ukupno u radu 1348 prijava protiv 4095 lica, tokom 2025. godine riješeno je 569 prijava protiv 1579 lica, tako da je na kraju izvještajnog perioda ostalo neriješeno 779 prijava protiv 2516 lica.

➤ *Tabelarni pregled rezultata u odnosu na prijave*

Vrsta predmeta KT	Predmeti		Lica	
	2025	2024	2025	2024
Prenesene prijave iz ranijih godina	764	696	2519	2499
Zaprimljene prijave u toku 2025. godine	584	643	1576	1748
Ukupno prijava u radu	1348	1339	4095	4247
Broj naredbi o nesprovođenju istrage	261	258	602	797
Broj naredbi o sprovođenju istrage	173	208	500	571
Prijave riješene na drugi način	135	109	477	360
Ukupno riješeno prijava	569	575	1579	1728
Neriješene prijave na kraju izvještajnog perioda	779 ⁸	764 ⁹	2516 ¹⁰	2519 ¹¹

⁸ Podaci preuzeti iz SIPO sistema na dan 06.02.2026. godine u 17,26 sati, period od 01.01.2025. do 31.12.2025. godine na dan 20.01.2026. godine.

⁹ Podaci preuzeti iz SIPO sistema na dan 06.02.2026. godine u 16,46 sati, period od 01.01.2024. do 31.12.2024. godine na dan 31.12.2025. godine.

¹⁰ Podaci preuzeti iz SIPO sistema na dan 06.02.2026. godine u 17,21 sat, period od 01.01.2025. do 31.12.2025. godine na dan 20.01.2026. godine.

¹¹ Podaci preuzeti iz SIPO sistema na dan 06.02.2026. godine u 17,43 sati, period od 01.01.2024. do 31.12.2024. godine na dan 31.12.2025. godine.



Na osnovu navedenih statističkih podataka može se izvesti zaključak da je tokom 2025. godine zaprimljeno 59 ili oko 9,17% prijava manje u odnosu na prethodnu godinu, da je riješeno 6 ili 1,04% prijava manje u odnosu na prethodnu godinu, odnosno da je povećan broj donesenih naredbi o nesprovođenju istrage za 3 ili 1,16%, smanjen broj naredbi o sprovođenju istrage za 35 ili oko 16,82%, te da je riješeno prijava na drugi način 26 ili 23,85% prijava više u odnosu na prethodnu godinu.

4.2. Rezultati rada Odjela II u odnosu na istrage

U izvještajnom periodu u predmetima Odjela II bila je ukupno 371 otvorena istraga protiv 1541 lica, pri čemu su u izvještajnom periodu naređene 173 istrage protiv 500 lica, a iz ranijeg perioda preneseno je 198 istraga protiv 1041 lica. Na kraju izvještajnog perioda riješeno je 199 istraga u odnosu na 772 lica. Tokom izvještajnog perioda obustavljeno je 57 istraga protiv 214 lica, podignuto je 127 optužnica protiv 271 lica, te je 15 istraga za 287 lica riješeno na drugi način, tako da su ostale neriješene 172 istrage protiv 769 lica.

➤ *Rezultati rada Odjela II u odnosu na istrage*

<i>Rezultati rada u izvještajnom periodu u odnosu na istrage u Odjelu II</i>	<i>Predmeti</i>		<i>Lica</i>	
	2025	2024	2025	2024
Prenesene istrage iz ranijih godina	198	195	1041	1035
Broj naredbi o sprovođenju istrage u toku 2025. godine	173	208	500	571
Ukupno istraga u radu	371	403	1541	1606
Broj naredbi o obustavi istrage	57	53	214	197
Broj podignutih optužnica	127	144	271	290
Istrage riješene na drugi način	15	8	287	78
Ukupno riješeno istraga	199	205	772	565
Neriješene istrage na kraju izvještajnog perioda	172 ¹²	198 ¹³	769 ¹⁴	1041 ¹⁵

Iz navedenog tabelarnog pregleda vidljivo je da je tokom 2025. godine došlo do smanjenja broja naređenih istraga za 35 ili oko 16,82%, te da je došlo do blagog smanjenja broja riješenih istraga, odnosno da je u izvještajnom periodu riješeno 6 ili oko 2,92% manje u odnosu na prethodnu godinu, broj naredbi o obustavi istrage je veći za 4 ili za 7,54%, također broj riješenih istraga na drugi način je veći za 7 ili za 87,05% u odnosu na prethodnu godinu, dok je broj riješenih istraga podizanjem optužnice manji za 17 ili za oko 11,80%.

4.3. Rezultati rada Odjela II u odnosu na optužnice

Tužiocima Posebnog odjela za organizirani kriminal, privredni kriminal i korupciju su, u izvještajnom periodu, podigli 127 optužnica protiv 271 lica. Potvrđeno je 118 optužnica u odnosu na 224 lica, odbijene 2 optužnice u odnosu na 3 lica. U odnosu na 17 podignutih optužnica protiv 65 lica Sud BiH do kraja izvještajnog perioda nije donio odluku.

➤ *Tabelarni pregled podignutih optužnica u odnosu na krivična djela*

¹² Podaci preuzeti iz SIPO sistema na dan 06.02.2026. godine u 16,10 sati, period od 01.01.2025. do 31.12.2025. godine na dan 20.01.2026. godine.

¹³ Podaci preuzeti iz SIPO sistema na dan 06.02.2026. godine u 17,59 sati, period od 01.01.2024. do 31.12.2024. godine na dan 31.12.2025. godine.

¹⁴ Podaci preuzeti iz SIPO sistema na dan 06.02.2026. godine u 18,12 sati, period od 01.01.2025. do 31.12.2025. godine na dan 20.01.2026. godine.

¹⁵ Podaci preuzeti iz SIPO sistema na dan 06.02.2026. godine u 18,27 sati, period od 01.01.2024. do 31.12.2024. godine na dan 20.01.2026. godine.



KRIVIČNO DJELO PROPISANO KRIVIČNIM ZAKONIMA U BOSNI I HERCEGOVINI	BROJ PODIGNUTIH OPTUŽNICA	
	PRED.	LICA
Član 145a. KZ BiH – Izazivanje nacionalne, rasne i vjerske mržnje, razdora i netrpeljivosti	1	1
Član 154. KZ BiH – Izborna prevara	1	2
Član 187. KZ BiH – Medunarodno navođenje na prostituciju	1	1
Član 189. KZ BiH – Krijumčarenje ljudi	35	43
Član 189a. KZ BiH – Organiziranje grupe ljudi ili udruženja za izvršenje krivičnog djela 'krijumčarenje migranata'	5	30
Član 192. KZ BiH – Ugrožavanje osoba pod međunarodnopravnom zaštitom	1	1
Član 193. KZ BiH – Neovlašteni promet oružjem i vojnom opremom te proizvodima dvojne upotrebe	1	1
Član 195. KZ BiH – Neovlašteni promet opojnim drogama	4	4
Član 201. KZ BiH – Terorizam	2	2
Član 205. KZ BiH – Krivtvođenje novca	10	14
Član 210. KZ BiH – Porezna utaja ili prevara	5	7
Član 210a. KZ BiH – Nedožvoljen promet akciznih proizvoda	19	22
Član 210b. KZ BiH – Nedožvoljeno skladištenje robe	3	3
Član 214. KZ BiH – Krijumčarenje	6	6
Član 215. KZ BiH – Organiziranje grupe ljudi ili udruženja za krijumčarenje ili rasturanje neocarinjene robe	1	15
Član 217. KZ BiH – Primanje dara ili drugih oblika koristi	6	7
Član 218. KZ BiH – Davanje dara ili drugih oblika koristi	1	1
Član 219. KZ BiH – Primanje nagrade ili drugog oblika koristi za trgovinu uticajem	1	1
Član 220. KZ BiH – Zloupotreba položaja ili ovlaštenja	2	5
Član 221. KZ BiH – Pronevjera u službi	1	1
Član 222. KZ BiH – Prevara u službi	1	1
Član 226. KZ BiH – Krivtvođenje službene isprave	1	1
Član 237. KZ BiH – Povreda tajnosti postupka	1	2
Član 241. KZ BiH – Ometanje rada pravosuđa	1	2
Član 241a. KZ BiH – Sprečavanje službenog lica u vršenju službene radnje	2	2
Član 241b. KZ BiH – Napad na službeno lice u vršenju poslova sigurnosti, otkrivanju ili lišenju slobode počinioca krivičnih djela	1	1
Član 249-205. KZ BiH - Udruživanje radi činjenja krivičnih djela – Krivtvođenje novca	1	6
Član 249-210a. KZ BiH - Udruživanje radi činjenja krivičnih djela – Nedožvoljen promet akciznih proizvoda	1	11
Član 249-212-209. KZ BiH - Udruživanje radi činjenja krivičnih djela – Nedopuštena trgovina - Pranje novca	1	11
Član 249-220. KZ BiH - Udruživanje radi činjenja krivičnih djela – Zloupotreba položaja ili ovlaštenja	1	5
Član 249-241. KZ BiH - Udruživanje radi činjenja krivičnih djela – Ometanje rada pravosuđa	1	4
Član 249-218. KZ BiH - Udruživanje radi činjenja krivičnih djela – Davanje dara ili drugih oblika koristi	1	11
Član 250-187. KZ BiH - Organizirani kriminal – Medunarodno navođenje na prostituciju	1	2
Član 250-195. KZ BiH - Organizirani kriminal - Neovlašteni promet opojnim drogama	1	1
Član 250-209. KZ BiH - Organizirani kriminal – Pranje novca	2	23
Član 250-195-209. KZ BiH - Organizirani kriminal – Neovlašteni promet opojnim drogama- Pranje novca	3	11
Član 250-212-218. KZ BiH – Organizirani kriminal – Nedopuštena trgovina – Davanje dara ili	1	10



drugih oblika koristi		
UKUPNO:	127	271

Iz prikazanog tabelarnog prikaza vidljivo je da su tokom 2025. godine tužioci Odjela II podigli 127 optužnica protiv 271 lica, dok su u 2024. godini podigli 144 optužnice protiv 290 lica. Dakle, u izvještajnom periodu došlo je do smanjenja broja podignutih optužnica za 17 ili oko 11,80% u odnosu na predmete i smanjenja broja optuženih lica za 19 ili oko 6,55%.

Bez obzira na činjenicu da je došlo do blagog smanjenja broja podignutih optužnica u kvantitativnom smislu, na osnovu analize podignutih optužnica može se zaključiti da je kvalitet podignutih optužnica poboljšán, posebno imajući u vidu predloženo trajno oduzimanje imovinske koristi. Tokom 2025. godine predloženo je trajno oduzimanje protivpravno pribavljene imovinske koristi u iznosu od 28.852.146,00 KM, odnosno za 22.754.832 KM više u odnosu na 2024. godinu, što neposredno potvrđuje da je kvalitet optužnica koje su podignute u izvještajnom periodu znatno bolji u odnosu na prethodnu godinu.

Pored navedenog, jedan od objektivnih razloga koji je uticao na smanjenje broja optužnica je činjenica da je došlo do neplaniranog prestanka rada 5 tužilaca, planiranog odlaska u penziju 2 tužioca i dužeg bolovanja 2 tužioca. Međutim, pored prestanka rada većeg broja tužilaca rezultati Tužilaštva BiH u pogledu kolektivne norme znatno su bolji u odnosu na prethodnu godinu, odnosno prosjek podignutih optužnica po tužiocu znatno je bolji u odnosu na 2024. godinu.

Također, razlozi koji su neposredno uticali na smanjenje broja podignutih optužnica u 2025. godini, a samim tim i na smanjenje broja riješenih istraga, vezuju se i za činjenicu da je na kolegiju tužilaca Tužilaštva Bosne i Hercegovine, koji je održan 24.11.2021. godine, sa ciljem poboljšanja kvaliteta podignutih optužnica donesen zaključak po pitanju imovinskog cenzusa za krivično djelo Nedozvoljen promet akciznih proizvoda iz člana 210a. i krivično djelo Nedozvoljeno skladištenje robe iz člana 210b. Predmetnim zaključkom je definisano da se, u skladu sa poreskim propisima BiH i sudskom praksom, neće smatrati krivičnim djelom stavljanje u promet proizvoda koji nisu obilježeni kontrolnim i poreskim markicama, niti skladištenje akcizne robe u prostoriji koja nije registrovana za tu namjenu, ako se radi o količini do 100 kg duhana, odnosno 250 šteka cigareta ili zajedno (duhana i cigareta), čija ukupna vrijednost ne prelazi 10.000,00 KM, odnosno da je u tim slučajevima Uprava za indirektno oporezivanje dužna pokretati prekršajne postupke.

4.4. Prvostepene, drugostepene presude i druge sudske odluke po optužnicama Odjela II

U toku izvještajnog perioda, po optužnicama Odjela II doneseno je ukupno 116 prvostepenih presuda protiv 195 lica i 1 rješenje o obustavi postupka u odnosu na 1 lice iz razloga nastupanja apsolutne zastare krivičnog gonjenja u toku vođenja postupka.

Ukupan broj osuđujućih prvostepenih presuda je 114 protiv 189 lica, od toga su u 52 presude protiv 73 lica izrečene zatvorske kazne, u 60 presuda protiv 105 lica izrečene su uslovne osude i u 1 presudi protiv 10 lica izrečene su novčane kazne, te 1 osuđujuća presuda u odnosu na 1 lice koje je izvršilo krivično djelo u stanju neuračunljivosti. Ukupan broj prvostepenih oslobađajućih presuda je 2 za 5 lica. U odnosu na 1 lice donesena je odbijajuća presuda iz razloga koji se odnose na nenadležnost Suda BiH.



U izvještajnom periodu je na prvostepene presude uloženo 29 žalbi protiv 50 lica, od čega je 7 žalbi protiv 15 lica uvaženo, a 13 žalbi protiv 23 lica je odbijeno, tako da je ostalo neriješeno žalbi u 9 predmeta protiv 12 lica.

Također, donesene su 133 pravosnažne presude u odnosu na 225 lica i 1 rješenje o obustavi postupka u odnosu na 1 lice iz razloga nastupanja apsolutne zastare krivičnog gonjenja u toku vođenja postupka. Pravosnažno osuđujućih presuda bilo je 125 protiv 210 lica, dok je pravosnažno oslobađajućih presuda bilo 5 u odnosu na 12 lica. Pored navedenog, donesene su 3 odbijajuće presude protiv 3 lica.


Po optužnicama ovog tužilaštva, u izvještajnom periodu ukupno su pravosnažnim presudama izrečene 154 godine i 1 mjesec i novčane kazne u ukupnom iznosu od 1.206.900,00 KM.

U toku 2025. godine bilo je ukupno 96 sporazuma o priznanju krivice za 168 lica. Sud Bosne i Hercegovine je prihvatio 82 sporazuma o priznanju krivice za 141 lice. Sud BiH, do kraja 2025. godine, nije donio odluku za predloženih 14 sporazuma protiv 27 lica.

4.5. Privremeno i trajno oduzeta imovinska korist Odjel II

U izvještajnom periodu predloženo je oduzimanje imovinske koristi u iznosu od 28.852.146,00 KM, dok je privremeno blokirana imovina u iznosu od 8.300.613,00 KM. Prvostepenim presudama oduzeta je imovinska korist u ukupnom iznosu od 4.147.667,00 KM, dok je drugostepenim presudama trajno oduzeta imovinska korist u iznosu od 3.210.425,00 KM. Tokom 2025. godine po optužnicama Tužilaštva BiH donesene su prvostepene i drugostepene presude kojima je trajno oduzeta imovinska korist u ukupnom iznosu od 7.358.092,00 KM.

➤ *Grafički prikaz privremeno i trajno oduzete imovinske koristi*



Grafikon 13.

Tokom 2025. godine predloženo je trajno oduzimanje protivpravno pribavljene imovinske koristi u iznosu od 28.852.146,00 KM, što je za 22.754.832 KM više u odnosu na 2024. godinu. Pored navedenog, privremeno je blokirano 8.300.613 KM, što je za 4.690.144 KM više u odnosu na prethodnu godinu. Također, prvostepenim i drugostepenim presudama ukupno je oduzeta imovinska korist u iznosu od 7.358.092 KM ili za 2.420.198 KM više u odnosu na 2024. godinu. Iz navedenih



statističkih podataka proizlazi da je kvalitet optužnica koje su podignute u izvještajnom periodu znatno bolji u odnosu na prethodnu godinu.

4.6. Rezultati rada u odnosu na ostale vrste predmeta

Kada su u pitanju predmeti sa oznakama „KTA“, u izvještajnom periodu tužiocima su radili po raznim izvještajima i informacijama te je ove vrste predmeta (KTA, KTAK, KTAO, KTAPO i KTAT) ukupno u radu bilo 1577, s tim da su 692 predmeta zaprimljena u izvještajnom periodu, dok je 885 preneseno iz ranijeg perioda. Na kraju izvještajnog perioda riješeno je 814 „KTA“ predmeta, dok su u radu ostala 763 predmeta ove oznake.

Kada su u pitanju predmeti sa oznakama „KTN“, u izvještajnom periodu tužiocima su radili po raznim izvještajima i informacijama, te je (KTN, KTNK, KTNO, KTNPO i KTNT) u toku izvještajnog perioda bilo ukupno u radu 417, u toku izvještajnog perioda zaprimljeno je 98 predmeta, dok je 319 predmeta preneseno iz ranijeg perioda, u toku izvještajnog perioda riješeno je 68 predmeta, tako da je u radu ostalo neriješeno 349 predmeta.

Kada su u pitanju predmeti u kojima su počinioci maloljetna lica (KTM), Tužilaštvo BiH ima znatno manji broj ove vrste predmeta u odnosu na druga tužilaštva u BiH. Ukupno je u radu bilo 5, u toku izvještajnog perioda zaprimljena su 2 predmeta, iz ranijeg perioda prenesena su 3, u toku izvještajnog perioda riješeno je 5 predmeta, tako da na kraju izvještajnog perioda nije ostao niti jedan neriješen KTM predmet.

U odnosu na KTPOM/KTMPOM/KTEKS predmete, ukupno je u radu bilo 232, u toku izvještajnog perioda zaprimljena su 173 predmeta, iz ranijeg perioda preneseno je 59, u toku izvještajnog perioda riješena su 183 predmeta, tako da je na kraju izvještajnog perioda 49 predmeta ostalo neriješeno.

➤ *Tabelarni pregled svih vrsta KTA,¹⁶ i KTN¹⁷ predmeta, KTPOM, KTMPOM, KTEKS i KTM predmeta*

Vrsta predmeta	Preneseno iz prethodne godine	Zaprimljeno predmeta u 2025. godini	Ukupno u radu	Riješeno predmeta u izvještajnom periodu	Ostalo neriješeno na kraju 2025.
KTA	195	226	421	294	127
KTN	104	32	136	35	101
KTAK	373	300	673	296	377
KTNK	35	5	40	5	35
KTAO	69	10	79	30	49
KTNO	11	4	15	6	9
KTAPO	212	130	342	170	172
KTNPO	158	47	205	15	190
KTAT	36	26	62	24	38
KTNT	11	10	21	7	14
KTPOM	29	14	43	29	14
KTEKS	18	72	90	75	15
KTM	3	2	5	5	0
KTMPOM	12	87	99	79	20
UKUPNO	1266	965	2231	1070	1161

¹⁶ KTA predmeti se odnose na sve vrste predmeta ove oznake bez predmeta ratnog zločina.

¹⁷ KTN predmeti se odnose na sve vrste predmeta ove oznake bez predmeta ratnog zločina.



Na osnovu navedenih podataka vidljivo je da je u odnosu na navedene vrste predmeta iz prethodnog izvještajnog perioda preneseno 1266 predmeta, da je u toku izvještajnog perioda zaprimljeno 965 predmeta, da je ukupno u radu 2231 predmet, da je u toku izvještajnog perioda riješeno 1070 predmeta, na kraju izvještajnog perioda ostao je neriješen 1161 predmet. Tužilaštvo je nastavilo trend smanjenja broja neriješenih predmeta koji su nastali u prethodnom periodu, tako da je u 2025. godini smanjen broj neriješenih predmeta za 105 ili oko 8,29% predmeta u odnosu na prethodnu godinu.

4.7. Rezultati rada po tužilačkim odsjecima Odjela II

Tužioci Posebnog odjela za organizirani kriminal, privredni kriminal i korupciju su, prema izmjenama i dopunama Pravilnika o unutrašnjoj organizaciji koje su objavljene u „Službenom glasniku Bosne i Hercegovine“, broj: 41/21 od 02.07.2021. godine raspoređeni u šest odsjeka i to: Odsjek za organizirani kriminal, Odsjek za korupciju, Odsjek za privredni kriminal, Odsjek za terorizam, Odsjek za krijumčarenje ljudi i trgovinu ljudima i Odsjek za međunarodnu pravnu pomoć i ostala krivična djela iz nadležnosti Tužilaštva Bosne i Hercegovine.

Kao što je navedeno, ostvarena kolektivna norma Posebnog odjela za organizirani kriminal, privredni kriminal i korupciju (Odjela II) u izvještajnom periodu iznosi **139,14%**. Po odsjecima, ostvarena kolektivna norma iznosi: Odsjek za organizirani kriminal **173,83%**, Odsjek za privredni kriminal **154,65%**, Odsjek za korupciju **171,49%**, Odsjek za terorizam **111,44%**, Odsjek za krijumčarenje ljudi i trgovinu ljudima **106,48%**, te Odsjek za međunarodnu pravnu pomoć i ostala krivična djela iz nadležnosti Tužilaštva Bosne i Hercegovine **109,20%**.

U daljem tekstu prikazani su rezultati rada Odsjeka za privredni kriminal, Odsjeka za terorizam, Odsjeka za krijumčarenje ljudi i trgovinu ljudima i Odsjeka za međunarodnu pravnu pomoć i ostala krivična djela iz nadležnosti Tužilaštva Bosne i Hercegovine. Rezultati u odnosu na Odsjek za korupciju i Odsjek za organizirani kriminal detaljno su obrazloženi u poglavlju 9. ovog izvještaja („Ostvareni rezultati rada na predmetima korupcije i organiziranog kriminala“).

4.7.1. Rezultati rada Odsjeka za krijumčarenje ljudi i trgovinu ljudima

Odsjek za krijumčarenje ljudi i trgovinu ljudima je 2025. godine ostvario normu **106,48%**. U navedenom odsjeku raspoređeno je pet tužilaca koji su prošli specijalističke obuke na polju trgovine ljudima i krijumčarenja ljudi.

Tužioci iz Odsjeka su članovi i radnih grupa za izradu instrumentarija za zaštitu žrtava trgovine ljudima i učestvuju u aktivnostima vezanim za borbu protiv krijumčarenja ljudi. Prije svega, dva tužioca iz Odsjeka su članovi Udarne grupe za borbu protiv trgovine ljudima i organizirane ilegalne imigracije, a ujedno tužilac Odsjeka je član radne grupe za izradu mehanizama za naknadu štete žrtvama trgovine ljudima. Pored navedenog, dva tužioca Odsjeka su uključena kao predstavnici u podgrupu EUROJUST-a za Zapadni Balkan za suzbijanje ilegalnih migracija i krijumčarenja migranata. Odlukom glavnog tužioca jedan tužilac je imenovan za kontakt tačku na projektu EU4FAST koji se implementira od 2024. godine za zemlje Zapadnog Balkana u odnosu na borbu protiv krijumčarenja migranata.



Važna karika u borbi protiv krijumčarenja ljudi jeste i rad Udarne grupe za borbu protiv trgovine ljudima i organizirane ilegalne imigracije. Sastanci Udarne grupe za borbu protiv trgovine ljudima i organizirane ilegalne imigracije se održavaju jednom mjesečno. Također, Udarne grupa održava redovno sastanke i kroz rad Udarne grupe doprinosi se razmjeni podataka, iskustava i potrebnih radnji i mjera kako bi se suzbila trgovina ljudima i ilegalne migracije.

Tokom 2025. godine tužioc Odsjeka su preduzimali istražne radnje u više predmeta krijumčarenja ljudi koji su rezultirali podizanjem optužnica. Kroz izvještajnu 2025. godinu zabilježen je blagi pad broja optužnica u odnosu na 2024. godinu. Podsjećanja radi, u 2024. godini podignute su ukupno 53 optužnice, dok je u 2025. godini podignuta ukupno 41 optužnica.¹⁸

Pregledom priliva predmeta zabilježen je pad broja predmeta i izvještaja o počinjenom krivičnom djelu u toku 2025. godine u odnosu na krijumčarenje ljudi. Povećan je broj suđenja u vezi sa ranije podignutim optužnicama. Jedan od problema u radu ovog Odsjeka je nedostatak licenci za vještačenje telefona kod policijskih agencija.

Karakteristika predmeta zaprimljenih tokom 2025. godine jeste povećan broj izvršilaca koji su strani državljani (Turske, Egipta, Moldavije, Ukrajine, Bugarske, Afganistana), što je uticalo na znatno povećanje broja pritvorskih predmeta u 2025. godini za krijumčarenje ljudi. Također, i dalje je prisutan problem kod krijumčarenja ljudi neusklađivanjem viznog režima sa Turskom, kao i kod predmeta krijumčarenja državljana Turske u Hrvatsku. Preduzimanjem istražnih i operativnih radnji identifikovana su ključna područja gdje se obavlja krijumčarenje, odnosno radi se o području Crvenog Grma, Posušja i Ljubuškog, koja operativno pokriva Jedinica granične policije Gorica i Čapljina.¹⁹

U izvještajnoj godini održano je više specijalističkih radionica na kojima su kao edukatori bili tužioc ovog odsjeka, a na kojima su učesnici bili policijski službenici policijskih agencija, što je uticalo na evidentno poboljšanje kvaliteta izvještaja o počinjenom krivičnom djelu i prikupljenih dokaza. Zabilježen je i doprinos tužilaca na izradi novih indikatora za krijumčarenje ljudi i trgovinu ljudima u organizaciji IOM-a. Nadalje, kroz rad na predmetu ostvarivana je saradnja sa kontakt tačkom EUROPOL-a. Također, ostvarena je saradnja sa SELEC-om, INTERPOL-om i EUROJUST-om u više predmeta.

Tokom 2025. godine Tužilaštvo BiH, odnosno Odsjek za krijumčarenje ljudi i trgovinu ljudima učestvovao je u više međunarodnih akcija za suzbijanje ilegalnih migracija i trgovine ljudima. Posebno se ističe akcija *Global chain 2025* pod okriljem INTERPOL-a i EUROPOL-a usmjerena na borbu protiv trgovine ljudima i navođenja na prostituciju koja je trajala u periodu od 02.06 - 09.06.2025. godine. U vezi sa realizacijom akcije glavni tužilac je odlukom odredio tužioce Odsjeka za krijumčarenje i trgovinu ljudima koji su učestvovali i rukovodili akcijom. Predmetna akcija je rezultirala pronalaskom 5 državljanke Brazila koje su bile žrtve seksualne eksploatacije navođenjem

¹⁸ Optužnice dostupne na web stranici Tužilaštva BiH <https://www.tuzilastvobih.gov.ba/index.php?opcija=sadržaj&kat=12&id=109&jezik=b>

¹⁹ Predmet Molnar Mačković Špend i dr. gdje se vidi *modus operandi* krijumčarenja državljana Turske optužnica dostupna na stranici http://www.tuzilastvobih.gov.ba/files/docs/Anonimizirana_optuznica_Molnar_Mackovi%C4%87_Spend_i_dr_.pdf.



na prostituciju. U vezi s tim, od strane policijskih agencija podnesen je 1 izvještaj o izvršenom krivičnom djelu protiv 1 lica za krivično djelo Međunarodno navođenje na prostituciju iz člana 187. KZ-a BiH, s tim da je nastavljen rad na identifikaciji drugih izvršilaca.

Tužilaštvo BiH je učestvovalo u planiranju i realizaciji akcije *Global chain 2025*, koja je rezultirala pronalaskom 8 državljanke Narodne Republike Kine koje su bile žrtve seksualne eksploatacije navođenjem na prostituciju, odnosno podizanjem optužnice protiv jednog lica zbog izvršenog krivičnog djela Međunarodno navođenje na prostituciju iz člana 187. KZ-a BiH, koje je pravosnažno osuđeno presudom Suda BiH. U ovom predmetu ističe se odlična koordinacija Službe za poslove sa strancima i FUP-a Sarajevo. Također, u toku su pripreme za moguće pristupanje FUP-a Sarajevo novom OTF-u za seksualnu eksploataciju državljanke NR Kine.

Pored navedenih akcija, Tužilaštvo BiH je učestvovalo u međunarodnoj akciji *Liberterra III, AD SEE*, kao i EMPACT-u usmjerenom na suzbijanje trgovine ljudima radi radne eksploatacije. Krajem godine realizovana je akcija *NID* koja je rezultirala pritvorskim predmetom u vezi sa međunarodnom trgovinom ljudima radne eksploatacije stranih i domaćih državljanina.

U 2025. godini potpisan je novi sporazum o zajedničkom istražnom timu sa Francuskom za trgovinu ljudima, te je nastavljena realizacija ranije potpisanog sporazuma sa Njemačkom u predmetu EUFRAT pod ingerencijom EUROJUST-a. Postupajući u navedenom predmetu, Tužilaštvo BiH je u mjesecu augustu po zamolnici lišilo slobode tri osumnjičena pripadnika Al Sarawi klana koji su izručeni krajem 2025. godine Njemačkoj, te se u okviru ovog predmeta nastavljaju dalje aktivnosti na borbi protiv Al Sarawi klana.

Tužilaštvo BiH je uključeno u realizaciju operativne akcije INTERPOL-a *Weka III* koja se provodi u okviru operativne akcije *Liberterra III*. U narednom periodu radit će se na pripremi realizacije međunarodne akcije usmjerene na borbu protiv trgovine ljudima i krijumčarenja ljudi.

Pored navedenog, Tužilaštvo BiH je od strane Švedske dobilo poziv za učestvovanje na EMPACT-u u svojstvu kolidera akcije usmjerene na suzbijanje radne eksploatacije. SPS je nominovan kao nosilac aktivnosti, dok je SIPA određena kao podrška. U vezi s tim, 26.09.2025. godine održan je pripremni video sastanak sa policijom Švedske i pokrenute su aktivnosti na odobravanju nominacije za kolidersku ulogu u EMPACT-u.

Također, tužioci Odsjeka za krijumčarenje ljudi i trgovinu ljudima su postupali i koordinirali pretrese prihvatnih centara u Blažuju i Lipi, te su preduzimali radnje i aktivnosti usmjerene na lociranje grupe migranata kod kojih je pronađeno oružje u neposrednoj blizini granice sa Republikom Hrvatskom.

Tokom 2025. godine, putem međunarodne saradnje, Tužilaštvo BiH je radilo na sljedećim složenim krivičnim predmetima: Zamolnica Crna Gora predmet trgovine ljudima i krijumčarenje migranata; OA DOMINO (krijumčarenje, oružje i droga); OA KRAJINA (PNUSKOK); OA ISTOK TURIST (PNUSKOK); OA GORA (MUP Republike Srbije); Predmet Bugarska (nacionalna policija Bugarske preko projekta razmjena dokaza); OA VEGA; OA NID predmet trgovine ljudima; OA Lumiera predmet trgovine ljudima (JIT sa Francuskom).



U ovom periodu održano je više sastanaka usmjerenih na zajedničke aktivnosti na suzbijanju organizirane ilegalne migracije. Kao posebno važni izdvajaju se sastanak u Britaniji sa NCA i Home Office-om, sastanak sa oficirom EMLO-a, sastanak sa generalnim direktorom za granice Velike Britanije, predstavnicima EU i EUROPOL-a. Pored navedenog, u Sarajevu je održan sastanak fokus grupe EUROJUST-a za krijumčarenje ljudi gdje je Tužilaštvo BiH bilo domaćin ovog sastanka.

Pored navedenog, tužioci Tužilaštva BiH su prisustvovali sastanku Operativne radne grupe Zebra²⁰, održanom u Sarajevu, koji je neposredno doprinio boljoj komunikaciji i uspostavljanju regionalne saradnje na sprečavanju i borbi protiv ilegalnih migracija u Bosni i Hercegovini.

Tužioci Odsjeka za krijumčarenje ljudi i trgovinu ljudima i članovi Udarne grupe za borbu protiv trgovine ljudima i organizirane ilegalne imigracije zaključili su da je trenutno jedan od osnovnih problema migracija zloupotreba bezviznog režima od strane turskih državljana.

Na osnovu navedenih podataka i analize zaprimljenih prijava može se konstatovati da je tokom 2025. godine zabilježen pad broja predmeta i izvještaja o počinjenom krivičnom djelu u vezi sa krijumčarenjem ljudi. Neki od razloga se odnose i na promjenu migrantske rute i pristupanje Bugarske i Rumunije u sistem Šengena.

4.7.2. Rezultati rada Odsjeka za privredni kriminal

U toku izvještajnog perioda Odsjek za privredni kriminal je ostvario prosječnu godišnju normu od **154,65%**, dok je u pogledu pojedinačne norme svaki tužilac raspoređen na rad u Odsjeku ostvario normu od preko 100%. Također, unutar Odsjeka riješeno je 95,89% starih predmeta koji su bili obuhvaćeni Planom rješavanja starih predmeta za 2025. godinu.

Ukupan broj podignutih optužnica u odnosu na krivična djela iz nadležnosti Odsjeka za privredni kriminal je 49 protiv 70 lica (od čega 62 fizička i 8 pravnih lica), pri čemu valja napomenuti da je podignuto više optužnica u predmetima organiziranog finansijskog kriminaliteta, što je i bio fokus rada Odsjeka za privredni kriminal u 2025. godini. Nadalje, po optužnicama podignutim od strane tužilaca Odsjeka za privredni kriminal, tokom 2025. godine, Tužilaštvo Bosne i Hercegovine predložilo je trajno oduzimanje protivpravno stečene imovinske koristi u ukupnom novčanom iznosu od 11.669.816,00 KM, dok je po pravosnažnim presudama donesenim u toku godine, a koje su proistekle iz optužnica Odsjeka za privredni kriminal, trajno oduzeta imovinska korist u novčanoj protivvrijednosti od 1.590.094,00 KM.

Kada je u pitanju rad Odsjeka za privredni kriminal, napominjemo da je riječ o Odsjeku u kojem egzistira najveći broj predmeta u odnosu na druge odsjeke Tužilaštva Bosne i Hercegovine, pa je tako, u izvještajnom periodu, Odsjek za privredni kriminal na početku izvještajnog perioda imao u radu 651 predmet, zaprimljeno je 318 novih predmeta, riješen je ukupno 331 predmet, te je na kraju godine u Odsjeku za privredni kriminal bilo ukupno 638 otvorenih predmeta, dok svaki tužilac duži preko 128 predmeta.

²⁰ Operational Task Force (OTF).



Za razliku od drugih odsjeka Tužilaštva Bosne i Hercegovine, skoro svaki predmet Odsjeka za privredni kriminal zahtijeva prikupljanje obimne poslovne, knjigovodstvene i bankarske dokumentacije, pri čemu svaki zahtijeva i provođenje odgovarajućih vještačenja po vještaku ekonomsko-finansijske struke, grafološke struke i slično, što samo po sebi iziskuje mnogo vremena potrebnog za okončanje predmeta. Također, valja naglasiti da je tokom 2025. godine Odsjek za privredni kriminal radio u smanjenom kapacitetu zbog odlaska tri tužioca koji su bili raspoređeni za rad u ovom Odsjeku (radi odlaska u starosnu penziju i imenovanja u druge pravosudne institucije), nakon čega u Tužilaštvo, odnosno Odsjek za privredni kriminal, nisu imenovani novi tužioci, što je predstavljalo dodatne napore u radu Odsjeka, iz kojih razloga postignute rezultate na nivou Odsjeka tokom 2025. godine treba smatrati izuzetno uspješnim.

4.7.3. Rezultati rada Odsjeka za terorizam

Odsjek za terorizam je tokom 2025. godine ostvario normu od **111,44%** tako što je okončao ukupno 42 predmeta koji se odnose na krivična djela Terorizma. Tužioci su donošenjem tužilačkih odluka riješili 11 predmeta sa oznakom KTT, 24 predmeta sa oznakom KTAT i 7 predmeta sa oznakom KTNT.

Kao i ranijih godina, sa prestankom sukoba na području Sirije i Iraka i poraza tzv. države ISIL, primjetan je smanjen priliv spisa u Odsjeku terorizma. Još uvijek su aktivni predmeti „stranih boraca“ s obzirom da su u istim predmetima raspisane potjernice i u saradnji sa međunarodnim partnerima očekujemo deportaciju navedenih lica na teritoriju BiH, ali se ne može precizirati vremenski okvir same deportacije. Tužilac iz Odsjeka predsjedava radom Koordinacionog tima za pripremu repatrijacije, reintegracije, rehabilitacije i resocijalizacije državljana Bosne i Hercegovine iz zona sukoba Sirije i Iraka i tim je tokom 2025. godine započeo realizaciju povratka državljana BiH među kojima su i „strani borci“. U izvještajnom periodu su još uvijek bile na snazi potjernice za 31 lice.

Osim navedenih, tokom 2025. godine su bile aktuelne istrage u još sedam predmeta, između ostalog zbog počinjenog terorističkog akta na području Bosanske Krupe, kao i zbog krivičnih djela Ugrožavanje sigurnosti zračne ili morske plovidbe ili fiksnih platformi (198. KZ-a BiH), Protuzakonitog formiranja i pridruživanja stranim paravojnim ili parapolicijskim formacijama (162b. KZ-a BiH) te planiranja i prijetnji terorističkim aktima upućenih putem interneta (201. KZ-a BiH). U tri predmeta su podignute optužnice tokom 2025. godine.

U izvještajnom periodu se nastavio priliv predmeta prijetnji terorističkim aktima upućenih putem interneta, odnosno društvenih mreža (terorizam i javno podsticanje na terorističke aktivnosti), te su u skladu sa ranije donesenim zaključkom Kolegija Odsjeka za terorizam izdate naredbe za psihijatrijsko vještačenje počinitelaca, gdje je u dva slučaja utvrđeno da su lica učinila krivično djelo u stanju neuračunljivosti, dok su u dva slučaja vještaci utvrdili da su počinioci smanjeno uračunljivi.

Bitno je naglasiti da su tužioci ovog Odsjeka, po Obaveznom uputstvu o sprovođenju finansijske istrage u predmetima terorizma i predmetima povezanim sa terorizmom sprovođili finansijske istrage u svim predmetima terorizma.



Imajući u vidu da se tokom 2026. godine očekuje povratak većeg broja „stranih boraca“ iz zone sukoba Sirije i Iraka, kao i globalni problem radikalizacije, dodatno potaknut aktuelnim oružanim sukobima u svijetu (Bliski istok, Ukrajina itd.), tužioci Odsjeka za terorizam aktivno saraduju sa pravosudno - policijskim i obavještajnim institucijama i imaju dobru saradnju sa partnerskim zemljama u borbi protiv terorizma. Borbi protiv terorizma u BiH značajno doprinosi i rad Udarne grupe za borbu protiv terorizma i jačanja sposobnosti za borbu protiv terorizma, kojom rukovodi glavni tužilac Tužilaštva BiH, a čiji su članovi rukovodioci sigurnosnih i policijskih i drugih agencija na državnom nivou. Udarne grupa je redovno održavala sastanke u izvještajnom periodu.

Udarne grupa je također donijela zaključak da je potrebno uložiti dodatne napore prilikom ocjene podnošenja prijedloga za donošenje odluke u pogledu sprovođenja ciljanih finansijskih sankcija, a u skladu sa Odlukom o načinu provođenja ciljanih finansijskih sankcija Vijeća sigurnosti UN-a povezanih sa finansiranjem terorizma i finansiranjem širenja oružja za masovno uništenje („Službeni glasnik BiH“, broj: 18/24).

Tužioci i stručno osoblje Odsjeka su također, tokom 2025. godine, učestvovali u radu i sastancima Balkanske regionalne udarne grupe za borbu protiv terorizma, gdje su razmjenjivane pozitivne prakse iz procesuiranja predmeta terorizma i gdje je vršena razmjena dokaza i informacija o borcima sa stranih ratišta porijeklom sa Balkana.

Također, u saradnji sa međunarodnim partnerima, tužioci i stručno osoblje Odsjeka za terorizam Tužilaštva BiH kontinuirano prisustvuju obukama koje se organizuju u i van BiH, a odnose se na procesuiranje svih oblika terorizma i finansiranja terorizma.

4.7.4. Rezultati rada Odsjeka za međunarodnu pravnu pomoć i ostala krivična djela iz nadležnosti Tužilaštva BiH

Odsjek za međunarodnu pravnu pomoć i ostala krivična djela iz nadležnosti Tužilaštva Bosne i Hercegovine za 2025. godinu ostvario je godišnju normu od **109,20%**. U Odsjeku je bilo raspoređeno pet tužilaca.

Tužioci Odsjeka za međunarodnu pravnu pomoć i ostala krivična djela iz nadležnosti Tužilaštva Bosne i Hercegovine postupaju u predmetima pružanja međunarodne pravne pomoći u krivičnim stvarima u skladu sa Zakonom o međunarodnoj pravnoj pomoći u krivičnim stvarima BiH, bilateralnim i multilateralnim ugovorima Bosne i Hercegovine koji se odnose na sprovođenje postupka ekstradicije, preuzimanja krivičnog gonjenja od strane države, preuzimanje izvršenja krivičnih sankcija izrečenih u drugim državama od strane Bosne i Hercegovine, pružanje pravne pomoći u smislu sprovođenja istražnih radnji (prikupljanja dokaza, saslušanja svjedoka i sl.), te su nadležni za otkrivanje i gonjenje počinitelja krivičnih djela iz Glave XV Krivičnog zakona Bosne i Hercegovine (u daljem tekstu: KZ BiH) (krivična djela protiv slobode i prava čovjeka i građanina), svih krivičnih djela iz Glave XX KZ-a BiH (krivična djela protiv pravosuđa), izuzev krivičnog djela Kršenje zakona od strane sudije iz člana 238. KZ-a BiH, svih krivičnih djela iz Glave XXI KZ-a BiH



(krivična djela protiv autorskih prava), svih krivičnih djela iz Glave XXI A (krivična djela protiv Oružanih snaga BiH), krivičnog djela Neizvršavanje naredbi i presuda Međunarodnog krivičnog suda iz člana 203. KZ-a BiH, kao i krivičnog djela Neizvršavanje odluka visokog predstavnika iz člana 203a. KZ-a BiH, te drugih krivičnih djela propisanih zakonima Bosne i Hercegovine.

Poseban osvrt se odnosi na aktivnosti Tužilaštva Bosne i Hercegovine koje se preduzimaju u cilju procesuiranja krivičnog djela iz člana 145a. KZ-a BiH (Izazivanje nacionalne, rasne i vjerske mržnje, razdora i netrpeljivosti, dopuna KZ-a BiH od 22.07.2021. godine), te na izazove sa kojima se tužioci suočavaju.

Naime, visoki predstavnik za Bosnu i Hercegovinu, dana 22.07.2021. godine donio je Dopunu KZ-a BiH kojom se, između ostalog, u određenim okolnostima kriminalizuje odobravanje, poricanje, grubo umanjivanje ili pokušaj opravdavanja zločina genocida, zločina protiv čovječnosti ili ratnih zločina utvrđenih pravosnažnom presudom u skladu s Poveljom Međunarodnog vojnog suda pridruženom uz Londonski sporazum od 8. augusta 1945. ili Međunarodnog krivičnog suda za bivšu Jugoslaviju ili Međunarodnog krivičnog suda ili suda u Bosni i Hercegovini.

Poseban problem u radu tužilaca predstavlja činjenica da se Tužilaštvu ne dostavljaju izvještaji nadležnih agencija o izvršenom krivičnom djelu i počiniocima vezano za krivično djelo iz člana 145a. stav 1. (Izazivanje nacionalne, rasne i vjerske mržnje, razdora i netrpeljivosti) i člana 145a. stav 3. (negiranje genocida), kao i iz člana 145a. stav 6. (veličanje lica koja su pravosnažno osuđena presudama za genocid, zločin protiv čovječnosti ili ratni zločin), pa tako ni u toku 2025. godine u Tužilaštvu nije zaprimljen niti jedan izvještaj o počinjenom navedenom krivičnom djelu kao inicijalni akt.

Tužilaštvo je u protekloj godini zaprimilo veći broj prijava putem emaila, posebno u vezi krivičnog djela iz člana 145a. stav 1., 3. i 6. KZ-a BiH, koje se uglavnom odnose na objave putem "Facebook"-a i komentare na te objave, u vezi kojih je način provjera radi utvrđivanja ideniteta počinioca i dokazivanja osnova sumnje dugotrajan iz razloga potrebe upućivanja zamolnica za pružanje međunarodne pravne pomoći "Facebook" kompaniji sa sjedištem u Sjedinjenim Američkim Državama, što u značajnoj mjeri povećava obim poslova i zadataka ovog Odsjeka, te zahtijeva određeno vrijeme za provjere.

Rad na predmetima koji se odnose na krivično djelo Izazivanje nacionalne, rasne i vjerske mržnje, razdora i netrpeljivosti iz člana 145a. stav 1. KZ-a BiH otežava i način dokazivanja, s obzirom da je Sud Bosne i Hercegovine donio oslobađajuću prvostepenu i drugostepenu presudu u predmetu protiv optuženog F.A. U drugostepenoj presudi Sud Bosne i Hercegovine je, između ostalog, obrazložio da se prilikom identifikovanja spornog govora mržnje u 14 objavljenih članaka morao rukovoditi sa dvije zaštićene kategorije u odnosu na vjeru i naciju. Navedenom zakonskom odredbom kriminalizovano je izazivanje i raspirivanje samo tri oblika mržnje: nacionalne, rasne ili vjerske. Drugostepeni sud je utvrdio da je prvostepeni sud pravilno vodio računa da ne dođe do kršenja slobode izražavanja iz člana 10. stav 1. Evropske konvencije o ljudskim pravima, te da govor mržnje



ne mora biti nužno krivično djelo kada se ostvaruje građanskopravna zaštita. Kako se u optužnici govorilo o migrantima, Sud je zaključio da migranti nisu predmet krivičnopravne zaštite na državnom nivou kada je u pitanju govor mržnje. U konačnici, Sud je zaključio da nije dokazano da su radnje učinjenja optuženog bile pogodne da izazovu ili raspire nacionalnu, rasnu ili vjersku mržnju. Kako je prethodno pojašnjeno, s obzirom da je u cilju dokazivanja postojanja krivičnog djela nužno prikupiti dokaze ne samo na okolnost čina negiranja zločina utvrđenih pravosnažnim presudama, već i na okolnost da se opisanim negiranjem može podstaknuti na nasilje ili mržnju prema određenoj grupi, tužiocima se nalaze u praktično bezizlaznoj situaciji ako se radi o anonimnim krivičnim prijavama ili ako podnosioci prijave nisu spremni saradivati (što je prilično čest slučaj, naročito kod prijave pristiglih putem e-maila, od strane lica koja se nalaze van teritorije Bosne i Hercegovine).

Nadalje, Tužilaštvo Bosne i Hercegovine je u toku 2025. godine podiglo optužnicu zbog krivičnog djela Izazivanje nacionalne, rasne i vjerske mržnje, razdora i netrpeljivosti iz člana 145a. stav 6. (veličanje lica koja su pravosnažno osuđena presudama za genocid, zločin protiv čovječnosti ili ratni zločin), na osnovu krivične prijave koju je podnijelo jedno od udruženja iz Bosne i Hercegovine.

Sud Bosne i Hercegovine je predmetnu optužnicu Tužilaštva Bosne i Hercegovine svojim Rješenjem od 21.08.2025. godine, odbio, uz obrazloženje da krivično djelo iz člana 145a. stav 6. čini onaj ko dodijeli priznanje, nagradu, spomenicu, bilo kakav podsjetnik ili bilo kakvu privilegiju ili slično licu osuđenom pravosnažnom presudom za genocid, zločin protiv čovječnosti ili ratni zločin, ili imenuje javni objekat kao što je ulica, trg, park, most, institucija, ustanova, općina ili grad, naselje i naseljeno mjesto ili slično, ili registruje naziv po ili prema licu osuđenom pravosnažnom presudom za genocid, zločin protiv čovječnosti ili ratni zločin ili na bilo koji način veliča lice osuđeno pravosnažnom presudom za genocid, zločin protiv čovječnosti ili ratni zločin, ističući da bi bilo koje druge radnje veličanja (osim onih izričito navedenih), kao radnje učinjenja ovog krivičnog djela, trebalo da se sastoje u nekoj sličnoj manifestaciji veličanja. Sud u svom Rješenju naglašava da u radnjama osumnjičenog, koje se ogledaju u objavama na društvenoj mreži „Facebook“, ne nalazi da se ostvaruju bitna obilježja krivičnog djela za koje se tereti, pri tome zauzimajući stav da društvena mreža „Facebook“ funkcioniše na principu zatvorene, odnosno ograničene mreže, u okviru koje korisnici samostalno upravljaju vidljivošću svojih objava, uključujući izbor publike s kojom komuniciraju, te da u tom pogledu objave izvršene od strane osumnjičenog putem te platforme ne dostižu stepen društvene opasnosti niti sadržajni identitet koji je neophodan za pravnu kvalifikaciju veličanja. U pogledu elementa javnosti, koji se odnosi na društvenu mrežu „Facebook“, Sud Bosne i Hercegovine je i u svom Rješenju, broj: S1 2 K 046877 23 Ko od 24.11.2023. godine, kojim je odbijena optužnica Tužilaštva podignuta zbog počinjenja krivičnog djela iz člana 145a. stav 6. KZ-a BiH, naveo da osumnjičeni svojom objavom na društvenoj mreži „Facebook“ iskazuje lični stav na svom privatnom „Facebook“ profilu, koji posjećuju lica koja žele (krug prijatelja), a koji prostor nije od javnog značaja, zbog čega, prema stavu Suda, optužnica ne nudi elemente koji bi implicirali veličanje onako kako se ono ima poimati kroz svrhu postojanja predmetnog krivičnog djela.

Stav Suda Bosne i Hercegovine, zauzet navedenim rješenjima, u suprotnosti je sa pravosnažnom presudom Suda Bosne i Hercegovine, broj: S1 2 K 047564 24 Kž, u kojoj je presuđeno lice koje je



upravo putem društvene mreže „Facebook“ vršilo objave, te u kojim radnjama su ispunjena obilježja bića krivičnog djela iz člana 145a. stav 1. KZ-a BiH.

Dakle, Sud Bosne i Hercegovine ne zauzima isti stav u pogledu tumačenja društvenih mreža, odnosno da li iste predstavljaju javni prostor.

Nadalje, u krivičnom predmetu Tužilaštva Bosne i Hercegovine protiv V.P., dana 14.10.2025. godine, Sud Bosne i Hercegovine preinačio je prvostepenu presudu Suda, broj: S1 2 K 047294 24 K od 22.05.2025. godine, u dijelu odluke o kazni na način da je optuženom V.P. za krivično djelo Izazivanje nacionalne, rasne i vjerske mržnje, razdora i netrpeljivosti iz člana 145a. stav 6. KZ-a BiH, za koje je prvostepenom presudom oglašen krivim, utvrdio kaznu zatvora u trajanju od 3 (tri) godine, a za krivično djelo Izazivanje nacionalne, rasne i vjerske mržnje, razdora i netrpeljivosti iz člana 145a. stav 4. u vezi sa stavom 3. Krivičnog zakona Bosne i Hercegovine, za koje je prvostepenom presudom oglašen krivim, utvrdio kaznu zatvora u trajanju od 1 (jedne) godine, te izrekao jedinstvenu kaznu zatvora u trajanju od 3 (tri) godine i 6 (šest) mjeseci.

Shodno prethodno navedenom, zaključuje se da se do sada neujednačena praksa Suda, u pogledu postupanja i donošenju odluka povodom krivičnog djela iz člana 145a. KZ-a BiH, postepeno ujednačava kada je riječ o procesuiranju stava 6. navedenog krivičnog djela.

Nadalje, zbog stvaranja predstave o pasivnom držanju Tužilaštva Bosne i Hercegovine u pogledu postupanja po krivičnom djelu Izazivanje nacionalne, rasne i vjerske mržnje, razdora i netrpeljivosti, te javne polemike u kontekstu sudske prakse Evropskog suda za ljudska prava u Strazburu, a koji je podržao kažnjivost negiranja Holokausta, važno je istaći da je Sud u predmetima *Witzch* protiv Njemačke, *Schimanek* protiv Austrije i *Garaudu* protiv Francuske zauzeo stav da se u slučaju negiranja Holokausta radi o zloupotrebi prava na slobodu izražavanja iz člana 10., te da takvo ponašanje po članu 17. Konvencije ne uživa zaštitu u skladu sa mehanizmima i ograničenjima propisanim u članu 10. stav 2. Konvencije. Međutim, za razliku od prethodnih slučajeva, gdje je režim krivičnog progona lica koja negiraju npr. Holokaust prilično pojednostavljen, član 145a. KZ-a BiH je u svom tekstu inkorporirao konvencijske garancije i time Tužilaštvu Bosne i Hercegovine u velikoj mjeri otežao procesuiranje, a što je ujedno bio razlog zbog kojeg je tek 2022. godine donesena prva pravosnažna osuđujuća presuda zbog krivičnog djela Izazivanje nacionalne, rasne i vjerske mržnje, razdora i netrpeljivosti iz člana 145a. KZ-a BiH (S. i dr.). Obrazloženje Suda dato u prvostepenoj, drugostepenoj i trećestepenoj presudi je od koristi prilikom rada na predmetima koji se odnose na pomenuto krivično djelo.

Tužioci Odsjeka za međunarodnu pravnu pomoć i ostala krivična djela iz nadležnosti Tužilaštva Bosne i Hercegovine postupaju po krivičnim djelima protiv slobode i prava čovjeka i građanina, među kojima je krivično djelo Izborna prevara iz člana 154. KZ-a BiH, te ostalim krivičnim djelima koja se odnose na izbore, propisanim odredbama člana 150. do člana 155. KZ-a BiH, dok tužioci Odsjeka za korupciju postupaju po krivičnom djelu Podmićivanje na izborima i u službi koja se finansira iz javnih sredstava iz člana 219b. KZ-a BiH, koje je propisano Odlukom visokog predstavnika kroz dopunu Krivičnog zakona BiH. Tužioci Odsjeka su tokom 2025. godine, u skladu



sa ranijom praksom, prioritetno postupali po većem broju prijava dostavljenih od strane CIK-a, političkih stranaka, fizičkih lica i drugih koje se odnose na nezakonitosti u vezi provođenja Prijevremenih izbora za predsjednika Republike Srpske, a u vezi sa krivičnim djelima propisanim Krivičnim zakonikom RS, Krivičnim zakonom FBiH, Krivičnim zakonom Brčko distrikta BiH, koje prijave su analizirane od strane tužilaca i prioritetno ustupane stvarno i mjesno nadležnim tužilaštvima u Bosni i Hercegovini.

S obzirom da tužioci ovog Odsjeka postupaju u predmetima vezanim za krivično djelo Neizvršenje odluke Ustavnog suda Bosne i Hercegovine, Suda Bosne i Hercegovine, Doma za ljudska prava ili Evropskog suda za ljudska prava iz člana 239. KZ-a BiH, važno se fokusirati na odluke Ustavnog suda Bosne i Hercegovine te proceduru podnošenja prijava, kao i njihovog rješavanja. Naime, nesporno je da svaki građanin u skladu sa članom 214. stav 1. Zakona o krivičnom postupku BiH ima pravo podnijeti krivičnu prijavu, međutim, sa aspekta sprovođenja istrage koja ima potencijal da dovede do podizanja optužnice, ključno je utvrđenje da određena presuda nije izvršena. U opisanim uslovima, Tužilaštvo Bosne i Hercegovine je imalo u vidu da je sâm Ustavni sud Bosne i Hercegovine uredio postupak nadzora nad izvršenjem svojih odluka, odnosno da su u članu 72. stav 6. Pravila predviđeni koraci koji se preduzimaju kada Ustavni sud utvrdi nepostupanje, odnosno kašnjenje u izvršavanju ili obavještavanju Ustavnog suda o preduzetim mjerama. U navedenim uslovima donosi se formalno Rješenje o neizvršenju, koje se dostavlja nadležnom tužiocu. Dakle, svako postupanje koje se ne zasniva na Rješenju o neizvršenju donesenom od strane Ustavnog suda Bosne i Hercegovine, otvara mogućnost licu protiv kojeg se provode istražne radnje da osnovano istakne prigovor u pravcu nedostatka dokaza o postojanju odlučne činjenice.

Također, treba istaći da rad tužilaca po predmetima iz nadležnosti ovog Odsjeka nije adekvatno vrednovan utvrđenim Orijentacionim mjerilima Visokog sudskog i tužilačkog vijeća BiH, što su tužioci konstantno isticali na kolegijima Odsjeka i Posebnog odjela za organizirani kriminal, privredni kriminal i korupciju, zbog čega su se obraćali Visokom sudskom i tužilačkom vijeću BiH i menadžmentu Tužilaštva, međutim, ovaj problem nije riješen ni u 2025. godini.




5. OSTVARENI REZULTATI RADA NA PREDMETIMA KORUPCIJE I ORGANIZIRANOG KRIMINALA

U toku izvještajnog perioda Posebni odjel za organizirani kriminal, privredni kriminal i korupciju podigao je 22 optužnice za krivična djela iz oblasti organiziranog kriminala i 15 optužnica za krivična djela korupcije. U istom periodu 2024. godine podignuta je 31 optužnica za krivična djela iz oblasti organiziranog kriminala i 8 optužnica za krivična djela korupcije.

- *Tabelarni pregled podignutih optužnica u predmetima korupcije i organiziranog kriminala*

Vrsta predmeta	2022	2023	2024	2025
KTK/KTKV	14	11	8	15
KTO/KTOV	16	19	31	22
UKUPNO	30	30	39	37

- *Grafički prikaz podignutih optužnica u predmetima korupcije i organiziranog kriminala*



Grafikon 14.

Na osnovu navedenih statističkih podataka može se izvesti zaključak da je u protekle dvije godine prisutan trend porasta broja podignutih optužnica iz oblasti organiziranog kriminaliteta i korupcije.

5.1. Rad na predmetima korupcije

Odsjek za korupciju je ostvario normu od **171,49%**, što ukazuje da je Odsjek ispunio rezultate u pogledu ostvarivanja norme.

5.1.1. Rezultati rada u odnosu na predmete korupcije u pogledu prijava, istraga i optužnica²¹

Odjel II je u 2025. godini u odnosu na predmete korupcije na početku izvještajnog perioda u radu imao 259 prijava protiv 678 lica koje su prenesene iz prethodnog perioda, tokom izvještajnog

²¹ U navedenom poglavlju obrađeni su zbirni rezultati za KTO i KTKV predmete.



perioda zaprimljeno je 197 prijava protiv 471 lica, tako da je ukupno u radu bilo 456 prijava protiv 1149 lica. Tokom izvještajnog perioda tužiocima Odjela II su riješili 180 prijava protiv 466 lica, odnosno donesene su 82 naredbe o nesprovođenju istrage protiv 195 lica, pokrenuto 16 istraga protiv 25 lica, te su na drugi način riješene 82 prijave protiv 246 lica. Na kraju izvještajnog perioda iz oblasti korupcije ostalo je neriješeno 276 prijava protiv 683 lica.

➤ *Tabelarni prikaz ukupnog broja zaprimljenih predmeta iz oblasti korupcije*

Godina	Preneseni iz prethodnog perioda	Zaprimljeni u izvještajnom periodu	Ukupno u radu	Riješeno	Ostalo neriješeno
2021	96	102	198	78	120
2022	120	150	270	80	190
2023	190	170	360	129	231
2024	231	174	391	146	259
2025	259	197	456	180	276


Iz navedenog tabelarnog prikaza vidljivo je da je tokom 2025. godine prisutan trend povećanja broja zaprimljenih predmeta koji se odnose na koruptivna krivična djela, odnosno zaprimljeno je 28 ili 12,12% predmeta više u odnosu na prethodnu godinu. Pored navedenog, u toku 2025. godine riješena su 34 ili 23,28% predmeta više u odnosu na 2024. godinu.

➤ *Tabelarni i grafički prikaz strukture podnesenih prijava*

Institucija inicijalnog akta	Izvještaj o izvršenom KD	Izvještaj o izvršenom KD za visoku korupciju	Izvještaj o preduzetim mjerama i radnjama	Krivične prijave	Infor.	Dost. na nadležno postupanje	DNA	Ukupno
Državna agencija za istrage i zaštitu	1	0	7	0	2	0	0	10
Granična policija	3	0	0	0	8	0	0	11
UIO	0	0	0	0	0	0	0	0
OSA BiH	0	0	0	0	1	0	0	1
Tužilaštvo BiH	0	0	0	0	0	0	16	16
Tužil. FBiH i RS	0	0	0	0	0	16	0	16
MUP FBiH	0	0	0	1	2	0	0	3
MUP RS	1	0	0	0	0	2	0	1
Fizička i pravna lica	0	0	0	90	1	0	0	91
Anonimne prijave	0	0	0	43	0	0	0	43
Ag. za prev. korupcije	0	0	0	5	0	0	0	5
UKUPNO	5	0	7	139	14	16	16	197



➤ *Grafički prikaz strukture inicijalnih „KT“ akata koruptivnih krivičnih djela prema podnosiocu prijave*




Grafikon 15.

Tokom 2025. godine, od ukupnog broja zaprimljenih prijava, 43 prijave ili oko 21,83%, čine anonimne prijave koje su veoma često neprecizne, neodređene i sadrže podatke i informacije koje ne sadrže elemente krivičnog djela. Nadalje, analizirajući strukturu zaprimljenih prijava evidentno je da 91 prijava ili 46,19% čine prijave fizičkih i pravnih lica, koje također veoma često ne sadrže podatke i informacije koje bi mogle rezultirati pokretanjem istraga. Dakle, od ukupnog broja prijava koje se odnose na korupciju samo je 63 ili oko 31,98% prijava koje čine kvalitetan osnov za eventualno otvaranje istrage i dalji rad tužilaštva. Također, analizirajući strukturu riješenosti prijava, evidentno je da je visok procenat prijava koje su riješene na drugi način, što je posljedica zaprimanja većeg broja prijava koje se odnose na korupciju za čije postupanje nije nadležno Tužilaštvo Bosne i Hercegovine, tako da se predmetne prijave blagovremeno prosljeđuju na postupanje nadležnim tužilaštvima.

Također, napominjemo da se prijave koje su dostavljene putem Agencije za prevenciju korupcije i koordinaciju borbe protiv korupcije u najvećem broju slučajeva odnose na anonimne ili druge krivične prijave, koje su prethodno zaprimljene od strane Državne agencije za istrage i zaštitu ili Tužilaštva.

➤ *Grafički prikaz strukture inicijalnih „KT“ akata koruptivnih krivičnih djela*






Grafikon 16.

Evidentno je da je od 197 podnesenih inicijalnih akata koji se odnose na korupciju veoma mali broj izvještaja o izvršenom krivičnom djelu podnesen od strane policijskih agencija, odnosno da je u 2025. godini podneseno 6 ili oko 3,04% izvještaja o izvršenom krivičnom djelu u odnosu na ukupan broj inicijalnih dokumenata. Također, bitno je naglasiti da u pogledu visoke korupcije nije podnesen niti jedan izvještaj o izvršenom krivičnom djelu i da su predmeti koji se odnose na visoku korupciju u 2025. godini inicirani istražnim aktivnostima Tužilaštva BiH.

U izvještajnom periodu podneseno je 6 izvještaja o počinjenim koruptivnim krivičnim djelima i to 1 izvještaj o izvršenom krivičnom djelu od strane Državne agencije za istrage i zaštitu BiH, 3 izvještaja o izvršenom krivičnom djelu od strane Granične policije BiH, 1 MUP-a Republike Srpske i 1 Obavještajno-sigurnosne agencije.

Odjel II je u 2025. godini u odnosu na predmete korupcije imao ukupno u radu 28 istraga protiv 62 lica. Ukupan broj neriješenih istraga iz ranijeg perioda je 12 protiv 37 lica. U toku 2025. godine naređeno je 16 istraga protiv 25 lica, u navedenom periodu riješeno je 18 istraga protiv 37 lica na način da su donesene 2 naredbe o obustavi istrage protiv 5 lica, podignuto je 15 optužnica protiv 24 lica, te je na drugi način riješena 1 istraga protiv 8 lica. Također, potvrđeno je 10 optužnica za 15 lica. Na kraju izvještajnog perioda ostalo je neriješeno 10 istraga protiv 25 lica.

➤ *Uporedni prikaz podignutih optužnica u oblasti korupcije*



Grafikon 17.

U izvještajnom periodu Tužilaštvo Bosne i Hercegovine je podiglo 15 optužnica protiv 24 lica u vezi sa koruptivnim krivičnim djelima, od čega su 2 optužnice protiv 8 lica za visoku korupciju, odnosno u odnosu na 2024. godinu došlo je do povećanja broja podignutih optužnica u odnosu na predmete za 7 ili za oko 87,75% i u odnosu na lica za 15 ili oko 166,67%.

5.1.2. Rezultati rada u odnosu na predmete visoke korupcije

Odjel II je u 2025. godini zaprimio 3 prijave protiv 20 lica, dok je iz prethodnog perioda preneseno 18 prijava protiv 50 lica, ukupno u radu je bila 21 prijava protiv 70 lica. Tokom izvještajnog perioda tužiocima Odjela II su riješili 3 prijave protiv 14 lica i to je donesena 1 naredba o nesprovođenju istrage protiv 3 lica, pokrenute su 2 istrage protiv 7 lica, pored toga 4 lica su riješena na drugi način. Na kraju izvještajnog perioda ostalo je neriješeno 18 prijava protiv 56 lica.



Odjel II je u 2025. godini imao ukupno u radu 7 istraga u odnosu na 25 lica. Ukupan broj neriješenih istraga iz ranijeg perioda je 5 protiv 18 lica, dok su u 2024. godini naređene 2 istrage protiv 7 lica. U izvještajnom periodu riješene su 3 istrage protiv 15 lica, odnosno donesena je 1 naredba o obustavi istrage protiv 3 lica, podignute su 2 optužnice protiv 8 lica i 4 lica su riješena na drugi način. Potvrđene su 3 optužnice za 9 lica. Na kraju izvještajnog perioda ostale su neriješene 4 istrage u odnosu na 10 lica.

Od ukupnog broja podignutih optužnica za koruptivna krivična djela Tužilaštvo Bosne i Hercegovine je podiglo 2 optužnice protiv 8 lica za visoku korupciju.

U cilju jačanja transparentnosti rada na web stranici Tužilaštva BiH dostupne su u anonimiziranom obliku sve potvrđene optužnice podignute u toku 2025. godine.

5.1.3. Prvostepene i drugostepene presude u odnosu na koruptivna krivična djela

Po optužnicama Odjela II u odnosu na koruptivna krivična djela u toku izvještajnog perioda doneseno je 13 prvostepenih presuda protiv 14 lica, od toga 10 osuđujućih presuda protiv 11 lica, 2 oslobađajuće presude u odnosu na 2 lica i 1 odbijajuća presuda u odnosu na 1 lice. Na presude je uloženo 5 žalbi u odnosu na 5 lica, od kojih su 3 žalbe u odnosu na 3 lica odbijene, dok je uvažena 1 žalba protiv 1 lica.

Također, u izvještajnom periodu doneseno je 11 pravosnažnih presuda protiv 11 lica, 8 osuđujućih presuda protiv 8 lica, 2 oslobađajuće protiv 2 lica i 1 odbijajuća protiv 1 lica.

Naime, općepoznato je da se koruptivna krivična djela po svojoj prirodi teško otkrivaju, a još teže dokazuju i procesuiraju, te se u načelu može tvrditi da uglavnom „lakši“ slučajevi korupcije dobiju sudski epilog gdje je sredstvo izvršenja najčešće novac i u kojima su krivičnopravne radnje zadokumentovane primjenom posebnih istražnih radnji.

Međutim, ono što je simptomatično, a i kroz period izvještavanja primjetno je da su standardi suda za dokazivanje koruptivnih krivičnih djela znatno pooštreni, što dodatno usložnjava procesuiranje ovakvih krivičnopravnih slučajeva, a kojom problematikom bi se trebalo pozabaviti u narednom periodu.

Pored navedenog, ono što je primjetno u odnosu na raniji period izvještavanja je postojanje i izvjesnog broja oslobađajućih presuda, što svakako opet ukazuje na samu problematiku i otežanost u dokazivanju krivičnih djela ove prirode.

Međutim, rad Tužilaštva BiH u okviru izvještajnog perioda ukazuje na nastavak trenda procesuiranja korupcije prvenstveno kroz upotrebu dokaza iz „Sky“ i „Anom“ aplikacija, ali uz prisutne izazove poput curenja informacija i naprijed navedenu problematiku otežanog dokazivanja koruptivnih krivičnih djela.

Na ovo ukazuju naprijed navedeni ključni statistički pokazatelji, prema kojima je evidentno da je u izvještajnom periodu, odnosno do decembra 2025. godine potvrđeno 10 optužnica za korupcijska djela koja su izvršena od strane zaposlenih u institucijama BiH, čime je zabilježen porast optužnica u odnosu na prethodne periode izvještavanja. Među procesuiranim licima nalazi se više pripadnika Granične policije BiH i Uprave za indirektno oporezivanje BiH, u tri optužnice ukupno 13 lica iz navedenih državnih institucija.



5.1.4. Zaključna razmatranja i prijedlozi za unapređenje rada

Tužilaštvo BiH u izvještajnom periodu intenzivno sprovodi istragu u predmetima korupcije visokog nivoa protiv nekoliko zvaničnika BiH koji su obavljali neke od najodgovornijih funkcija u BiH, a koji su koruptivne aktivnosti preduzimali u svojstvu direktora Granične policije BiH i u svojstvu službenika Granične policije BiH ili na rukovodećim pozicijama zajedno sa drugim licima. Također, intenzivirano je preduzimanje istražnih aktivnosti protiv ministra sigurnosti BiH koji se sumnjiči za niz koruptivnih aktivnosti kojima je pribavljena višemilionska protivpravna imovinska korist.

Tužilaštvo BiH je u izvještajnom periodu podiglo dvije optužnice u predmetima korupcije visokog nivoa protiv službenih lica u institucijama BiH, a koje optužnice su potvrđene od strane Suda BiH. Naime, Tužilaštvo BiH je u okviru navedenog perioda podiglo optužnicu protiv suspendovanog predsjednika Suda BiH i bivšeg generalnog direktora Obavještajno-sigurnosne agencije Bosne i Hercegovine (OSA BiH), kojima se stavlja na teret da su počinili krivično djelo Zloupotreba položaja ili ovlaštenja iz člana 220. stav 1. KZ-a BiH.

Također, Tužilaštvo BiH je podiglo optužnicu protiv bivšeg rukovodioca Grupe za sprečavanje krijumčarenja u Upravi za indirektno oporezivanje BiH zbog krivičnog djela Zloupotreba položaja ili ovlaštenja iz člana 220. stav 1. KZ-a BiH, kojom optužnicom je zatraženo i oduzimanje pribavljene protivpravne imovinske koristi u većem iznosu. Po navedenoj optužnici u toku je glavni pretres pred Sudom BiH.

U cilju suzbijanja korupcije, Tužilaštvo BiH je omogućilo građanima da putem web stranice blagovremeno prijave eventualne koruptivne radnje lica za djela iz nadležnosti Tužilaštva BiH.

Pored ostvarenih rezultata i dalje jedan od osnovnih problema u radu na predmetima korupcije jeste neblagovremenost informacija o preduzimanju koruptivnih aktivnosti od strane počinitelaca. Ovo se naročito odnosi na koruptivna krivična djela povezana sa javnim nabavkama, te koruptivna krivična djela u vezi sa primanjem i davanjem dara, što nesporno otežava proces dokazivanja u ovakvim predmetima.

Kako je primjetan smanjen broj izvještaja o počinjenim koruptivnim krivičnim djelima koje policijske agencije u BiH dostavljaju Tužilaštvu BiH i da je naročito evidentan izostanak izvještaja od strane policijskih agencija i drugih agencija za provođenje zakona u BiH u pogledu visoke korupcije, te da su procesuirani slučajevi uglavnom inicirani istražnim aktivnostima Tužilaštva BiH, u tom kontekstu važno je unaprijediti komunikaciju, odnosno potaknuti međusobnu saradnju i komunikaciju između različitih institucija i aktera kako bi se razmijenila iskustva, najbolje prakse i informacije o borbi protiv korupcije.

Imajući u vidu naprijed navedeno, Tužilaštvo BiH nastavlja sa intenzivnim preduzimanjem svih neophodnih mjera i radnji na suzbijanju korupcije, naročito na njenim složenijim pojavnim oblicima, što je jedan od prioriteta definisanih planom rada, a sve u cilju postizanja rezultata u njenom smanjenju i poboljšanju povjerenja javnosti u rad institucije.

Tužilaštvo BiH će i u narednom periodu nastaviti rad na predmetima visoke korupcije, što je jedan od prioriteta definisanih planom rada.



5.2. Rad na predmetima organiziranog kriminala

Odsjek za organizirani kriminal je ostvario normu od **173,83%**, što ukazuje da su rezultati predmetnog Odsjeka u pogledu ostvarene norme i rada na predmetima organiziranog kriminala na izuzetno visokom nivou. U daljem pregledu rezultata prikazani su rezultati Odsjeka za organizirani kriminal, ali i rezultati ostalih tužilaca iz Odjela II koji su radili na predmetima organiziranog kriminaliteta.

5.2.1. Pregled prijava, istraga, optužnica i presuda u odnosu na predmete organiziranog kriminala²²

U odnosu na rezultate rada na predmetima organiziranog kriminala, Odjel II je u 2025. godini zaprimio 63 prijave protiv 595 lica, dok je iz ranijeg perioda u radu bilo 86 prijava protiv 931 lica. Ukupno je u radu bilo 149 prijava protiv 1526 lica. Tokom izvještajnog perioda tužioc Odjela II su riješili 45 prijava protiv 544 lica, odnosno doneseno je 11 naredbi o nesprovođenju istrage protiv 127 lica, pokrenuto je 29 istraga protiv 297 lica, te je na drugi način riješeno 5 prijava protiv 120 lica. Na kraju izvještajnog perioda ostale su neriješene 104 prijave protiv 982 lica.

Odjel II je u 2025. godini u odnosu na predmete organiziranog kriminala imao ukupno 98 istraga koje su otvorene protiv 1103 lica, odnosno 69 istraga protiv 806 lica je preneseno iz prethodnih godina, dok je u izvještajnom periodu naređeno 29 istraga protiv 297 lica. Tokom 2025. godine riješene su 43 istrage protiv 532 lica, odnosno doneseno je 11 naredbi o obustavi istrage protiv 130 lica, 10 istraga protiv 263 lica je riješeno na drugi način, te su podignute 22 optužnice protiv 139 lica. Na kraju izvještajnog perioda ostalo je neriješeno 55 istraga u odnosu na 571 lice.

U toku izvještajnog perioda u odnosu na predmete organiziranog kriminala doneseno je 26 prvostepenih presuda protiv 67 lica, odnosno 25 osuđujućih u odnosu na 57 lica, 1 oslobađajuća presuda u odnosu na 9 lica i u odnosu na 1 lice odbijajuća presuda. U navedenom periodu uloženo je 10 žalbi protiv donesenih prvostepenih presuda protiv 25 lica, od navedenog broja uvažene su 2 žalbe protiv 7 lica, dok je 5 žalbi protiv 14 lica odbijeno. Doneseno je 27 pravosnažnih presuda protiv 71 lica, odnosno 24 osuđujuće presude protiv 61 lica, 1 oslobađajuća presuda u odnosu na 8 lica i 2 odbijajuće presude u odnosu na 2 lica. Također, izrečene su kazne zatvora u ukupnom trajanju od 102 godine i 10 mjeseci te novčane kazne u ukupnom iznosu od 698.900,00 KM.

5.2.2. Pregled prijava, istraga, optužnica i presuda u odnosu na predmete organiziranog kriminala visokog nivoa

Također, u odnosu na rezultate rada na predmetima organiziranog kriminala visokog nivoa, Odjel II je u 2025. godini zaprimio 11 prijava protiv 135 lica, dok su iz ranijeg izvještajnog perioda u radu ovog Odjela bile 4 prijave protiv 136 lica, tako da je ukupno u radu bilo 15 predmeta protiv 271 lica. Tokom izvještajnog perioda tužioc Odjela II su riješili 6 prijava protiv 117 lica, odnosno donesene su 4 naredbe o sprovođenju istrage protiv 43 lica, te su na drugi način riješene 2 prijave protiv 74 lica. Na kraju izvještajnog perioda ostalo je neriješeno 9 prijava protiv 154 lica.

Odjel II je u 2025. godini u odnosu na predmete organiziranog kriminala visokog nivoa u radu imao ukupno 25 istraga protiv 416 lica, od kojih je iz ranijeg perioda prenesena 21 istraga protiv 373 lica, dok su u 2024. godini naređene 4 istrage protiv 43 lica. Također, u izvještajnom periodu riješeno je 10 istraga protiv 210 lica, odnosno podignuto je 7 optužnica protiv 54 lica, te je donesena 1 naredba

²² U navedenom poglavlju obrađeni su zbirni rezultati za KTO i KTOV predmete.



o obustavi istrage protiv 9 lica, 2 istrage protiv 147 lica riješene su na drugi način. Potvrđeno je 6 optužnica protiv 36 lica. Na kraju izvještajnog perioda ostalo je neriješeno 15 istraga u odnosu na 206 lica.

U toku izvještajnog perioda u odnosu na predmete organiziranog kriminala visokog nivoa donesene su 2 prvostepene presude za 6 lica i to 1 osuđujuća u odnosu na 1 lice i 1 oslobađajuća u odnosu na 5 lica. Pored toga, donesene su 2 pravosnažne presude protiv 6 lica, od kojih je 1 presuda protiv 5 lica oslobađajuća, dok je 1 presuda protiv 1 lica osuđujuća.

5.2.3. Opća razmatranja i prijedlozi za unapređenje rada na predmetima organiziranog kriminala

Odsjek za organizirani kriminal je ostvario normu od **173,83%**, što ukazuje da su rezultati predmetnog Odsjeka u pogledu ostvarene norme i rada na predmetima organiziranog kriminala na izuzetno visokom nivou. U daljem pregledu prikazane su aktivnosti i problemi u radu Odsjeka za organizirani kriminal.

U 2024. godini rasformiran je Tim tužilaca koji su radili na predmetima po osnovu kriptovanih aplikacija „Sky“ i „Anom“, a imenovanjem tužilaca na druge pozicije u pravosuđu Odjel je u 2025. godini funkcionisao sa smanjenim brojem tužilaca.

Rad na predmetima organiziranog kriminala koji su inicijalno formirani po osnovu sadržaja „Sky“ kriptovane aplikacije, koji predstavljaju najveći broj predmeta organiziranog kriminala, zavisio je od pravovremenog udovoljavanja upućenim zamolnicama koje su u izvještajnom periodu pristizale sa zakašnjenjem ili po njima još uvijek nije udovoljeno.

Kao i u prethodnom periodu izvještavanja, nije se značajno promijenio trend priliva predmeta, ali je u odnosu na 2024. godinu smanjen priliv obavještenja/izvještaja koji se ne temelje isključivo na podacima po osnovu sadržaja „Sky“ i „Anom“ aplikacija, koji su prethodno dostavljeni policijskim agencijama od strane EUROPOL-a.

Primjetno je povećan broj podnesenih obavještenja o učinjenom krivičnom djelu, što je doprinijelo proaktivnijem djelovanju postupajućih tužilaca i službenih lica koja rade pod njihovim nadzorom. S tim u vezi, uporedo sa istragama koje su inicijalno započete po osnovu sadržaja kriptovanih podataka u Odsjeku za organizirani kriminal proaktivno su vođene i istrage po drugim obavještenjima o učinjenim krivičnim djelima.

Sadržaji prikupljenih dokaza u različitim predmetima organiziranog kriminala i dalje upućuju na zaključak da na teritoriji Bosne i Hercegovine i dalje egzistira veći broj kriminalnih grupa u različitim oblicima organizacije. Prikupljeni dokazi su omogućili jasno definisanje *modusa operandi* u djelovanju kriminalnih grupa, pa je i u 2025. godini primjetno da se postojeće kriminalne organizacije pored neovlaštenog prometa opojnim drogama i trgovine oružjem, radi pribavljanja koristi, bave i organiziranim oblicima izvršenja krivičnih djela neovlaštenog prometa akciznih proizvoda i krijumčarenja ljudima.



Proaktivne istrage u predmetima organiziranog kriminala ukazuju na nepromijenjen način djelovanja kriminalnih grupa, nerijetko u jednakim sastavima već procesuiranih kriminogenih lica.

Također je primjetno da se, u okviru kriminalnog djelovanja, organizirane kriminalne grupe koje egzistiraju na teritoriji Bosne i Hercegovine nužno oslanjaju na najbliže saradnike ili pripadnike drugih kriminalnih organizacija koje djeluju u susjednim zemljama regije, ali i šire, što ukazuje na stalnu potrebu međunarodne saradnje i pružanja međunarodne pravne pomoći.

Rezultati provedenih finansijskih istraga u predmetima organiziranog kriminala ukazali su na nesrazmjer imovine osumnjičenih/optuženih lica u odnosu na ostvarene legalne prihode. Pribavljena protivpravna imovinska korist stečena krivičnim djelima organiziranih kriminalnih grupa predmet je pranja novca u različitim vidovima organiziranog ili pojedinačnog prikrivanja stvarnog porijekla. Protivpravno pribavljeni novac u *modus operandi* djelovanja uložen je kroz različite vidove privredne djelatnosti, kupovinu nekretnina i predmeta od vrijednosti, a potom i kroz preprodaju tako uloženog kapitala.

Rezultati rada ukazali su na učinjenje krivičnih djela pranja novca i od strane državljana Bosne i Hercegovine ili lica porijeklom iz Bosne i Hercegovine koji su dio struktura međunarodnih kriminalnih grupa koje se bave prometom opojnih droga iz Južne Amerike u zemlje Evropske unije. Jednim dijelom novac pribavljen djelovanjem ovih međunarodnih kriminalnih organizacija uložen je i u novčane tokove u Bosni i Hercegovini, putem određenog broja registrovanih pravnih lica u različitim vidovima privrednih djelatnosti.

U 2025. godini podignuta je optužnica protiv 12 fizičkih i 6 pravnih lica zbog izvršenih krivičnih djela organizirani kriminal i pranje novca. Osumnjičeni se terete da su u periodu od 2017. godine do 2024. godine, radi sticanja materijalne koristi, sa ciljem stavljanja u zakonite novčane tokove, odnosno prikrivanja prirode, izvora, lokacije, raspolaganja, kretanja i vlasništva novca za koji su znali da potiče iz neovlaštenog međunarodnog prometa opojne droge kokain se područja Južne Amerike na teritoriju Evrope, „oprali“ najmanje 6.000.000,00 KM, na način da su isti novac koristili prilikom redovnih poslovnih aktivnosti više osumnjičenih pravnih lica, kao i kroz kupovinu i izgradnju nekretnina, te kupovinu i tzv. „rudarenje“ kriptovaluta. U navedenom predmetu, nakon provedene finansijske istrage, optužnicom je predloženo oduzimanje od osumnjičenih i povezanih lica imovine vrijednosti od oko 13.494.272,00 KM, za koju imovinu je prethodno po odlukama Suda BiH donesena privremena mjera obezbjeđenja. Među imovinom se nalaze nekretnine (stambene i druge prostorije, poslovni prostori, zemljišta), novac na bankovnim računima i kripto novac na međunarodnim berzama. U ovom predmetu, između ostalog, kao dokaz su korištene komunikacije iz aplikacije SkyEcc.

Također, u jednom predmetu u kojem su korišteni dokazi iz aplikacije SkyEcc, podignuta je optužnica protiv 5 lica koja se terete da su početkom decembra 2019. godine do kraja 2021. godine, na teritoriji Bosne i Hercegovine, Republike Srbije, Crne Gore, Republike Hrvatske, Holandije i Republike Slovenije, u cilju sticanja protivpravne imovinske koristi neovlašteno prometovali opojnu drogu i neovlašteno prometovali određenu količinu oružja iz BiH u Holandiju. Također, osumnjičeni



se terete da su dio novca za koji su znali da je stečen izvršenjem krivičnog djela uložili u kupovinu nekretnina, tako da je nakon provedene finansijske istrage predloženo trajno oduzimanje imovinske koristi pribavljene krivičnim djelom.

S obzirom da se radi o istragama koje nužno podrazumijevaju oblike međunarodne saradnje, Tužilaštvo je i u izvještajnom periodu nastavilo s učešćem na sastancima sa predstavnicima tužilaštava regije. U brojnim predmetima su razmijenjeni raspoloživi podaci ili dokazi značajni za krivični postupak. Postojanje regionalne saradnje posebno je dalo efekte u identifikaciji imovine lica protiv kojih se vode krivični postupci, odnosno u sprovođenju finansijskih istraga u okviru istrage po krivičnim djelima - pranja novca.

Istovremeno, u proteklih nekoliko godina (od 2022. godine do kraja 2025. godine), uz podršku EUROJUST-a, formirano je 6 međunarodnih istražnih timova u čijem sastavu su bili i postupajući tužioc i Tužilaštva Bosne i Hercegovine. Neki od tih timova su aktivno djelovali i tokom 2025. godine, te će se ovaj vid međunarodne saradnje nastaviti i u narednom periodu.

Opisana složenost vođenja krivičnih i finansijskih istraga u predmetima organiziranog kriminala i dalje ukazuje na potrebe proširenja raspoloživih kapaciteta Tužilaštva Bosne i Hercegovine. Tako je u izvještajnom periodu nastavljen rad na organizaciji unutrašnje organizacione jedinice „analitike/istražnog centra“ pri Posebnom odjelu za organizirani, privredni kriminal i korupciju. Osnovni zadaci organizacione jedinice analitičara usmjereni su na prikupljanje svih relevantnih podataka iz sadržaja Sky i Anom aplikacija, te drugih krivičnih predmeta koji se vode u ovom odsjeku.

Potpisivanjem memoranduma o saradnji sa različitim organima vlasti u Bosni i Hercegovini, Tužilaštvu su po prvi put omogućeni pristupi različitim bazama podataka (UIO, Komisije za vrijednosne papire FBiH, IDDEEA-e). U 2025. godini potpisan je memorandum o saradnji sa Graničnom policijom Bosne i Hercegovine kojim je Tužilaštvu Bosne i Hercegovine omogućen pristup bazama prelazaka državne granice.

Platforme koje omogućavaju pristup ovim bazama podataka, uz pristup zaposlenika odjela analitike/istražnog centra, za rezultat imaju brze i efikasne istrage, bez dosadašnje pismene korespondencije koja je usporavala krivične procese, a zbog određenog proteka vremena u dostavljanju informacija uticala i na vjerodostojnost podataka.

Analizom izvještajnog perioda i dalje su uočeni određeni nedostaci u kvalitetu tužilačkih odluka. Općim i pojedinačnim uputstvima glavnog tužioca i rukovodilaca odjela proces korekcije nedostataka sprovodi se stalnim uvidom u nacрте donesenih akata, davanjem pojedinačnih smjernica i uputa, te održavanjem sastanaka unutar odsjeka ili kolegija odjela Tužilaštva. Opisana postupanja imaju za cilj postizanje kvaliteta odluka u skladu sa materijalnim i procesnim zakonima, u standardu ujednačenog postupanja Tužilaštva.



U svim fazama krivičnog postupka po istim pravnim pitanjima primjene krivičnog zakonodavstva i dalje je primjetna neujednačena praksa Suda Bosne i Hercegovine. Prethodni postupak i zakonom uspostavljene kontrole istražnih radnji dokazivanja od strane sudije za prethodni postupak nerijetko prevazilaze zakonom definisane uloge, te prava i obaveze tužioca. Oblici određenog nepovjerenja prema tužilačkoj ulozi u rukovođenju istragom često se reflektuju pretjeranom pismenom korespondencijom. Podneseni prijedlozi ili zahtjevi za izdavanje naredbi na osnovu kojih se provode hitne radnje dokazivanja, predmet su uređivanja ili dopuna, čime se gubi značaj pravovremenog i efikasnog postupanja.

Uprkos opisanim prilikama, Odjel je zadržao funkcionalnost u obimu koji je zadovoljio vođenje i okončanje istrage u prioritetnim predmetima organiziranog kriminala, dok istovremeno nisu zaustavljene ranije planirane aktivnosti za unapređenje rada.

6. OSTVARIVANJE FUNKCIJE TUŽILAŠTVA KROZ DRUGE AKTIVNOSTI

U prethodnim poglavljima ove informacije izložen je pregled rada tužilačkih odjela kroz koje se suštinski i realizuje osnovna funkcija Tužilaštva BiH, odnosno rad na suzbijanju kriminaliteta. Ipak, Tužilaštvo BiH svoju funkciju ostvaruje i kroz druge aktivnosti koje ne spadaju u postupanje po pojedinačnim krivičnim predmetima. Pregled najznačajnijih aktivnosti ove vrste izložen je u poglavljima koja slijede.

6.1. Rad Kabineta glavnog tužioca

Kabinet glavnog tužioca je pružao podršku u radu glavnog tužioca po pitanjima koja su od općeg značaja za rad Tužilaštva BiH. Dinamika aktivnosti i poslova u Kabinetu glavnog tužioca odvijala se kroz različite stručne sastanke, konferencije i seminare kako sa domaćim, tako i sa stranim stručnjacima. Cilj ovih aktivnosti bio je da se pojačaju stručni kapaciteti Tužilaštva BiH razmjenom mišljenja i znanja u oblasti prava.

Kabinet glavnog tužioca je učestvovao u organizaciji niza posjeta Tužilaštvu BiH od strane različitih predstavnika diplomatskog kora, međunarodnih organizacija i nevladinih organizacija. Poseban značaj dat je komunikaciji sa predstavnicima Evropske komisije, koji kroz IPA fondove daju značajnu podršku radu Tužilaštva BiH.

Aktivnosti Kabineta bile su usmjerene na regionalnu saradnju po pitanju procesuiranja ratnih zločina, te su održavani sastanci na ovu temu kako sa tužilaštvima iz regiona, tako i sa tužiocima i saradnicima Međunarodnog krivičnog suda za bivšu Jugoslaviju.

Oficir za vezu Tužilaštva BiH je ostvarivao saradnju sa Tužilaštvom MRMKS-a u skladu sa odredbama Zakona o ustupanju predmeta od strane Međunarodnog tribunala za bivšu Jugoslaviju Tužilaštvu Bosne i Hercegovine u vezi korištenja dokaza pribavljenih od strane Međunarodnog tribunala za bivšu Jugoslaviju u postupcima pred Sudom Bosne i Hercegovine.



Kabinet je u 2025. godini imao ukupno u radu 989 A predmeta, od kojih je iz ranijeg perioda preneseno 507 A predmeta. Kabinet je u 2025. godini zaprimio 482 A predmeta. Od toga je završeno 619 A predmeta, a u radu je ostalo 370 A predmeta. Nadalje, u 2025. godini bila su ukupno u radu 742 A-I predmeta, od kojih je 683 zaprimljeno u toku godine, a 59 predmeta ostalo neriješeno iz ranijeg perioda. Ukupno je riješeno 740 A-I predmeta, dok su 2 predmeta ostala neriješena. U Kabinetu glavnog tužioca u 2025. godini bio je 101 A-I-ZSPI predmet, od kojih je 100 predmeta zaprimljeno u toku godine, dok je 1 predmet prenesen iz ranijeg perioda. Ukupno je riješeno 55 A-I-ZSPI predmeta, dok je ostalo neriješeno 46 A-I-ZSPI predmeta. Kabinet glavnog tužioca je postupao i na predmetima oznake A-R, od kojih su u 2025. godini zaprimljena 202 predmeta, a 223 predmeta prenesena su iz ranijih godina. Ukupno su riješena 202 A-R predmeta, dok su ostala neriješena 223 A-R predmeta. Kabinet glavnog tužioca je postupao i u predmetima po pritužbama na odluke tužilaca (KTP predmeti), kojih je u radu tokom 2025. godine bilo 77, od kojih je riješena 71, odnosno 65 pritužbi je odbijeno, 6 pritužbi je odbačeno i 6 je ostalo neriješeno.

6.2. Saradnja Tužilaštva BiH sa institucijama EU i aktivnostima u približavanju evropskim integracijama

Bosna i Hercegovina je na putu evropskih integracija u cilju pristupanja EU i u toku 2025. godine nastavila ostvarivati saradnju sa institucijama Evropske unije i Evropske komisije u jačanju vladavine prava u Bosni i Hercegovini. Predstavnici Tužilaštva BiH su u više navrata održavali sastanke sa zvaničnicima iz Evropske unije, Evropske komisije, OSCE-a, UNDP-a, UNODC-a, ICMP-a, zatim predstavnicima drugih međunarodnih organizacija i diplomatskih predstavništava, u vezi njihovih projekata koji se provode u cilju pružanja podrške jačanju institucija BiH u borbi protiv različitih oblika kriminaliteta, jačanja vladavine prava, te pune primjene evropskih standarda u radu. Važno je napomenuti da Tužilaštvo BiH u svom radu u potpunosti primjenjuje standarde MRMKS-a u procesuiranju predmeta ratnih zločina.

6.3. Rad uprave Tužilaštva BiH

U toku 2025. godine, kao i u prethodnom periodu, u okviru uprave Tužilaštva BiH pružana je podrška radu tužilačkih odjela u smislu pružanja posebne stručne podrške radu tužilaca u krivičnim predmetima, kao i opće podrške u smislu obezbjeđenja obavljanja stručnih, administrativno-tehničkih i općih poslova kojima se stvaraju neophodni uslovi za rad tužilaca. Aktivnim postupanjem uprave Tužilaštva BiH realizuje se i učešće Tužilaštva BiH u aktivnostima vezanim za proces evropskih integracija, programiranje i implementaciju raznih projekata, postupanje po zahtjevima podnesenim na osnovu Zakona o zaštiti tajnih podataka, kao i zahtjeva podnesenih na osnovu Zakona o slobodi pristupa informacijama i drugih zahtjeva raznih institucija, nevladinih organizacija i građana, dostavljanja Visokom sudskom i tužilačkom vijeću BiH raznih podataka neophodnih za njihov rad, izvještaja i drugo. Na predmetima A, A-I, A-I-ZSPI i A-R postupa se u Kabinetu glavnog tužioca, Uredu sekretara i tužilačkim odjelima. Na predmetima sa oznakom P postupa se u Odjelu za pravne, druge stručne, administrativno-tehničke i opće poslove, na predmetima sa oznakom A-IT postupa se u Odjelu za IKT poslove i obradu elektronskog dokaznog materijala, dok se na predmetima sa oznakom R postupa u Odjelu za materijalno-finansijske poslove.²³

²³ Oznake upisnika za predmete općih poslova: A; A-RZ; A-P; A-US; A-I; A-I-ZSPI; A-R; P; R.



6.4. Rad Odjela za odnose s javnošću Tužilaštva BiH

Tokom 2025. godine, Odjel za odnose s javnošću provodio je redovne aktivnosti informisanja javnosti i medija, kao i aktivnosti definisane Komunikacijskom strategijom Tužilaštva BiH koje se, između ostalog, odnose na saradnju sa akademskom i stručnom zajednicom, organiziranje studentskih posjeta Tužilaštvu BiH itd.

U izvještajnom periodu realizovano je 6 jednodnevnih studentskih posjeta Tužilaštvu BiH studenata prava, sigurnosti i srodnih studija sa univerziteta iz različitih područja Bosne i Hercegovine. Pored studenata iz Bosne i Hercegovine u nekim od studijskih posjeta učestvovali su i studenti iz Njemačke i Italije.

U skladu sa Komunikacijskom strategijom i Smjernicama VSTV-a BiH, objavljena su 52 redigovana činjenična opisa optužnica i 41 redigovana negativna tužilačka odluka, što je veoma značajno za građane, studente, akademsku zajednicu, kao i oštećene u predmetima.

Tokom 2025. godine, kroz pojedinačne vijesti i sedmične biltene, objavljeno je 220 vijesti i informacija o aktivnostima Tužilaštva BiH.

Internet stranica Tužilaštva BiH je u protekloj godini zabilježila rekordnih 920 hiljada pregleda, što u prosjeku čini više od 2500 pregleda svakog dana.

Odjel za odnose s javnošću dostavio je veći broj pojedinačnih odgovora na upite novinara iz pisanih i elektronskih medija o radu i aktivnostima Tužilaštva BiH.

Tužilaštvo BiH je, također, usavršavalo i unapređivalo komunikacijske kanale u skladu sa tehnološkim dostignućima, kako bi se omogućila što efikasnija komunikacija, naročito sa medijskim kućama i novinarima iz BiH koji nemaju sjedište u Sarajevu, kao i komunikacija sa novinarima i medijskim kućama iz regiona i inostranstva. Komunikacija sa medijima i javnošću odvija se kroz više različitih komunikacijskih kanala (pošta, elektronska pošta, fiksni i mobilni telefoni, faks, ZSPI zahtjevi, mobilne aplikacije, internet stranica, oglasna ploča, elektronski obrasci).

U prethodnom periodu donirana je određena tehnička oprema u okviru projekata VSTV-a BiH, čime je značajno povećan kvalitet fotografija, audio i video snimaka koji se odnose na rad i aktivnosti Tužilaštva BiH i partnerskih institucija i agencija za provođenje zakona. Također, značajno je unaprijeđena distribucija putem interneta kako na području Bosne i Hercegovine, tako i u zemlje regiona, Evropske unije i dr.

Sa aktivnostima proaktivne transparentnosti Tužilaštvo BiH će nastaviti i u 2026. godini.

6.5. Edukacija tužilaca i stručnog osoblja Tužilaštva BiH

Tužioci i stručno osoblje imaju obavezu prisustva edukacijama koje se organizuju od strane centara za edukaciju sudija i tužilaca u Federaciji Bosne i Hercegovine i Republici Srpskoj. Navedeni centri su ravnopravni članovi Lisabonske mreže institucija koja djeluje u oblasti edukacije sudija i tužilaca u državama članicama Vijeća Evrope.

Naprijed navedene edukacije su u toku 2025. godine organizirane od strane entitetskih centara za edukaciju sudija i tužilaca u saradnji sa Centrom za istraživanje politike suprotstavljanja kriminalitetu (CPRC), u okviru projekta koji se realizuje u saradnji sa USAIDInspire-om, VSTV-om



i Ministarstvom sigurnosti Bosne i Hercegovine, sa Akademijom evropskog prava (eng. Academy of European Law – ERA), u okviru Projekta "Jačanje tužilačkih kapaciteta u sistemu krivičnog pravosuđa", kojeg implementira Visoko sudsko i tužilačko vijeće Bosne i Hercegovine, u saradnji sa Atlantskom inicijativom, sa AIRE Centrom kroz podršku EU4Justice Fazu II projekta, sa UNDP-em kroz projekat „Eko pravda“, Misijom OSCE-a u BiH, sa TRIAL International, Uredom Ujedinjenih naroda za droge i kriminal (UNODC), sa Uredom Vijeća Evrope u Sarajevu kroz projekat “Zaštita slobode izražavanja i slobode medija u Bosni i Hercegovini – PROFREX BiH”, sa Federalnom agencijom za upravljanje oduzetom imovinom, Uredom visokog komesara Ujedinjenih naroda za ljudska prava (OHCHR), sa OSCE Misijom u BiH kroz projekat “Jačanje kapaciteta krivičnog pravosuđa za borbu protiv rodno zasnovanog nasilja u Jugoistočnoj Evropi”, Centrom ženskih prava, u partnerstvu i uz podršku Projekta EU4 Justice, u okviru UNODC projekta Justitia, u saradnji sa Gender centrom Vlade FBiH kroz projekat EU za inkluziju u BiH, European Judicial Training Network – EJTN, sa Udruženjem društava za osiguranje u Federaciji BiH - Centar za edukaciju i istraživanje u osiguranju, Sarajevskim otvorenim centrom, u saradnji sa Međunarodnom organizacijom za migracije u BiH IOM BiH, a u okviru projekata "BiH: prevencija i zaštitno osjetljivo procesuiranje trgovine ljudima" koji finansira Vlada Sjedinjenih Američkih Država, putem Ureda za međunarodnu borbu protiv narkotika i provođenje zakona (US DoS INL), u saradnji sa Atlantskom inicijativom, a u okviru projekta “Jačanje odgovora krivičnog pravosuđa na seksualno nasilje” koji se realizuje uz podršku Ambasade Savezne Republike Njemačke putem Fonda stabilnosti, uz podršku Misije UNHR-a, EUPA4BiH, u saradnji sa Udruženjem sudija/sudaca u Federaciji Bosne i Hercegovine, Udruženjem sudija u Bosni i Hercegovini, Udruženjem sudija Republike Srpske, Udruženjem sudija Suda Bosne i Hercegovine, Udruženjem žena sudija u Bosni i Hercegovini, Udruženjem sudija Brčko distrikta Bosne i Hercegovine, Udruženjem tužilaca Bosne i Hercegovine, Udruženjem tužilaca/tužitelja Federacije Bosne i Hercegovine, Udruženjem tužilaca Republike Srpske, Advokatskom komorom Federacije Bosne i Hercegovine, Advokatskom komorom Republike Srpske, Pravosudnom komisijom Brčko distrikta Bosne i Hercegovine i Ministarstvom pravde Bosne i Hercegovine, u saradnji sa Uredom Vijeća Evrope u Sarajevu kroz projekat "Jačanje pristupa pravdi i efikasnim pravnim lijekovima za žrtve trgovine ljudima u Bosni i Hercegovini" u saradnji sa Ministarstvom sigurnosti Bosne i Hercegovine, sa Resursnim centrom za okoliš (REC) u okviru projekta “FUTURE”, uz podršku CRDF Global-a, u saradnji sa Uredom visokog komesara Ujedinjenih naroda za ljudska prava (OHCHR), Projekat unapređenje rada na predmetima ratnih zločina VSTV BiH, USAID-ovim Projektom Vijeća Evrope, GIZ-ovim Projektom EU4FAST, UNDP-em, TRIAL FAZUOI, te u okviru projekta Vijeća Evrope „Suzbijanje korupcije, pranja novca i finansiranja terorizma u Bosni i Hercegovini“.

Obaveza svakog tužioca, prema entitetskim zakonima o centrima za edukaciju, je provođenje minimalne edukacije od tri dana godišnje.

Tokom 2025. godine, neke obuke su realizovane online, putem različitih komunikacijskih platformi. U posmatranom periodu, tužioci su se, pored pohađanja obaveznih zakonom propisanih seminara, aktivno uključili i u ostale procese edukacije tužilaca, a isto tako su bili angažovani i kao edukatori, predavači, panelisti i moderatori, te su prenosili svoja znanja i iskustva učesnicima seminara.

Tužioci su, u periodu obuhvaćenom ovom informacijom, svoje znanje proširivali na seminarima, specijalističkim obukama i konferencijama na sljedeće teme:



- ✓ Azil i ljudska prava: Aktuelna praksa Evropskog suda za ljudska prava i Suda Evropske unije
- ✓ Specijalistička edukacija iz oblasti korupcije - dodatno usavršavanje
- ✓ Unapređenje postupanja u istrazi i procesuiranju slučajeva seksualnog nasilja
- ✓ Oduzimanje imovinske koristi i imovine stečene kriminalnim aktivnostima u svjetlu standarda domaće i komparativne sudske prakse
- ✓ Krivična djela protiv spolne slobode i morala s posebnim osvrtom na djela učinjena na štetu djece
- ✓ Digitalni dokazi i digitalna imovina u krivičnom postupku
- ✓ Tehnike istrage i suđenja u slučajevima finansijskog kriminala i pranja novca
- ✓ Prepoznavanje i procesuiranja nasilnog ekstremizma i terorizma
- ✓ Kaznena politika u predmetima ratnih zločina
- ✓ Sigurnost novinara i zaštita zvizdača – obuka za tužioce i osl
- ✓ Izazovi kod primjene Zakona o oduzimanju nezakonito stečene imovine krivičnim djelom Federacije Bosne i Hercegovine
- ✓ Rodno zasnovano nasilje za predstavnike agencija za provedbu zakona, sudije i tužioce
- ✓ Specialized Training Curriculum for Police Forces in Bosnia and Herzegovina: Combatting the Illicit Trafficking of Cultural Property Using Technology=Trgovina kulturnim dobrima na Zapadnom Balkanu
- ✓ Sudijski i tužilački integritet i disciplinska praksa
- ✓ Otkrivanje i procesuiranju krivičnih djela u vezi sa neovlašćenom proizvodnjom, prometom i držanjem oružja, dijelova i komponenti, municije i eksplozivnih materija
- ✓ Primjena propisa u oblasti nasilja u porodici
- ✓ Međunarodna saradnja u krivičnim predmetima – MLA i ekstradicija sa trećim državama
- ✓ Ljudska prava LGBT osoba u BiH i pravni mehanizmi njihove zaštite
- ✓ Prezentacija zakonskih rješenja i sudske prakse u BiH-neovlašteni promet oružjem i vojnom opremom te proizvodima dvojne namjene
- ✓ Digitalne istrage u slučajevima trgovine ljudima i krijumčarenja migranata
- ✓ Sloboda izražavanja u digitalnom svijetu
- ✓ XXIII savjetovanje iz krivične oblasti
- ✓ Terorizam i borba protiv terorizma
- ✓ Trgovina ljudima – simulacija suđenja u slučaju radne eksploatacije
- ✓ Odnos između evropskog prava i domaćeg prava BiH
- ✓ Prijedlog za određivanje ili produženje pritvora i Odlučivanje o optužnici
- ✓ Pristup pravdi u zaštiti okoliša - Alati i mehanizmi Aarhuske konvencije
- ✓ Prevažilaženje razlika, izgradnja povjerenja – Jačanje digitalne otpornosti i kapaciteta za cyber sigurnost u pravosudnom sektoru Bosne i Hercegovine
- ✓ Ratni zločin protiv civilnog stanovništva
- ✓ Procesuiranje krivičnih djela počinjenih iz mržnje i govora mržnje
- ✓ Pravosuđe i sloboda izražavanja u sudnici
- ✓ XVIII savjetovanje tužilaca u Bosni i Hercegovini
- ✓ Praktična obuka za sudije i tužioce – finansijske istrage i oduzimanje imovine
- ✓ Krivično djelo pranje novca i Odgovornost pravnih osoba za krivična djela i Izvršenje krivičnog djela u sastavu kriminalnog udruženja
- ✓ Tehnike rješavanja stresnih situacija u radu
- ✓ Korištenje Sky i Anom aplikacije kao dokaza u krivičnom postupku
- ✓ Aktuelna praksa Ustavnog suda BiH po apelacijama iz krivične i građanske oblasti
- ✓ Osnovna komplementarna znanja: Teorija lanaca indirektnih poreza i PDV, Posebne karakteristike u procesuiranju krivičnog djela pranja novca i Finansijske istrage
- ✓ Upravljanje predmetima ratnih zločina – Izazovi i perspektive
- ✓ Izazovi u postupanju tužilaštava prema noveliranom Krivičnom zakonu FBiH i Zakonu o zaštiti od nasilja u porodici i nasilja prema ženama
- ✓ Praksa Vrhovnog suda FBiH iz oblasti krivičnog prava
- ✓ Zakon o javnim nabavkama
- ✓ Izazivanje nacionalne, rasne i vjerske mržnje, razdora i netrpeljivosti
- ✓ Obuka za sudije i tužioce - Razumijevanje finansiranja terorizma
- ✓ Radionica o praksama postupanja u slučajevima seksualnog nasilja u Bosni i Hercegovini

Početna obuka stručnih saradnika i stručnih savjetnika se provodi u skladu s trogodišnjim planom i programom obuke usvojenim od strane Visokog sudskog i tužilačkog vijeća Bosne i Hercegovine za lica koja se namjeravaju baviti profesijom sudije ili tužioca. Ovaj program predviđa provođenje obuke kroz četiri modula na godišnjem nivou, što u trogodišnjem periodu znači da će stručnim saradnicima biti pružena obuka iz 12 Modula. U 2025. godini je provedena početna obuka za prvu generaciju polaznika 2025/2027 (Moduli I-IV), drugu generaciju polaznika 2024/2026 (Moduli I-IV) i za treću generaciju 2023/2025 (Moduli I-IV).



Početnom obukom obuhvaćene su sljedeće oblasti:

1 godina: Modul 1 - Nosioци pravosudne funkcije i društvo; Modul 2 – Građanska oblast

Modul 3 - Krivična oblast; Modul 4 - Izvršna i vanparnična oblast

2 godina: Modul 1 – Evropska konvencija i ravnopravnost spolova; Modul 2 – Građanska oblast;

Modul 3 – Krivična oblast; Modul 4 - Izvršna i upravna oblast

3 godina: Modul 1 - Građanska oblast; Modul 2 - Krivična oblast; Modul 3 - Alternativno rješavanje sporova, medijacija i arbitraža; Modul 4 - Nosioци pravosudnih funkcija i društvo

6.6. Finansijski izvještaj

Odobreni budžet Tužilaštva BiH za 2025. godinu iznosi 22.388.000 KM, čiju strukturu čini - neposredna potrošnja u iznosu od 22.301.000 KM i sredstva namijenjena za rad Udarne grupe za borbu protiv trgovine ljudima i organizirane ilegalne imigracije u iznosu 80.000 KM, dok je 7.000 KM odobreno kao planirani primitak od prodaje motornih vozila, ali nije raspoloživ imajući u vidu da je budžet za 2025. godinu usvojen krajem novembra 2025. godine te da smo imali isuviše kratak rok da bi se ispoštovala procedura prodaje vozila.

Pored navedenog iznosa, u skladu sa Odlukom o odobravanju sredstava tekuće rezerve (SM BiH broj 162/25), Tužilaštvu BiH su odobrena sredstva tekuće rezerve za isplatu jednokratne novčane pomoći zaposlenim u institucijama BiH u iznosu od 367.966,21 KM i to na poziciji naknade troškova zaposlenih (6112).

Na ime uplate od premije osiguranja motornih vozila Tužilaštva BiH na JRT je uplaćen iznos od 2.068,75 KM koji je stavljen na raspolaganje Tužilaštvu BiH na način da je došlo do povećanja iznosa raspoloživih sredstava na poziciji 6137 – izdaci za tekuće održavanje, na ime tekućeg održavanja motornih vozila.

Imajući u vidu prethodno navedeno, Tužilaštvu BiH je tokom 2025. godine bilo ukupno raspoloživo 22.751.034,96 KM, odnosno 22.381.000 KM odobreni budžet za 2025. godinu, 2.068,75 KM premije osiguranja motornih vozila i 367.966,21 KM po osnovu navedene Odluke o odobravanju sredstava tekuće rezerve za isplatu jednokratne novčane pomoći zaposlenim u institucijama Bosne i Hercegovine.

Ukupni rashodi Tužilaštva BiH za 2025. godinu iznose 21.665.629 KM. Od toga je 21.586.480 KM potrošeno u okviru neposredne potrošnje, a izvršenje na Udarnoj grupi za borbu protiv trgovine ljudima i organizirane ilegalne imigracije iznosi 79.149 KM.

Cijeneći prethodno navedeno, uz činjenicu da su procedure planiranja i praćenja izvršenja budžeta ispoštovane u potpunosti, primijenjene su interne finansijske kontrole iz ove oblasti, te se u postupku planiranja vodilo principima odgovornosti, profesionalnosti i maksimalne racionalizacije, pri čemu prikazana potrošnja sredstava u periodu 01.01 – 31.12.2025. godine predstavlja krajnje restriktivno, stvarno stanje i realne potrebe za neometan rad Tužilaštva BiH.

6.6.1. Projekat „Unapređenje rada na predmetima ratnih zločina - IPA 2022“

Od strane Delegacije Evropske unije u BiH u 2024. godini Tužilaštvu BiH su odobrena sredstva u vidu podrške pravosuđu u rješavanju predmeta ratnih zločina, u svrhu realizacije projekta



„Unapređenje rada na predmetima ratnih zločina u BiH - IPA 2022“. Početak implementacije projekta je 01.01.2024. godine.

Imajući u vidu prethodno navedeno, ukupan iznos raspoloživih sredstava po projektu „Unapređenje rada na predmetima ratnih zločina - IPA 2022“ u 2025. godini iznosi 342.623,39 KM, od čega je u 2025. godini realizovano ukupno 317.570,77 KM. Sredstva su trošena po planiranoj dinamici, kako su i predviđena za isplatu bruto plata i naknada troškova zaposlenih za 5 zaposlenika.



DRUGI DIO - INFORMACIJA O STANJU KRIMINALITETA U BIH


1. STANJE KRIMINALITETA U NADLEŽNOSTI TUŽILAŠTVA BIH (POZNATI POČINIOCI KRIVIČNIH DJELA - KT)

Tužilaštvo Bosne i Hercegovine je na početku izvještajnog perioda imalo ukupno u radu 3461 svih vrsta predmeta koji su preneseni iz prethodnog perioda, u toku 2025. godine zaprimljena su 1823 predmeta, ukupno u radu bila su 5284 predmeta, riješena su 2032 predmeta, tako da su na kraju izvještajnog perioda ostala neriješena 3252 predmeta.

➤ *Tabelarni pregled rezultata rada u odnosu na sve vrste predmeta*

Godina	Preneseno predmeta iz prethodnog perioda	Zaprimljeno predmeta	Ukupno u radu	Riješeno predmeta	Ostalo neriješeno predmeta na kraju izvještajnog perioda
2020	4645	1831	6476	1804	4672
2021	4672	1840	6512	2178	4334
2022	4334	2037	6371	2201	4170
2023	4170	1790	5960	2192	3768
2024	3768	1783	5551	2090	3461
2025	3461	1823	5284	2032	3252 ²⁴

➤ *Grafički pregled rezultata rada u odnosu na sve vrste predmeta*



Grafikon 18.

Na osnovu navedenih statističkih podataka može se izvesti zaključak da je u posljednjih nekoliko godina prisutan trend povećanja broja riješenih predmeta, odnosno smanjenja ukupnog broja predmeta u Tužilaštvu BiH. Dakle, u posmatranom periodu od šest godina došlo je do smanjenja broja predmeta za 1420 ili za oko 30,39%. Također, u toku 2025. godine u odnosu na 2024. godinu došlo je do smanjenja broja predmeta za 209 ili oko 6,03%. Iz prikazanog tabelarnog pregleda vidljivo je da je u analiziranom periodu bio približno isti broj zaprimljenih predmeta u svim analiziranim godinama, što sve zajedno ukazuje da je Tužilaštvo BiH u značajnoj mjeri povećalo aktivnosti na rješavanju predmeta koji su ostali neriješeni u prethodnom periodu, uz istovremeno rješavanje godišnjeg priliva predmeta.

²⁴ Podaci preuzeti iz TCMS i SIPO sistema dana 16.01.2026. godine.



1.1. Rezultati rada u izvještajnom periodu u odnosu na prijave

Tužilaštvo Bosne i Hercegovine je na početku izvještajnog perioda imalo u radu 859 prijava protiv 4140 lica koje su prenesene iz prethodnog perioda, u toku izvještajnog perioda zaprimljeno je 595 prijava protiv 1662 lica, tako da su tokom 2025. godine ukupno u radu bile 1454 prijave protiv 5802 lica, tokom izvještajnog perioda riješene su 602 prijave protiv 1881 lica, tako da su na kraju izvještajnog perioda ostale neriješene 852 prijave protiv 3921 lica.

➤ *Tabelarni pregled rezultata rada u odnosu na prijave u KT i KTRZ predmetima*

<i>Prijave – KT i KTRZ predmeti</i>	<i>Predmeti</i>		<i>Lica</i>	
	2025	2024	2025	2024
Prenesene prijave iz ranijih godina	859	822	4140	4379
Zaprimljene prijave u toku 2025. godine	595	659	1662	1939
Ukupno prijava u radu	1454	1481	5802	6318
Broj naredbi o sprovođenju istrage	273	271	766	986
Broj naredbi o sprovođenju istrage	185	225	537	637
Prijave riješene na drugi način	144	126	578	555
Ukupno riješeno prijava	602	622	1881	2178
Neriješene prijave na kraju izvještajnog perioda	852	859	3921	4140

Na osnovu navedenih statističkih podataka može se izvesti zaključak da su tokom 2025. godine zaprimljene 64 prijave ili oko 9,71% manje u odnosu na prethodnu godinu, da je riješeno 20 ili 3,22% prijava manje u odnosu na prethodnu godinu, odnosno smanjen broj naredbi o sprovođenju istrage za 18 ili oko 17,77%, da je povećan broj naredbi o nesprovođenju istrage za 2 ili 0,73% i da je riješeno prijava na drugi način 18 ili 14,28% više u odnosu na prethodnu godinu.

1.2. Rezultati rada u izvještajnom periodu u odnosu na istrage

Tužilaštvo Bosne i Hercegovine je na početku izvještajnog perioda imalo u radu 295 istraga u odnosu na 1692 lica koje su prenesene iz prethodnih godina, u toku izvještaja naređeno je 185 istraga u odnosu na 537 lica, tako da je tokom 2025. godine ukupno u radu bilo 480 istraga u odnosu na 2229 lica, tokom izvještajnog perioda riješeno je 219 istraga u odnosu na 859 lica, tako da je na kraju izvještajnog perioda ostala neriješena 261 istraga u odnosu na 1370 lica.

➤ *Tabelarni pregled rezultata rada u odnosu na istrage u KT i KTRZ predmetima*

<i>Istrage – KT i KTRZ predmeti</i>	<i>Predmeti</i>		<i>Lica</i>	
	2025	2024	2025	2024
Prenesene istrage iz ranijih godina	295	316	1692	1813
Naređeno istraga u toku izvještajnog perioda	185	225	537	637
Ukupno istraga u radu	480	541	2229	2450
Broj naredbi o obustavi istrage	63	70	260	311
Broj podignutih optužnica	138	162	296	335
Istrage riješene na drugi način	18	14	303	112
Ukupno riješeno istraga	219	246	859	758
Neriješene istrage na kraju izvještajnog perioda	261	295	1370	1692

Iz navedenog tabelarnog pregleda vidljivo je da je tokom 2025. godine došlo do smanjenja broja naređenih istraga za 40 ili oko 17,77%, da je riješeno 27 ili oko 10,97% istraga manje u odnosu na prethodnu godinu, te da je na kraju izvještajnog perioda ostalo neriješenih 34 ili za oko 11,52% istraga manje u odnosu na prethodnu godinu.



1.3. Vrste procesnih odluka u odnosu na prijave i istrage

U izvještajnom periodu Tužilaštvo Bosne i Hercegovine je u fazi prijave i istrage riješilo ukupno 822 predmeta u kojima su donesene različite vrste procesnih odluka u odnosu na 2742 lica.

1.3.1. Vrste procesnih odluka u fazi prijave

Tužilaštvo BiH je u 2025. godini u fazi prijave riješilo 602 predmeta u odnosu na 1881 lice, odnosno u 273 predmeta protiv 766 lica donesene su naredbe o nesprovođenju istrage, u 185 predmeta protiv 537 lica naredbe o sprovođenju istrage, dok su 144 predmeta protiv 578 lica riješena na drugi način.

➤ *Tabelarni pregled vrste procesnih odluka u KT i KTRZ predmetima u fazi prijave*

Vrsta procesnih odluka u KT ²⁵ predmetima u fazi rješavanja prijave	Predmeti	Lica
	2025	2025
Broj naredbi o nesprovođenju istrage	273	766
Broj naredbi o sprovođenju istrage	185	537
Riješeno na drugi način	144	578
Ukupno	602	1881

Na osnovu navedenih podataka može se zaključiti da je u 2025. godini u odnosu na ukupan broj riješenih predmeta u fazi prijave 602, odnosno vrste procesnih odluka, doneseno 185 ili 30,73% naredbi o sprovođenju istrage, 273 ili oko 45,34% naredbi o nesprovođenju istrage, te da je 144 ili 23,92% prijave riješeno na drugi način.

1.3.2. Vrste procesnih odluka u fazi istrage

Tužilaštvo BiH je u 2025. godini u fazi istrage riješilo 219 predmeta u odnosu na 859 lica, odnosno u 63 predmeta protiv 260 lica donesene su naredbe o obustavi istrage, podignuto je 138 optužnica protiv 296 lica, dok je 18 predmeta protiv 303 lica riješeno na drugi način.

➤ *Tabelarni pregled vrste procesnih odluka u KT i KTRZ predmetima u fazi istrage*

Vrsta procesnih odluka u KT i KTRZ predmetima u fazi istrage	Predmeti	Lica
	2025	2025
Broj naredbi o obustavi istrage	63	260
Broj podignutih optužnica	138	296
Riješeno na drugi način	18	303
Ukupno	219	859

Na osnovu navedenih podataka može se zaključiti da je u 2025. godini u fazi istrage riješeno 219 predmeta, te da strukturu procesnih odluka čine: 63 ili oko 28,76% naredbe o obustavljanju istrage, 138 ili oko 63% optužnice, 18 ili oko 8,21% istrage koje su riješene na drugi način.

1.4. Rezultati rada u izvještajnom periodu u odnosu na optužnice

Tužilaštvo Bosne i Hercegovine je u izvještajnom periodu imalo ukupno u radu 162 optužnice protiv 359 lica, od toga su 24 optužnice protiv 63 lica prenesene iz ranijeg perioda u kojima do 01.01.2025.



godine nije donesena odluka Suda BiH o potvrđivanju ili odbijanju optužnice, u 2025. godini podignuto je ukupno 138 optužnica protiv 296 lica. U navedenom periodu potvrđena je 131 optužnica protiv 264 lica, odbijene su 2 optužnice protiv 3 lica, dok za 27 optužnica protiv 89 lica do 31.12.2025. godine nije donesena odluka Suda BiH o potvrđivanju ili odbijanju optužnice, u izvještajnom periodu povučene su 2 optužnice protiv 3 lica.

➤ *Tabelarni pregled vrste procesnih odluka u KT i KTRZ predmetima u odnosu na optužnice*

<i>Podignute optužnice u KT i KTRZ predmetima</i>	<i>Predmeti</i>		<i>Lica</i>	
	2025	2024	2025	2024
Broj optužnica podignutih prije izvještajnog perioda, u kojima do 01.01.2025. godine nije bila donesena odluka o potvrđivanju ili odbijanju potvrđivanja	24	15	63	47
Ukupno broj podignutih optužnica	138	162	296	335
Ukupno broj optužnica u radu	162	177	359	382
Ukupno broj potvrđenih optužnica u toku izvještajnog perioda	131	152	264	316
Broj optužnica čije je potvrđivanje odbijeno	2	2	3	2
Broj optužnica podignutih u toku izvještajnog perioda, u kojima sa 31.12.2025. godine nije donesena odluka o potvrđivanju ili odbijanju potvrđivanja	27	23	89	64
Broj optužnica koje su povučene prije donošenja odluke o potvrđivanju	2	0	3	0
Broj optužnica riješenih na drugi način	0	0	0	0

Bez obzira na činjenicu da je došlo do blagog smanjenja broja podignutih optužnica u kvantitativnom smislu, na osnovu analize podignutih optužnica može se zaključiti da je kvalitet podignutih optužnica poboljšán, posebno imajući u vidu predloženo trajno oduzimanje imovinske koristi. Tokom 2025. godine predloženo je trajno oduzimanje protivpravno pribavljene imovinske koristi u iznosu od 28.852.146,00 KM, odnosno za 22.754.832 KM više u odnosu na 2024. godinu, što neposredno potvrđuje da je kvalitet optužnica koje su podignute u izvještajnom periodu znatno bolji u odnosu na prethodnu godinu.

Pored navedenog, jedan od objektivnih razloga koji je uticao na smanjenje broja optužnica je činjenica da je došlo do neplaniranog prestanka rada 5 tužilaca, planiranog odlaska u penziju 2 tužioca i dužeg bolovanja 2 tužioca. Međutim, pored prestanka rada većeg broja tužilaca rezultati Tužilaštva BiH u pogledu kolektivne norme znatno su bolji u odnosu na prethodnu godinu, odnosno prosjek podignutih optužnica po tužiocu znatno je bolji u odnosu na 2024. godinu.

Tokom 2023. godine u Odjelu I definisani su prioriteti od 26 predmeta koji su nastali spajanjem 40 predmeta kojima su obuhvaćeni isti događaji ili osumnjičena lica, nakon čega su od strane glavnog tužioca donesena obavezujuća uputstva tužiocima za donošenje tužilačkih odluka u tim predmetima, uz istovremeno obezbjeđivanje potrebnih ljudskih i materijalnih resursa. Također, formiran je veći broj tužilačkih timova, što je rezultiralo podizanjem složenih optužnica kojima su obuhvaćeni događaji u kojima je smrtno stradao veći broj lica.

Pozitivna praksa u pogledu rješavanja ove vrste predmeta i podizanja kvaliteta optužnica u odnosu na kvantitet bit će nastavljena i u 2026. godini, bez obzira na činjenicu da će predmetni način rada za posljedicu imati smanjen broj podignutih optužnica.

Također, razlozi koji su neposredno uticali na smanjenje broja podignutih optužnica u 2025. godini, a samim tim i na smanjenje broja riješenih istraga, vezuju se i za činjenicu da je na kolegiju tužilaca Tužilaštva Bosne i Hercegovine, koji je održán 24.11.2021. godine, sa ciljem poboljšanja kvaliteta podignutih optužnica donesen zaključak po pitanju imovinskog cenzusa za krivično djelo Nedožvoljen promet akciznih proizvoda iz člana 210a. i krivično djelo Nedožvoljeno skladištenje robe iz člana 210b. Predmetnim zaključkom je definisano da se, u skladu sa poreskim propisima BiH



i sudskom praksom, neće smatrati krivičnim djelom stavljanje u promet proizvoda koji nisu obilježeni kontrolnim i poreskim markicama, niti skladištenje akcizne robe u prostoriji koja nije registrovana za tu namjenu, ako se radi o količini do 100 kg duhana, odnosno 250 šteka cigareta ili zajedno (duhana i cigareta), čija ukupna vrijednost ne prelazi 10.000,00 KM, odnosno da je u tim slučajevima Uprava za indirektno oporezivanje dužna pokretati prekršajne postupke.

1.5. Donesene prvostepene, drugostepene presude i druge sudske odluke u izvještajnom periodu u Odjelu I i Odjelu II

Tokom izvještajnog perioda po optužnicama Odjela I i Odjela II donesena je ukupno 121 prvostepena presuda za 206 lica, te 1 rješenje o obustavi postupka u odnosu na 1 lice zbog nastupanja apsolutne zastare u toku vođenja postupka i 1 rješenje o obustavi postupka u odnosu na 2 lica iz razloga nastupanja smrti u toku vođenja krivičnog postupka.

Ukupan broj osuđujućih prvostepenih presuda je 118 protiv 195 lica, od toga su u 56 presuda za 79 lica izrečene zatvorske kazne, 60 presuda protiv 105 lica uslovne osude i u 1 presudi protiv 10 lica izrečene su novčane kazne. Također, donesena je 1 osuđujuća presuda za 1 lice koje je izvršilo krivično djelo u stanju neuračunljivosti.

Ukupan broj prvostepenih oslobađajućih presuda je 3 u odnosu na 10 optuženih lica. U izvještajnom periodu u odnosu na 1 lice donesena je odbijajuća presuda iz razloga što se Sud BiH oglašio nenadležnim.

U navedenom periodu uložene su 33 žalbe protiv 60 lica, od toga je uvaženo 7 žalbi protiv 15 lica, dok je odbijeno 19 žalbi protiv 41 lica, tako da je ostalo neriješeno 9 žalbi protiv 12 lica.

Tokom 2025. godine, po optužnicama ovog Tužilaštva, Sud BiH donio je 140 pravosnažnih presuda protiv 245 lica, te 1 rješenje o obustavi postupka u odnosu na 1 lice zbog nastupanja apsolutne zastare u toku vođenja postupka i 1 rješenje o obustavi postupka u odnosu na 2 lica iz razloga nastupanja smrti u toku vođenja krivičnog postupka. U izvještajnom periodu doneseno je: 130 osuđujućih presuda protiv 224 lica, 7 oslobađajućih presuda protiv 18 lica i 3 odbijajuće presude protiv 3 lica.

U izvještajnom periodu Sudu BiH predloženo je 96 sporazuma o priznanju krivice za 168 lica, od kojih je Sud BiH prihvatio 82 sporazuma za 141 lice. Sud BiH do kraja 2025. godine nije donio odluku za predloženih 14 sporazuma protiv 27 lica.

Po optužnicama ovog Tužilaštva, u izvještajnom periodu ukupno je pravosnažnim presudama izrečena 271 godina i 1 mjesec i novčane kazne u ukupnom iznosu od 1.206.900,00 KM.

2. STANJE KRIMINALITETA U NADLEŽNOSTI TUŽILAŠTAVA U FBIH (POZNATI POČINIOCI KRIVIČNIH DJELA - KT)

Federalno tužilaštvo Federacije Bosne i Hercegovine je samostalan državni organ koji svoj rad zasniva na načelima nezavisnosti i nepristrasnosti u odnosu na sve učesnike u krivičnom postupku, kao i sve državne i druge organe javne vlasti. Nadležnost i ovlaštenja, organizacija i rad, sredstva za rad i druga pitanja utvrđena su Zakonom o Federalnom tužilaštvu Federacije Bosne i Hercegovine ("Službene novine FBiH", broj: 42/02 i 19/03).



Stanje kriminaliteta u tužilaštvima FBiH u odnosu na poznate počinioce krivičnih djela prikazano je kroz obradu statističkih podataka koji se odnose na prijave, istrage, podignute optužnice i izrečene presude.

➤ *Tabelarni pregled procesnih odluka u kantonalnim tužilaštvima Federacije BiH*

Godina	Zaprimljene prijave		Naredbe o nesprovođenju istrage		Naredbe o sprovođenju istrage		Riješeno na drugi način u fazi prijave		Naredbe o obustavi istrage		Podignute optužnice		Riješeno na drugi način u fazi istrage		Osuđujuće pravosnažne presude		Oslobađajuće i odbijajuće pravosnažne presude	
	pred.	lica	pred.	lica	pred.	lica	pred.	lica	pred.	lica	pred.	lica	pred.	lica	pred.	lica	pred.	lica
2021	13465	19180	4216	6754	8726	11256	394	786	1343	2184	7494	8767	139	463	8130	8729	591	714
2022	13396	18742	4082	6885	8207	10236	428	903	1176	1810	6656	7865	144	370	6014	6500	275	343
2023	13077	17940	3640	6608	8011	9753	422	817	1136	1778	6828	7980	135	375	5883	6251	330	411
2024	14237	19119	4079	6829	8354	9839	1003	1701	1181	1681	6895	7808	247	490	5648	5942	339	428
2025	15405	20191	3812	6193	8566	10045	1529	2925	1258	1628	7136	8088	277	993	5423	5622	309	364

Prema dostavljenim izvještajima iz ovog tužilaštva, u odnosu na poznate počinioce u 2025. godini, kantonalna tužilaštva u FBiH ukupno u radu su imala 24.187 prijava protiv 32.953 lica. Od ovog broja u 2025. godini, zaprimljeno je 15.405 prijava protiv 20.191 lica, dok su iz ranijih godina prenesene u rad 8.782 prijave protiv 12.762 lica. U 2025. godini riješeno je 14.211 prijava protiv 19.522 lica, dok je na kraju izvještajnog perioda u radu ostalo 9.965 prijava protiv 13.398 lica.

Kantonalna tužilaštva u FBiH su u izvještajnom periodu ukupno imala istraga u 10.621 predmetu protiv 13.357 lica. Od ovog broja, tokom 2025. godine riješeno je istraga u 8.663 predmeta protiv 10.701 lica, dok je ostalo neriješenih istraga u 1.958 predmeta protiv 2.656 lica.

U fazi rješavanja prijave, naredbi o nesprovođenju istraga doneseno je u 3.812 predmeta protiv 6.193 lica, naredbi o sprovođenju istraga doneseno je u 8.566 predmeta protiv 10.045 lica. Na drugi način riješeno je 1.529 prijava u odnosu na 2.925 lica.

U riješenim istragama u 1.258 predmeta donesene su naredbe o obustavi istraga protiv 1.628 lica, te je na drugi način riješeno istraga u 277 predmeta u odnosu na 993 lica. U izvještajnom periodu u kantonalnim tužilaštvima u FBiH podignuto je 7.136 optužnica protiv 8.088 lica.

Po optužnicama kantonalnih tužilaštava, općinski sudovi i kantonalni sudovi u FBiH su u 2025. godini donijeli pravosnažnih odluka u odnosu na 5.691 predmet protiv 5.947 lica, te je izrečeno osuđujućih presuda u 5.423 predmeta protiv 5.622 lica, dok je bilo 256 oslobađajućih presuda za 304 lica i 53 odbijajuće presude protiv 60 lica. Sudovi su rješenjem obustavili krivični postupak u 22 predmeta protiv 25 lica. U izvještajnom periodu u 1 predmetu protiv 1 lica izrečena je kazna maloljetničkog zatvora, doneseno je 46 utvrđujućih presuda u odnosu na 46 lica, zbog izvršenog krivičnog djela u stanju neuračunljivosti.



2.1. Federalno tužilaštvo Federacije BiH

Kada je u pitanju nadležnost i rad, konkretno Federalnog tužilaštva FBiH, u toku 2025. godine Federalno tužilaštvo je u postupku po žalbama kao redovnim pravnim lijekovima izjavljenim na prvostepene presude kantonalnih sudova zaprimilo 273 predmeta protiv 398 lica, koji su riješeni, tako da na kraju izvještajnog perioda nema neriješenih predmeta ove vrste.

Federalno tužilaštvo FBiH, je u toku 2025. godine u postupcima u kojima su uvažene žalbe i ukinute prvostepene odluke kantonalnih sudova i otvorenim pretresima iz prethodnog perioda imalo neriješena 2 predmeta u odnosu na 2 lica, u toku izvještajnog perioda zaprimljeno je 18 predmeta u odnosu na 37 lica, ukupno u radu bilo je 20 predmeta u odnosu na 39 lica, riješeno je 16 predmeta u odnosu na 34 lica, tako da su na kraju izvještajnog perioda ostala neriješena 4 predmeta u odnosu na 5 lica. U navedenim predmetima tužioci Federalnog tužilaštva FBiH su zastupali predmete na 66 održanih pretresa.

U postupcima po žalbama kao redovnim pravnim lijekovima izjavljenim na odluke drugostepenog suda Federalno tužilaštvo FBiH je u toku izvještajnog perioda zaprimilo 17 predmeta u odnosu na 26 lica koji su riješeni tokom 2025. godine, tako da na kraju izvještajnog perioda nema neriješenih predmeta. U navedenim predmetima tužioci Federalnog tužilaštva FBiH su učestvovali na 11 održanih javnih sjednica.

U odnosu na krivične predmete u kojima je izjavljen vanredni pravni lijek ponavljanje krivičnog postupka Federalno tužilaštvo FBiH je u toku izvještajnog perioda zaprimilo 16 predmeta u odnosu na 16 lica koji su riješeni tokom 2025. godine, tako da na kraju izvještajnog perioda nema neriješenih predmeta.

Tokom 2025. godine po pritužbama na odluke Posebnog odjela Federalnog tužilaštva FBiH, primljeno je 16 predmeta, od kojih je riješeno 12, tako da su na kraju izvještajnog perioda ostala neriješena 4 predmeta.

Tokom 2025. godnine nije bilo postupaka u odnosu na zahtjev za zaštitu zakonitosti, međunarodnu pravnu pomoć i postupaka u građanskoj oblasti. U pogledu postupaka po vanrednim pravnim lijekovima koji se odnose na upravnu i prekršajnu oblast zaprimljeno je 8 predmeta koji su riješeni u toku izvještajnog perioda. Pored navedenog, zaprimljena su 4 predmeta sa oznakom tajnosti „povjerljivo“ i „interno“ koji su riješeni u toku izvještajnog perioda.

U pogledu drugih vrsta predmeta (KTA) Federalno tužilaštvo FBiH je iz prethodnog perioda imalo u radu 33 predmeta, tokom izvještajnog perioda zaprimljena su 1184 predmeta, ukupno u radu je bilo 1217 predmeta, od čega je riješeno 1198 predmeta, tako da je na kraju izvještajnog perioda ostalo neriješeno 19 predmeta.

Pored navedenog, Federalno tužilaštvo FBiH je tokom 2025. godine zaprimilo 1105 administrativnih predmeta koji su riješeni u izvještajnom periodu.

2.2. Poseban odjel za suzbijanje organiziranog kriminala, korupcije i međukantonalnog kriminala

Poseban odjel za suzbijanje organiziranog kriminala, korupcije i međukantonalnog kriminala je nakon formiranja preuzeo 117 predmeta koji su preneseni iz drugih tužilaštava. Tokom 2025. godine



zaprimito je 140 predmeta, tako da je ukupno u radu bilo 257 predmeta. Tokom izvještajnog perioda riješeno je 35 predmeta, na način da je doneseno 13 naredbi o nesprovođenju istrage i 22 naredbe o sprovođenju istrage, tako da su na kraju izvještajnog perioda ostala neriješena 222 predmeta.

Poseban odjel za suzbijanje organiziranog kriminala, korupcije i međukantonalnog kriminala je na početku izvještajnog perioda imao u radu 28 istraga u toku izvještajnog perioda, naređene su 22 istrage, tako da je ukupno u radu bilo 50 istraga. Tokom izvještajnog perioda riješeno je 15 istraga, na način da je podignuto 8 optužnica, donesene 3 naredbe o obustavi istrage i 4 riješene na drugi način, na kraju izvještajnog perioda ostalo je neriješeno 35 istraga.

Pored navedenog, Poseban odjel za suzbijanje organiziranog kriminala, korupcije i međukantonalnog kriminala zaprimio je 721 KTN i KTA predmet, od kojih je riješeno 149 predmeta na način da je doneseno 30 naredbi o nesprovođenju istrage, dok je 119 predmeta riješeno na drugi način, na kraju izvještajnog perioda ostala su neriješena 572 KTA i KTN predmeta.

3. STANJE KRIMINALITETA U NADLEŽNOSTI TUŽILAŠTAVA U REPUBLICI SRPSKOJ (POZNATI POČINIOCI KRIVIČNIH DJELA - KT)

Organizaciona struktura tužilaštava u Republici Srpskoj propisana je Zakonom o javnim tužilaštvima Republike Srpske ("Službeni glasnik RS", broj: 69/2016, 48/2024). Navedenim Zakonom propisano je da tužilaštva u Republici Srpskoj čine Republičko javno tužilaštvo, te šest okružnih javnih tužilaštava. Republičko javno tužilaštvo RS je najviše javno tužilaštvo, a kojem su podređena sva ostala javna tužilaštva. Prema Zakonu o javnim tužilaštvima, javna tužilaštva su samostalni državni organi koji vrše poslove otkrivanja i gonjenja učinilaca krivičnih djela i ulažu pravne lijekove radi zaštite zakonitosti. Tužilaštva svoju funkciju vrše na osnovu Ustava i zakona po principima samostalnosti, nepristrasnosti i javnosti.

Stanje kriminaliteta koje je evidentirano od strane Republičkog javnog tužilaštva Republike Srpske u odnosu na poznate počinioce krivičnih djela prikazano je kroz obradu statističkih podataka koji se odnose na prijave, istrage, podignute optužnice i izrečene presude.

➤ *Tabelarni pregled procesnih odluka u tužilaštvima Republike Srpske*

Godina	Zaprimiteljne prijave		Naredbe o nesprovođenju istrage		Naredbe o sprovođenju istrage		Riješeno na drugi način u fazi prijave		Naredbe o obustavi istrage		Podignute optužnice		Riješeno na drugi način u fazi istrage		Osudujuće presude		Oslobađajuće i odbijajuće presude	
	pred.	lica	pred.	lica	pred.	lica	pred.	lica	pred.	lica	pred.	lica	pred.	lica	pred.	lica	pred.	lica
2021	7317	9648	1436	2086	5128	6298	330	656	1784	2214	3199	3751	79	205	2452	2763	197	225
2022	6954	9311	1477	2236	4445	5671	315	538	1460	1930	3141	3897	80	149	2437	2748	233	283
2023	7161	9227	1392	1968	4171	5135	304	595	1454	1915	2568	3039	60	108	2376	2633	266	358
2024	6427	8239	1655	2179	4196	5098	391	668	1359	1745	2868	3353	94	193	2079	2508	276	395
2025	6225	8020	1104	1648	4424	5303	484	712	1649	2011	2886	3400	96	185	2352	2578	318	471

Analizom dostavljenih izvještaja iz Republičkog javnog tužilaštva Republike Srpske utvrđeno je da su tokom 2025. godine ukupno u radu bile 12.942 prijave protiv 16.581 lica. Od ukupnog broja prijava, koje su bile u radu u tužilaštvima Republike Srpske, u protekloj godini riješeno je 6.012 prijava protiv 7.663 lica. Na kraju izvještajnog perioda ostalo je neriješeno 6.937 prijava protiv 8.918



lica. U izvještajnom periodu zaprimili su 6.225 prijave protiv 8.020 lica. Naredbi o nesprovedenju istraga bilo je 1.104 protiv 1.648 lica, doneseno je 4424 naredbi o sprovođenju istrage u odnosu na 5303 lica, te su na drugi način riješili 484 prijave protiv 712 lica.

U 2025. godini tužilaštva u Republici Srpskoj imala su ukupno 5.716 istraga protiv 7.114 lica, od čega su 1.292 neriješene istrage protiv 1.783 lica prenesene iz ranijih godina, dok su 4.424 istrage protiv 5.331 lica naređene u izvještajnom periodu. Ukupno je riješena 4.631 istraga protiv 5.595 lica, odnosno podignuto je 2.886 optužnica protiv 3.400 lica, doneseno je 1.649 naredbi o obustavi istrage protiv 2.011 lica, te su u 96 predmeta protiv 185 lica istrage riješene na drugi način. Na kraju izvještajnog perioda ostalo je neriješeno 1.085 istraga protiv 1.519 lica.

Postupajući po optužnicama tužilaštava, sudovi su u 2025. godini donijeli ukupno presuda u 2.649 predmeta protiv 3.033 lica, od kojih je osuđujućih u 2.352 predmeta za 2.578 lica, oslobađajućih u 282 predmeta za 331 lice i odbijajućih u 36 predmeta za 40 lica. Sudovi su izrekli zatvorske kazne u 544 predmeta za 596 lica, novčanu kaznu u 725 predmeta za 805 lica, te uslovnu osudu u 1088 predmeta za 1.181 lice. U 44 predmeta protiv 49 lica donesena je sudska odluka kojom su lica oslobođena kazne.

4. STANJE KRIMINALITETA U NADLEŽNOSTI TUŽILAŠTVA BRČKO DISTRIKTA (POZNATI POČINIOCI KRIVIČNIH DJELA - KT)

Tužilaštvo Brčko distrikta BiH je nadležno za područje Brčko distrikta. Opće nadležnosti Tužilaštva propisane su Zakonom o Tužilaštvu Brčko distrikta BiH (“Službeni glasnik Brčko distrikta BiH”, broj: 19/07), koji propisuje da je Tužilaštvo Distrikta samostalan i nezavisan organ koji u okviru Brčko distrikta Bosne i Hercegovine preuzima propisane mjere i radnje u otkrivanju i gonjenju počinitelja krivičnih djela i privrednih prestupa te vrši druge poslove određene zakonom. U okviru svojih nadležnosti Tužilaštvo Distrikta štiti ostvarivanje ljudskih prava i građanskih sloboda garantovanih Ustavom Bosne i Hercegovine i Statutom Brčko distrikta, kao i ostvarivanje prava i interesa pravnih lica utvrđenih zakonom, te obezbjeđuje statutarnost i zakonitost. Tužilaštvo Distrikta vrši svoju funkciju u skladu sa Ustavom Bosne i Hercegovine i Statutom Brčko distrikta, te na osnovu zakona Bosne i Hercegovine i Brčko distrikta.

Stanje kriminaliteta koje je evidentirano od strane Tužilaštva Brčko distrikta u odnosu na poznate počinioce krivičnih djela prikazano je kroz obradu statističkih podataka koji se odnose na prijave, istrage, podignute optužnice i izrečene presude.

➤ *Tabelarni pregled procesnih odluka u Tužilaštvu Brčko distrikta BiH*

Godina	Zaprimljene prijave		Naredbe o nesprovedenju istrage		Naredbe o sprovođenju istrage		Riješeno na drugi način u fazi prijave		Naredbe o obustavi istrage		Podignute optužnice		Riješeno na drugi način u fazi istrage		Osudjujuće pravosnažne presude		Oslobađajuće i odbijajuće pravosnažne presude	
	pred.	lica	pred.	lica	pred.	lica	pred.	lica	pred.	lica	pred.	lica	pred.	lica	pred.	lica	pred.	lica
2021	259	333	1	4	248	311	10	18	44	64	191	224	12	19	172	196	10	12
2022	283	344	1	1	280	335	1	7	30	43	196	218	5	16	185	217	10	19
2023	243	301	2	2	237	291	4	8	35	52	219	248	6	14	188	212	19	23
2024	279	357	0	0	269	337	0	0	45	67	208	250	24	38	161	176	23	35
2025	294	383	0	0	284	368	0	0	35	48	194	236	20	50	179	208	12	16



Analizom dostavljenog izvještaja Tužilaštva Brčko distrikta BiH utvrdilo se da su ukupno u radu tokom 2025. godine bile 294 prijave protiv 383 lica. Od ukupnog broja prijava, koje su bile u radu u protekloj godini, riješene su 294 prijave protiv 383 lica. U toku izvještajnog perioda riješene su sve prijave kako u pogledu predmeta, tako i u pogledu lica. U toku izvještajnog perioda doneseno je naredbi o sprovođenju istrage u 284 predmeta protiv 368 lica.

U Tužilaštvu Brčko distrikta, u 2025. godini, ukupno je bilo 390 istraga protiv 514 lica, s tim da je tokom 2025. godine riješeno 249 istraga protiv 334 lica, dok je ostala neriješena 141 istraga protiv 180 lica. Od ovog broja, u 35 predmeta protiv 48 lica donesene su naredbe o obustavi istrage. Na osnovu vođenih istraga, podignute su 194 optužnice protiv 236 lica, dok je na drugi način riješeno 20 istraga protiv 50 lica. U 2025. godini, nadležni sud je pravosnažno presudio u ukupno 191 predmetu protiv 224 optužena lica, te je izrečeno 179 osuđujućih presuda protiv 208 lica. Od ovog broja, u 77 predmeta protiv 90 lica određena je zatvorska kazna, u 67 predmeta protiv 80 lica uslovna osuda, u 33 predmeta za 36 lica određena novčana kazna, dok su u 2 predmeta protiv 2 lica izrečene osuđujuće presude u kojima su lica oslobođena kazne zbog neuračunljivosti. U 12 predmeta protiv 15 lica izrečene su oslobađajuće presude, te je u odnosu na 1 lice izrečena odbijajuća presuda.

5. UKUPNO STANJE KRIMINALITETA U ODNOSU NA KT PREDMETE U SVIM TUŽILAŠTVIMA U BIH


Ukupno stanje kriminaliteta sa tendencijama kretanja u BiH sagledano je kroz analizu statističkih podataka Tužilaštva BiH, Federalnog tužilaštva BiH, Republičkog javnog tužilaštva Republike Srpske i Tužilaštva Brčko distrikta.

➤ *Tabelarni pregled kriminaliteta u Bosni i Hercegovini*

Godina	Zaprimljene prijave		Naredbe o nesprovođenju istrage		Naredbe o sprovođenju istrage		Riješeno na drugi način		Naredbe o obustavi istrage		Podignute optužnice		Riješeno na drugi način		Osudjujuće presude		Oslobađajuće i odbijajuće presude	
	pred.	lica	pred.	lica	pred.	lica	pred.	lica	pred.	lica	pred.	lica	pr.	li.	pr.	li.	pr.	li.
2021	21592	30753	5881	9509	14392	18623	799	1743	3308	4833	11056	13076	239	792	10925	11960	812	983
2022	21196	30520	5839	10071	13142	17034	839	2016	2751	4150	10150	12261	240	601	8774	9701	532	700
2023	20826	29408	5304	9739	12376	15486	826	1928	2663	4100	9521	11318	206	639	8380	9121	603	801
2024	21603	29656	6004	9994	13031	15832	1525	2930	2655	3804	10133	11746	378	794	8016	8875	651	905
2025	22519	0256	5189	8607	13459	16253	2157	4215	3005	3947	10354	12020	411	1531	8084	8632	649	872




➤ *Trendovi broja zaprimljenih prijava u svim tužilaštvima u BiH*



Grafikon 19.

Na osnovu prikazanog tabelarnog i grafičkog prikaza može se konstatovati da je u 2025. godini došlo do povećanja broja zaprimljenih prijava u odnosu na prethodni period, te da je u odnosu na 2024. godinu došlo do povećanja broja prijava za 916 ili za oko 4,24%. Dakle, može se konstatovati da je prisutan trend povećanja broja prijava koje se odnose na krivičnopravne događaje, ali da su tužilaštva u BiH istovremeno značajno povećala broj riješenih predmeta.

➤ *Trendovi broja donesenih naredbi o nesprovođenju istraga u svim tužilaštvima u BiH*




Grafikon 20.

Na osnovu prikazanog tabelarnog i grafičkog prikaza može se konstatovati da je u 2025. godini prisutan trend smanjenja broja donesenih naredbi o nesprovođenju istrage u odnosu na prethodni period, te da je u odnosu na 2024. godinu došlo do smanjenja broja naredbi o nesprovođenju istrage za 815 ili za oko 13,57%.




➤ *Trendovi broja donesenih naredbi o sprovođenju istraga u svim tužilaštvima u BiH*



Grafikon 21.

Na osnovu prikazanog tabelarnog i grafičkog prikaza može se konstatovati da je u 2025. godini prisutan trend povećanja broja donesenih naredbi o sprovođenju istrage u odnosu na prethodni period, te da je u odnosu na 2024. godinu došlo do povećanja broja naredbi o sprovođenju istrage za 428 ili za oko 3,28%.


➤ *Trendovi broja donesenih naredbi o obustavljanju istrage u svim tužilaštvima u BiH*



Grafikon 22.

Na osnovu prikazanog tabelarnog i grafičkog prikaza vidljivo je da je u 2025. godini doneseno 3005 naredbi o obustavi istrage, što je u odnosu na 2024. godinu više za 350 ili oko 13,18% istraga.

➤ *Trendovi broja podignutih optužnica u svim tužilaštvima u BiH*




Grafikon 23.



Tužilaštva u Bosni i Hercegovini su u 2025. godini podigla ukupno 10.354 optužnice, što je u odnosu na 2024. godinu više za 221 ili za oko 2,18% optužnica. Iz navedenog tabelarnog i grafičkog prikaza proizlazi da je u tužilaštvima u Bosni i Hercegovini prisutan trend povećanja broja podignutih optužnica.


- *Grafički prikaz osuđujućih presuda po optužnicama tužilaštava u BiH*



Grafikon 24.

U izvještajnom periodu, postupajući po optužnicama tužilaštava, sudovi u BiH su u 2025. godini donijeli 8084 osuđujuće presude, što je u odnosu na 2024. godinu manje za 243 ili za oko 2,73% osuđujućih presuda. Iz navedenog tabelarnog i grafičkog prikaza proizlazi da je prisutan trend blagog smanjenja broja osuđujućih presuda.

- *Grafički prikaz osuđujućih presuda po optužnicama tužilaštava u BiH*



Grafikon 25.

U izvještajnom periodu postupajući po optužnicama tužilaštava, sudovi u BiH su u 2025. godini donijeli 649 oslobađajućih presuda, što je u odnosu na 2024. godinu manje za 2 ili za oko 0,30% oslobađajućih presuda. Iz navedenog tabelarnog i grafičkog prikaza proizlazi da je prisutan trend blagog smanjenja broja oslobađajućih presuda.



6. RAZNI KRIVIČNI PREDMETI (KTA - NEODREDIVO KRIVIČNO DJELO I IZVRŠILAC)

U ovom poglavlju informacije obrađeni su predmeti sa oznakom KTA koji se odnose na neodrediva krivična djela ili počiniocce, a ukazuju na protivpravnu radnju. Bitno je napomenuti da se obrađeni statistički podaci odnose na sve „KTA“ oznake, računajući i KTA-RZ predmete koji se odnose na ratne zločine.

➤ *Tabelarni pregled rada na KTA predmetima u svim tužilaštvima u BiH*

Naziv tužilaštva (KTA predmeti) ²⁶	Neriješeno iz ranijih godina	Primljeno u toku godine	Ukupno u radu	Ukupno riješeno na kraju godine	Neriješeno na kraju godine
Tužilaštvo BiH	1693	890	2583	1080	1503
Kantonalna tužilaštva u FBiH	14264	18479	32743	16868	15875
Tužilaštva u RS	5990	5236	11226	4870	6356
Tužilaštvo Brčko distrikta BiH	179	277	456	217	239
Ukupno KTA predmeta	22126	24882	47008	23035	23973

Kada su u pitanju predmeti sa oznakom KTA, Tužilaštvo BiH je u izvještajnom periodu imalo u radu 2583 predmeta ove vrste. Iz ranijih godina prenesena su 1693 predmeta, dok je u izvještajnom periodu zaprimljeno 890 predmeta. U 2025. godini riješeno je 1080 predmeta. Na kraju izvještajnog perioda ostala su neriješena 1.503 KTA predmeta.

U kantonalnim tužilaštvima u FBiH, u 2025. godini, ukupno su bila u radu 32.743 KTA predmeta. U izvještajnoj godini zaprimljeno je 18.479 predmeta, dok su iz ranijeg perioda prenesena 14.264 KTA predmeta. Od ukupnog broja predmeta u radu, kantonalna tužilaštva u FBiH riješila su 16.868 KTA predmeta. Na kraju izvještajnog perioda ostalo je u radu 15.875 KTA predmeta.

U tužilaštvima u RS-u, u 2025. godini, ukupno je bilo u radu 11.226 KTA predmeta u izvještajnoj godini zaprimljeno je 5236 predmeta, dok je iz ranijeg perioda preneseno 5990 KTA predmeta. Od ukupnog broja predmeta u radu, tužilaštva u RS-u riješila su 4.870 KTA predmeta, dok je na kraju izvještajnog perioda ostalo u radu 6356 predmeta.

Tužilaštvo Brčko distrikta je, u 2025. godini, ukupno u radu imalo 456 KTA predmeta, u izvještajnoj godini zaprimljeno je 277 predmeta, dok je iz ranijeg perioda preneseno 179 KTA predmeta. Od ukupnog broja predmeta u radu, Tužilaštvo Brčko distrikta riješilo je 217 predmeta, dok je na kraju izvještajnog perioda ostalo u radu 239 KTA predmeta.

²⁶ Podaci se odnose na sve vrste KTA predmeta, uključujući i KTA-RZ predmete.




➤ *Tabelarni pregled rada na KTA predmetima u svim tužilaštvima u BiH*

KTA predmeti ²⁷	Neriješeno iz ranijih godina	Primljeno u toku godine	Ukupno u radu	Ukupno riješeno na kraju godine	Neriješeno na kraju godine
2022	17602	18303	35905	18315	17590
2023	17664	19819	37483	17617	19866
2024	19908	21479	41387	19613	21774
2025	22126	24882	47008	23035	23973

Dakle, u svim tužilaštvima u Bosni i Hercegovini, u 2025. godini, bilo je ukupno u radu 47.008 KTA predmeta, u toku izvještajnog perioda zaprimljena su 24.882 predmeta, dok je iz ranijeg perioda preneseno 22.126 KTA predmeta. Od ukupnog broja predmeta u radu, tužilaštva u BiH riješila su 23.035 KTA predmeta, na kraju izvještajnog perioda ostala su u radu 23.973 predmeta.

➤ *Ukupno u radu KTA predmeta u svim tužilaštvima u BiH*



Grafikon 26.

Na osnovu prikazanog tabelarnog i grafičkog prikaza vidljivo je da je u 2025. godini povećan broj KTA predmeta u radu, odnosno da je u odnosu na 2024. godinu došlo do povećanja broja navedenih predmeta za 5621 ili za oko 13,58%.

Na osnovu navedenih podataka može se konstatovati da su tužilaštva u BiH i dalje opterećena predmetima koji se odnose na neodredivo krivično djelo ili počinioca, odnosno da se tužilaštvima u praksi dostavlja veliki broj prijava koje su neprecizne, neodređene i sadrže podatke i informacije koje ne sadrže elemente krivičnog djela.

²⁷ Podaci se odnose na sve vrste KTA predmeta, uključujući i KTA-RZ predmete.



7. KRIVIČNI PREDMETI U KOJIMA JE NEPOZNAT POČINILAC (KTN PREDMETI)

Predmeti gdje postoji osnov sumnje da je izvršeno krivično djelo, ali nisu otkriveni počinioci (nepoznati su počinioci) posebno ćemo obraditi, iz razloga što broj ovih predmeta u tužilaštvima u Bosni i Hercegovini opterećuje rad tužilaštava, a što bi trebalo biti predmet analize. U nastavku su prikazani podaci o predmetima u kojima počinioci nisu otkriveni.

➤ *Tabelarni pregled rada na KTN predmetima u svim tužilaštvima u BiH*

Naziv tužilaštva (KTN predmeti) ²⁸	Neriješeno iz ranijih godina	Primljeno u toku godine	Ukupno u radu	Ukupno riješeno na kraju godine	Neriješeno na kraju godine
Tužilaštvo BiH	561	155	716	131	585
Kantonalna tužilaštva u FBiH	97737	7501	105238	9908	95330
Tužilaštva u RS	22855	1505	24360	2003	22357
Tužilaštvo Brčko distrikta BiH	2074	339	2413	384	2029
Ukupno KTN predmeta	123227	9500	132727	12426	120301

Kada su u pitanju predmeti u kojima počinioci krivičnih djela nisu otkriveni, Tužilaštvo BiH je u izvještajnom periodu imalo u radu 716 predmeta ove vrste, iz ranijih godina prenesen je 561 predmet, dok je u izvještajnom periodu zaprimljeno 155 predmeta. U izvještajnom periodu riješen je 131 predmet, tako da je na kraju izvještajnog perioda ostalo neriješeno 585 predmeta.

U kantonalnim tužilaštvima u FBiH, u 2025. godini, ukupno je bilo u radu 105.238 KTN predmeta. U izvještajnoj godini zaprimljena je 7.501 prijava, dok je iz ranijeg perioda preneseno 97.737 KTN predmeta. Od ukupnog broja predmeta u radu, kantonalna tužilaštva u FBiH riješila su 9.908 KTN predmeta, na kraju izvještajnog perioda ostalo je u radu 95.330 KTN predmeta.

U tužilaštvima u RS-u, u 2025. godini ukupno je bilo u radu 24.360 KTN predmeta, u izvještajnoj godini zaprimljeno je 1.505 predmeta, dok je iz ranijeg perioda preneseno 22.855 KTN predmeta. Od ukupnog broja predmeta u radu, tužilaštva u RS-u riješila su 2.003 predmeta, tako da je na kraju izvještajnog perioda ostalo u radu 22.357 KTN predmeta.

U Tužilaštvu Brčko distrikta, u 2025. godini, ukupno je bilo u radu 2.413 KTN predmeta, u izvještajnoj godini zaprimljeno je 339 predmeta, dok su iz ranijeg perioda prenesena 2.074 KTN predmeta. Od ukupnog broja predmeta u radu, Tužilaštvo Brčko distrikta riješilo je 384 predmeta, dok je na kraju izvještajnog perioda ostalo u radu 2.029 KTN predmeta.

²⁸ Podaci se odnose na sve vrste KTN predmeta, uključujući i KTN-RZ predmete.




➤ *Tabelarni pregled rada na KTN predmetima u svim tužilaštvima u BiH*

Naziv tužilaštva (KTN predmeti) ²⁹	Neriješeno iz ranijih godina	Primljeno u toku godine	Ukupno u radu	Ukupno riješeno na kraju godine	Neriješeno na kraju godine
2022	118538	10713	129251	11841	117410
2023	117439	10183	127622	8349	119273
2024	119283	10468	129751	9985	119766
2025	123227	9500	132727	12426	120301

Dakle, u svim tužilaštvima u Bosni i Hercegovini u 2025. godini ukupno je bilo u radu 132.727 KTN predmeta, u izvještajnoj godini zaprimljeno je 9.500 predmeta, dok je iz ranijeg perioda preneseno 123.227 KTN predmeta. Od ukupnog broja predmeta u radu, tužilaštva u BiH riješila su 12.426 predmeta, dok je na kraju izvještajnog perioda ostao u radu 120.301 KTN predmet.

➤ *Tabelarni pregled rada na KTN predmetima u svim tužilaštvima u BiH*



Grafikon 27.

Na osnovu prikazanih statističkih podataka može se konstatovati da je u tužilaštvima u BiH prisutan trend povećanja broja neriješenih KTN predmeta, odnosno da je u 2025. godini u odnosu na 2024. godinu, došlo do povećanja KTN predmeta za 535 ili za oko 0,44%.

Rješavanje ove vrste predmeta, odnosno predmeta po nepoznatom počiniocu, u najvećoj mjeri zavisi od rada policijskih agencija na otkrivanju izvršilaca krivičnih djela.

²⁹ Podaci se odnose na sve vrste KTN predmeta, uključujući i KTN-RZ predmete.



8. KRIVIČNI PREDMETI KOJI SE ODOSE NA MALOLJETNE POČINIOCE KRIVIČNIH DJELA (KTM PREDMETI)

Krivični predmeti koji se odnose na maloljetne počinioce krivičnih djela (KTM predmete) prikazani su kroz pregled neriješenih predmeta iz prethodnih godina, pregled primljenih predmeta u toku godine, broj riješenih predmeta u toku godine i broj predmeta koji su ostali neriješeni na kraju godine.

➤ *Tabelarni pregled rada na KTM predmetima u svim tužilaštvima u BiH*

Naziv tužilaštva (KTM predmeti)	Neriješeno iz ranijih godina	Primljeno u toku godine	Ukupno u radu	Riješeno u toku godine	Neriješeno na kraju godine
Tužilaštvo BiH	3	2	5	5	0
Kantonalna tužilaštva u FBiH	241	366	607	305	302
Tužilaštva u RS	172	180	352	168	184
Tužilaštvo Brčko distrikta BiH	9	27	36	23	13
Ukupno KTM predmeta	425	575	1000	501	499

Kada su u pitanju predmeti u kojima su počinioci maloljetna lica, Tužilaštvo BiH ima znatno manji broj predmeta ove vrste u odnosu na entitetska tužilaštva i Tužilaštvo Brčko distrikta. U izvještajnom periodu Tužilaštvo BiH je imalo u radu 5 predmeta ove vrste, odnosno 3 predmeta su prenesena iz prethodnog perioda, dok su u izvještajnom periodu zaprimljena 2 predmeta ove vrste, riješeno je 5 predmeta, tako da na kraju izvještajnog perioda nije ostao niti jedan neriješen KTM predmet.

U kantonalnim tužilaštvima u FBiH, u 2025. godini u radu je bilo ukupno 607 KTM predmeta, u izvještajnoj godini zaprimljeno je 366 predmeta, dok je iz prethodnih godina u rad prenesen 241 KTM predmet. Od ukupnog broja predmeta u radu kantonalna tužilaštva u FBiH su, tokom 2025. godine, riješila 305 predmeta, dok su ostala u radu 302 predmeta.

Okružna javna tužilaštva u Republici Srpskoj imala su u radu 352 KTM predmeta, od čega je 172 preneseno iz ranijeg perioda, dok je u izvještajnom periodu zaprimljeno 180 predmeta, od navedenog broja riješeno je 168 predmeta, tako da su na kraju izvještajnog perioda ostala neriješena 184 predmeta.


Tužilaštvo Brčko distrikta je tokom 2025. godine ukupno u radu imalo 36 KTM predmeta. U izvještajnom periodu zaprimljeno je 27 predmeta, dok je iz prethodnih godina preneseno 9 predmeta. Od ukupnog broja predmeta u radu riješena su 23 predmeta, tako da je na kraju izvještajnog perioda ostalo neriješeno 13 predmeta.



➤ *Komparativni prikaz KTM predmeta u svim tužilaštvima u BiH*

Ukupan broj (KTM predmeti) po godinama	Neriješeno iz ranijih godina	Zaprimljeno u toku godine	Ukupno u radu	Riješeno u toku godine	Neriješene prijave na kraju godine
2022	240	520	760	493	267
2023	253	564	817	454	363
2024	299	554	853	429	424
2025	425	575	1000	501	499

➤ *Grafički pregled zaprimljenih KTM predmeta u svim tužilaštvima u BiH*



Grafikon 28.

Na osnovu statističkih podataka koji su prikazani kroz tabelarni i grafički prikaz može se konstatovati da je i dalje prisutan veliki broj krivičnih predmeta koji se odnose na maloljetnički kriminalitet. U toku 2025. godine, u odnosu na 2024. godinu, zaprimljen je 21 krivični predmet više, što procentualno iznosi oko 3,79%.

9. MJERE ZA UNAPREĐENJE RADA

9.1. Mjere za unapređenje rada Tužilaštva BiH

Tužilaštvo Bosne i Hercegovine će svoje aktivnosti usmjeriti ka ispunjavanju zakonskih rokova za okončanje istraga, preduzimanju radnji po prijavama u razumnim rokovima, ostvarivanju komunikacije u svim predmetima sa oštećenima kako bi se što preciznije mogli odrediti imovinsko-pravni zahtjevi, te težiti ka većem procentu potvrđenih optužnica i nastojati da potvrđene optužnice rezultiraju osuđujućim presudama.

Posebni odjel za organizirani kriminal, privredni kriminal i korupciju će sa ciljem smanjenja broja neriješenih istraga, neriješenih prijava i skraćivanja dužine trajanja rješavanja predmeta nastaviti analizu predmeta kako bi se utvrdilo stanje u predmetima radi preduzimanja potrebnih radnji i



donošenja tužilačkih odluka. U tom pravcu bit će neophodan veći angažman stručnog osoblja Tužilaštva Bosne i Hercegovine i agencija za provođenje zakona kako bi se u predmetima gdje su istrage otvorene mogle donositi tužilačke odluke. Na ovaj način bi se bitno skratila dužina trajanja istraga i period eventualne neaktivnosti tužilaca u predmetu sveo na najmanju moguću mjeru.

Unapređenjem organizacionih i materijalno-tehničkih uslova Tužilaštva BiH kroz prilagođavanje organizacije tužilaštva i usklađivanje broja zaposlenih poboljšat će se rad i funkcionisanje Tužilaštva BiH. S ciljem postizanja maksimalne efektivnosti, efikasnosti, ažurnosti i zakonitosti rada svakog zaposlenika potrebno je nastaviti sa postupcima i procedurama kojima se omogućava obavještanje zaposlenika o donesenim zakonima, odlukama, pravilnicima, naredbama, uputstvima, instrukcijama i informacijama, te uz stalno izvještavanje rukovodioca pratiti blagovremenost i pravilnost realizacije Plana rada Tužilaštva BiH.

Tužilaštvo Bosne i Hercegovine će pojačati napore u rješavanju svih krivičnih djela iz svoje nadležnosti, a posebno krivičnih djela organiziranog kriminala, korupcije, privrednog kriminala, terorizma i procesuiranja predmeta ratnih zločina.

Nastavit će se intenzivan rad na zadržavanju kvaliteta tužilačkih odluka sa ciljem zadržavanja udjela uvažених притужби на donezene naredbe o nesprovođenju istrage i naredbe o obustavi istrage, dok će se istovremeno raditi na zadržavanju omjera osuđujućih presuda u odnosu na presude u kojima se optužba odbija i presude u kojima se optuženi oslobađa krivice. Paralelno sa ovim mjerama, rješavat će se stari predmeti prema utvrđenom planu rješavanja uz istovremeno povećanje broja istraga i optužnica za najteža krivična djela.

Nastavit će se sa punom implementacijom Revidirane državne strategije za rad na predmetima ratnih zločina, uz puno poštovanje rokova za rad na prioritetnim predmetima ratnih zločina i redovno izvještavanje VSTV-a i Nadzornog organa za praćenje provođenja Revidirane državne strategije za rad na predmetima ratnih zločina, kao i uz uvažavanje preporuka iz izvještaja sutkinje Korner. Pored toga, redovno će se vršiti pregled predmeta sa ciljem sagledavanja mogućnosti ustupanja istih entitetskim tužilaštvima i Tužilaštvu Brčko distrikta BiH, na način propisan članom 27a. Zakona o krivičnom postupku BiH, kako bi kapaciteti Tužilaštva BiH bili na raspolaganju za procesuiranje najsloženijih predmeta ratnog zločina. Istovremeno će se kroz postupak ekshumacija intenzivno raditi na traženju nestalih lica na području cijele BiH.

Aktivno učestvovati u praćenju primjene postojećih propisa u oblasti krivičnog prava i unapređenju istih kroz iniciranje njihovih izmjena i novih propisa, koji će cjelovitije regulisati ovu oblast, a što bi trebalo da obezbijedi stvaranje boljeg zakonskog okvira u cjelini kako za funkcionisanje Tužilaštva BiH, tako i za pružanje krivičnopravne zaštite građanima BiH.

Tužilaštvo BiH će nastaviti saradnju sa partnerskim organizacijama na svim projektima koji se tiču jačanja kapaciteta u sprovođenju finansijskih istraga sa posebnim akcentom na oduzimanje protivpravne imovinske koristi. U tom smislu zagovarat ćemo donošenje novih zakonskih rješenja kojima se uređuje postupak oduzimanja i upravljanja privremeno oduzetom imovinom stečenom izvršenjem krivičnih djela.



Nastaviti kontinuiranu edukaciju i specijalizaciju tužilaca i drugog stručnog osoblja, vezano za primjenu krivičnog zakonodavstva Bosne i Hercegovine te oblasti međunarodnog prava i pozitivnih praksi primijenjenih u ovoj oblasti, a koje mogu znatno unaprijediti rad Tužilaštva BiH.

Ojačati saradnju sa drugim tužilaštvima u Bosni i Hercegovini i svim policijskim agencijama kroz „Strateški forum rukovodilaca tužilaštava i policijskih tijela“. Paralelno sa ovim aktivnostima koristit će se mehanizam rješavanja sukoba nadležnosti između tužilaštava na način predviđen Sporazumom o uspostavljanju Koordinacionog tijela glavnih tužilaca Tužilaštva BiH, Federalnog tužilaštva Federacije Bosne i Hercegovine, Republičkog javnog tužilaštva Republike Srpske i Tužilaštva Brčko distrikta BiH.

Održavat će se redovni sastanci Udarne grupe za borbu protiv trgovine ljudima i organizirane ilegalne imigracije i Udarne grupe za borbu protiv terorizma i jačanja sposobnosti za borbu protiv terorizma, gdje će se razmatrati trenutno stanje i nastavak saradnje tužilaštava, policijskih, sigurnosnih i drugih agencija za provođenje zakona u borbi protiv ovih oblika kriminaliteta.

Nastavit će se i unaprijediti saradnja sa tužilaštvima u državama regije i šire kroz primjenu međunarodnih multilateralnih i bilateralnih ugovora i protokola o saradnji, kao i razmjenom iskustava u krivičnom progonu počinitelja najtežih krivičnih djela, posebno terorizma, organiziranog kriminala, pranja novca i ratnih zločina.

Očuvat će se i pospješiti svi uspostavljeni oblici saradnje sa međunarodnim organizacijama.

Kontinuiranim praćenjem rada Tužilaštva, u cilju poboljšanja kvaliteta optužnica, nastavit će se formiranje tužilačkih timova u najsloženijim predmetima, kao i izdavanje obaveznih pojedinačnih uputstava u konkretnim predmetima.

Redovno će se održavati kolegiji glavnog tužioca, kolegiji tužilaca i kolegiji uprave.

Radit će se na implementaciji ciljanih zadataka koji su usvojeni Strateškim planom za period 2025-2027. godina Tužilaštva BiH koji će se, po potrebi, mijenjati i dopunjavati.

9.2. Prijedlog mjera za unapređenje rada tužilaštava u BiH

U cilju stvaranja pretpostavki i uslova za efikasnije obavljanje funkcije tužilaca na području Bosne i Hercegovine, daje se prijedlog mjera i aktivnosti za naredni period:

Kontinuirano vršiti edukaciju i specijalizaciju tužilaca i drugog stručnog osoblja vezano za primjenu krivičnog zakonodavstva Bosne i Hercegovine, te oblasti međunarodnog prava i pozitivnih praksi primijenjenih u ovoj oblasti, a koje mogu znatno unaprijediti rad tužilaštava u Bosni i Hercegovini;

Raditi na stalnoj edukaciji ovlaštenih službenih lica, pripadnika svih službi i organa za provođenje zakona u svrhu kvalitetnijeg vođenja istraga, te unapređivati saradnju među svim službama za provođenje zakona u Bosni i Hercegovini;



U cilju popunjavanja sistematizovanih pozicija u tužilaštvima u BiH, kako Tužilaštvu BiH (tužioci, str. saradnici, ostalo stručno i administrativno osoblje), tako i svim tužilaštvima u Bosni i Hercegovini, neophodno je obezbijediti planiranje budžetskih sredstava, čime bi se povećao nivo produktivnosti i efikasnost rada na krivičnim predmetima iz nadležnosti tužilaštava, s obzirom da su postojeći personalni kapaciteti u tužilaštvima preopterećeni;

Obezbijediti materijalne i tehničke uslove u svim tužilaštvima u Bosni i Hercegovini kojim bi se obezbijedio nesmetan i efikasan rad tužilaca;

Nastaviti postojeću saradnju među tužilaštvima zemalja regiona, u cilju jačanja i uspješnijeg suprotstavljanja svim oblicima kriminala kroz razmjenu informacija i podataka sa ovim tužilaštvima, s posebnim osvrtom na suzbijanje i preveniranje krivičnih djela terorizma i krivičnih djela povezanih sa terorističkim aktivnostima;

Nastaviti i unapređivati saradnju sa međunarodnim institucijama u BiH, kao i drugim organizacijama i agencijama na međunarodnom nivou, koje su opredijeljene za pružanje pomoći u jačanju pravosuđa u BiH;

S obzirom da je prisutan trend porasta maloljetničke delikvencije, neophodno je uključiti sve relevantne aktere koji mogu posredno ili neposredno uticati na ovaj oblik kriminaliteta;

Unaprijediti međusobnu saradnju između tužilaštava u BiH.

10. INICIJATIVE ZA IZMJENE ILI DOPUNE ZAKONSKIH PROPISA

Tužilaštvo Bosne i Hercegovine je u prethodnom periodu, kao i tokom 2025. godine, podnijelo više inicijativa koje se odnose na izmjene, dopune ili usvajanje zakona koji su neophodni za podizanje kvaliteta i efikasnosti rada tužilaštva u suzbijanju kriminaliteta. U vezi s tim napominje se da do sada nisu provedene sljedeće inicijative:

Izmjene Krivičnog zakona i Zakona o krivičnom postupku BiH radi uvođenja instituta optuženi/osuđeni kao svjedok, odnosno krunski svjedok – radi lakšeg procesuiranja krivičnih djela organiziranog kriminala i drugih teških krivičnih djela.

Udarna grupa za borbu protiv trgovine ljudima i organizirane ilegalne imigracije je podnijela inicijativu za izmjenu i dopunu KZ-a BiH, odnosno člana 189. stav (2) s ciljem da se omogući bolje procesuiranje lica koja vrše prevoz krijumčarenih lica.

Kolegij tužilaca TBiH je u aprilu 2024. godine uputio Ministarstvu pravde BiH inicijativu za dopunu Krivičnog zakona BiH na način da se u isti uvede novo krivično djelo po uzoru na krivično djelo iz Krivičnog zakonika Republike Srpske – „Napad na sudiju i javnog tužioca“.

Glavni tužilac je Ministarstvu saobraćaja i transporta BiH uputio inicijativu za izmjene i dopune Zakona o komunikacijama BiH na način da se uvede obaveza identifikacije fizičkih i pravnih lica prilikom kupovine prepaid SIM kartica, koja je u postupku usvajanja.



Inicijativa vezana za zakonsko regulisanje kriptovaluta na prostoru Bosne i Hercegovine, s obzirom da se kriptovalute u većem broju krivičnih predmeta pojavljuju kao sredstvo ili predmet izvršenja krivičnog djela Pranje novca iz člana 209. KZ-a BiH i drugih krivičnih djela.

Tokom 2024. godine usvojen je Zakon o zaštiti ličnih podataka, čime je ispunjen jedan od uslova za potpisivanje sporazuma između BiH i Evropske komisije, kako bi postali član EUROJUST-a.



ZAKLJUČAK O RADU TUŽILAŠTVA BIH

Na osnovu statističkih podataka navedenih u izvještaju i drugih prikazanih rezultata rada može se izvesti zaključak da su rezultati rada Tužilaštva BiH u odnosu na sve segmente rada zadovoljavajući. Tužilaštvo BiH je u 2025. godini podiglo optužnice u nekim od najsloženijih predmeta ratnih zločina, kao i organiziranog kriminala i korupcije. Navedeni zaključak proizlazi iz sljedećih postignutih rezultata:

Najprije je potrebno naglasiti da je Tužilaštvo Bosne i Hercegovine ostvarilo kolektivnu normu od **134,45%**, Ostvarena kolektivna norma Odjela I - Posebnog odjela za ratne zločine je **125,74%**, dok je ostvarena kolektivna norma Odjela II - Posebnog odjela za organizirani kriminal, privredni kriminal i korupciju **139,14%**.

Tužilaštvo BiH je u protekloj godini podiglo 15 optužnica protiv 24 lica u predmetima korupcije i visoke korupcije, odnosno došlo je do znatnog povećanja broja podignutih optužnica i optuženih lica u odnosu na 2024. godinu. U odnosu na predmete korupcije visokog nivoa podignute su dvije optužnice protiv službenih lica u institucijama BiH, koje su potvrđene od strane Suda BiH. Naime, Tužilaštvo BiH je u okviru navedenog perioda podiglo optužnicu protiv suspendovanog predsjednika Suda BiH i bivšeg generalnog direktora Obavještajno-sigurnosne agencije Bosne i Hercegovine (OSA BiH), kojima se stavlja na teret da su počinili krivično djelo Zloupotreba položaja ili ovlaštenja iz člana 220. stav 1. KZ-a BiH.

Također, Tužilaštvo BiH je podiglo optužnicu protiv bivšeg rukovodioca Grupe za sprečavanje krijumčarenja u Upravi za indirektno oporezivanje BiH, zbog krivičnog djela Zloupotreba položaja ili ovlaštenja iz člana 220. stav 1. KZ-a BiH, kojom optužnicom je zatraženo i oduzimanje pribavljene protivpravne imovinske koristi u većem iznosu. Po navedenoj optužnici u toku je glavni pretres pred Sudom BiH.

Tužilaštvo BiH je u izvještajnom periodu intenzivno sprovodilo istragu u predmetima korupcije visokog nivoa protiv nekoliko zvaničnika BiH koji su obavljali neke od najodgovornijih funkcija u BiH, a koji su koruptivne aktivnosti preduzimali u svojstvu direktora Granične policije BiH i u svojstvu službenika Granične policije BiH ili na rukovodećim pozicijama zajedno sa drugim licima. Pored navedenog, u 2 predmeta podignute su optužnice u vezi sa izvršenim koruptivnim krivičnim djelima protiv ukupno 19 službenika Uprave za indirektno oporezivanje BiH i policijskih službenika Granične policije BiH.

Također, u vezi sa izvršenim koruptivnim krivičnim djelom, odnosno korištenjem kriptovane aplikacije SKY, podignuta je optužnica protiv policijskog službenika Direkcije za koordinaciju policijskih tijela BiH, koji je u prethodnom periodu bio zaposlen u Državnoj agenciji za istrage i zaštitu, a koja je rezultirala osuđujućom presudom.

Pored navedenog, u 2025. godini donesena je pravosnažna osuđujuća presuda protiv direktora Službe za zajedničke poslove BiH u vezi sa izvršenim koruptivnim krivičnim djelima koja su izvršena u okviru obavljanja službene dužnosti.

Također, intenzivirano je preduzimanje istražnih aktivnosti protiv ministra sigurnosti BiH koji se sumnjiči za niz koruptivnih aktivnosti kojima je pribavljena višemilionska protivpravna imovinska korist.



Pored ostvarenih rezultata i dalje je jedan od osnovnih problema u radu na predmetima korupcije neblagovremenost informacija o preduzimanju koruptivnih aktivnosti od strane počinitelja. Ovo se naročito odnosi na koruptivna krivična djela povezana sa javnim nabavkama, te koruptivna krivična djela u vezi sa primanjem i davanjem dara, što nesporno otežava proces dokazivanja u ovakvim predmetima.

Evidentan je izostanak izvještaja od strane policijskih agencija i drugih agencija za provođenje zakona u BiH u pogledu visoke korupcije i korupcije, tako da su procesuirani slučajevi uglavnom inicirani istražnim aktivnostima Tužilaštva BiH. U tom kontekstu važno je unaprijediti međusobnu saradnju između različitih institucija i aktera kako bi se razmijenila iskustva, najbolje prakse i informacije u vezi otkrivanja i suzbijanja korupcije.

Tužilaštvo BiH će i u narednom periodu nastaviti rad na predmetima visoke korupcije, što je jedan od prioriteta definisanih planom rada.

U cilju suzbijanja korupcije, Tužilaštvo BiH je omogućilo građanima da putem web stranice blagovremeno prijave eventualne koruptivne radnje lica za djela iz nadležnosti Tužilaštva BiH.

Tužilaštvo je u protekloj godini podiglo 22 optužnice protiv 139 lica u predmetima organiziranog kriminala i organiziranog kriminala visokog nivoa. Podignutim optužnicama obuhvaćeni su organizatori i članovi organiziranih kriminalnih grupa koje su vršile prodaju i krijumčarenje opojnih droga na međunarodnom nivou, posredovale u međunarodnoj trgovini opojnih droga sa područja Južne Amerike na prostor Evrope i Zapadnog Balkana, te se dovode u vezu sa više izvršenih teških ubistava povezanih sa licima koja su označena kao pripadnici međunarodnih organiziranih kriminalnih grupa.

U predmetima koji su povezani sa korištenjem kriptovanih aplikacija SKY i Anom, u dosadašnjem periodu podignuto je 20 optužnica, od kojih je 5 podignuto u 2025. godini. Bitno je naglasiti da je po navedenim optužnicama optuženo 105 lica, te da se među ranije optuženim nalaze policijski službenici Granične policije, MUP-a RS, MUP-a HNK, Ministarstva sigurnosti BiH, dok su u 2025. godini optuženi policijski službenici MUP-a Kantona Sarajevo, nekadašnji pripadnik SIPA-e i advokati.

Tokom 2025. godine donesene su dvije prvostepene osuđujuće presude i jedna pravosnažna osuđujuća drugostepena presuda u predmetima koji su povezani sa korištenjem dokaza koji su povezani sa SKY aplikacijama.

Pored navedenog, u 2025. godini na osnovu optužnice koja je podignuta u vezi sa izvršenim krivičnim djelom teškog ubistva načelnika krim-policije u Prijedoru, u kojoj su također korišteni dokazi povezani sa kriptovanim aplikacijama SKY i Anom, donesena je prvostepena osuđujuća presuda protiv izvršioca u trajanju od 34 godine i naručioca u trajanju od 29 godina.

U 2025. godini podignuta je optužnica protiv 12 fizičkih i 6 pravnih lica zbog izvršenih krivičnih djela organizirani kriminal i pranje novca. Osumnjičeni se terete da su u periodu od 2017. godine do 2024. godine, radi sticanja materijalne koristi, sa ciljem stavljanja u zakonite novčane tokove, odnosno prikriivanja prirode, izvora, lokacije, raspolaganja, kretanja i vlasništva novca za koji su znali da potiče iz neovlaštenog međunarodnog prometa opojne droge kokain sa područja Južne Amerike na teritoriju Evrope, „oprali“ najmanje 6.000.000,00 KM, na način da su nezakonito stečeni novac koristili prilikom redovnih poslovnih aktivnosti više osumnjičenih pravnih lica, kao i kroz kupovinu i izgradnju nekretnina, te kupovinu i tzv. „rudarenje“ kriptovaluta. U navedenom



predmetu, nakon provedene finansijske istrage, optužnicom je predloženo oduzimanje od osumnjičenih i povezanih lica imovine vrijednosti od oko 13.494.272,00 KM, u odnosu na koju je prethodno po odlukama Suda BiH donesena privremena mjera obezbjeđenja. Oduzeta imovina se odnosi na nekretnine (stambene i druge prostorije, poslovni prostori, zemljišta), novac na bankovnim računima i kripto novac na međunarodnim berzama. U ovom predmetu, između ostalog, kao dokaz su korištene komunikacije iz aplikacije SkyEcc.

Također, u jednom predmetu u kojem su korišteni dokazi iz aplikacije SkyEcc, podignuta je optužnica protiv 5 lica koja se terete da su početkom decembra 2019. godine do kraja 2021. godine, na teritoriji Bosne i Hercegovine, Republike Srbije, Crne Gore, Republike Hrvatske, Holandije i Republike Slovenije, u cilju sticanja protivpravne imovinske koristi neovlašteno prometovali opojnu drogu i neovlašteno prometovali određenu količinu oružja iz BiH u Holandiju. Osumnjičeni se terete da su dio novca za koji su znali da je stečen izvršenjem krivičnog djela uložili u kupovinu nekretnina, tako da je nakon provedene finansijske istrage predloženo trajno oduzimanje imovinske koristi pribavljene krivičnim djelom.

Tužilaštvo BiH u radu na ovim predmetima ima veoma dobru saradnju sa partnerskim institucijama i agencijama za provođenje zakona u zemljama regiona, kao i u inostranstvu, uključujući i saradnju sa međunarodnom asocijacijom EUROPOL, koja je u više navrata podržala institucije BiH i istakla važnost saradnje u borbi protiv organiziranog kriminala u BiH i regionu.

U optužnicama u predmetima koji su nastali ili koji su povezani sa korištenjem kriptovanih aplikacija SKY i Anom, osim elemenata međunarodnog kriminala, neovlaštenog prometa opojnih droga i pranja novca, evidentirana su i koruptivna krivična djela koja se odnose na primanje dara, zloupotrebe položaja ili ovlaštenja od strane ovlaštenih službenih lica, u odnosu na koja su također podignute optužnice.

Posebno je važno istaći da je tokom 2025. godine predloženo trajno oduzimanje imovinske koristi u iznosu od 28.852.146,00 KM, dok je privremeno blokirana imovina u iznosu od 8.300.613,00 KM. Rezultati u pogledu predložene i oduzete imovinske koristi u odnosu na prethodnu godinu su značajno bolji u kvantitativnom i kvalitativnom smislu.

Tužilaštvo Bosne i Hercegovine je tokom 2025. godine učestvovalo u više međunarodnih akcija, kroz rad u zajedničkim istražnim timovima sa Francuskom, Njemačkom i sl., koje su bile usmjerene na otkrivanje lica koja vrše međunarodnu trgovinu ljudima u pogledu seksualne i radne eksploatacije, što je rezultiralo identifikovanjem žrtava i procesuiranjem izvršilaca krivičnih djela iz oblasti trgovine ljudima.

Tužioci i stručno osoblje Tužilaštva BiH tokom 2025. godine učestvovali su u radu i prisustvovali sastancima Balkanske regionalne udarne grupe za borbu protiv terorizma, gdje su razmjenjivane pozitivne prakse u oblasti procesuiranja predmeta terorizma, te je vršena razmjena dokaza i informacija o borbama sa stranih ratišta koji su sa područja Balkana.

Tokom 2025. godine podignuto je 11 optužnica protiv 25 lica u nekim od najsloženijih predmeta ratnih zločina. Podignutim optužnicama obuhvaćeni su događaji u kojima je smrtno stradao veći broj lica, pa je tako u vezi sa izvršenim krivičnim djelom iz člana 171. KZ-a BiH obuhvaćeno stradanje 5100 lica, u vezi sa izvršenim krivičnim djelom iz člana 172. KZ-a BiH 332 lica, u vezi sa izvršenim krivičnim djelom iz člana 142. KZ-a SFRJ 1 lice, u vezi sa krivičnim djelom iz člana 173. KZ-a BiH 13 lica i u vezi sa izvršenim krivičnim djelom iz člana 175. KZ-a BiH 1 lice. U predmetnom



izvještaju prikazane su smrtno stradale žrtve izvršenih ratnih zločina, u izvještaju nisu obuhvaćene žrtve koje su prolazile kroz različite oblike nečovječnog i nehumanog postupanja.

Pred Sudom Bosne i Hercegovine se po optužnicama Tužilaštva BiH za krivična djela ratnih zločina vodi 51 prvostepeni postupak protiv 234 optuženih lica i 5 drugostepenih postupaka protiv 11 lica. Pored toga, sa 31.12.2025. godine potvrđene su 43 optužnice u kojima je evidentirano 50 nedostupnih optuženih lica, a koje nisu prenesene u države gdje se optužena lica nalaze. Također, pored ovog broja evidentirano je još 27 lica koja su postala nedostupna nakon početka glavnog pretresa, donošenja prvostepene ili drugostepene presude. Dakle, iz navedenog proizlazi da usljed navedenih objektivnih razloga koji su vezani za nedostupnost lica i drugih problema najveći izazov u predmetima ratnih zločina predstavlja kontinuirano održavanje glavnih pretresa kako bi se u istim donijele sudske odluke u odnosu na podignute optužnice, odnosno optužena lica. Pored navedenog, veliki broj optužnica koje se i dalje nalaze u suđenju dodatno iscrpljuju kapacitete Tužilaštva i u određenom smislu utiču na rješavanje istraga i rješavanje drugih otvorenih predmeta ratnih zločina.

Posebni odjel za ratne zločine nastavio je sa aktivnostima koje imaju za cilj procesuiranje lica osumnjičenih ili optuženih za ratne zločine, a koji se nalaze u susjednim zemljama. Također, Tužilaštvo zajedno sa partnerskim institucijama i agencijama kao i Tužilaštvom pri MRMKS-u, radi na aktivnostima u borbi protiv nekažnjivosti ratnih zločina i privođenju pravdi osumnjičenih i optuženih u zemljama regiona.

Pored navedenog, Tužilaštvo BiH je ispunilo ciljne rezultate koji su definisani Strateškim okvirom Tužilaštva BiH i Revidiranom državnom strategijom za rad na predmetima ratnih zločina, odnosno došlo je do smanjenja broja neriješenih istraga i prijava u KTRZ predmetima, smanjenja broja neriješenih KTARZ predmeta i smanjenja broja KTNRZ predmeta.

Istrage u predmetima ratnih zločina su zahtjevne i dugotrajne, te uključuju veliki broj osumnjičenih lica od kojih je veći broj nedostupan pravosudnim organima BiH. Također, problemi u postupku rješavanja istraga ratnih zločina vezuju se za činjenicu da određen broj svjedoka i oštećenih lica imaju prebivalište ili boravište van teritorije BiH, te da isti uglavnom ne pokazuju spremnost da svjedoče ili je njihov dolazak otežan zbog objektivnih okolnosti. Isto tako, određeni broj svjedoka je lošijeg zdravstvenog stanja i starije životne dobi, što utiče na njihovu sposobnost da svjedoče na glavnom pretresu ili u fazi istrage. Bitno je naglasiti da tužilaštvo putem Odjela za podršku svjedocima pruža podršku osjetljivim i ugroženim svjedocima i da se kroz različite vidove podrške u određenom broju slučajeva uspijeva povećati efikasnost krivičnog postupka.

U skladu sa odlukom i obavezujućim uputstvom glavnog tužioca, Tužilaštvo BiH je nastavilo sa objavljivanjem redigovanih činjeničnih opisa optužnica Tužilaštva BiH na web stranici, u skladu sa Smjernicama VSTV-a BiH, što je pozitivno prihvaćeno u javnosti.

Tužilaštvo BiH podnijelo je više inicijativa za izmjenu zakonskih rješenja i to izmjene ZKP-a koje se odnose na propisivanje odredbi u vezi svjedoka – saradnika, optuženog/osuđenog svjedoka, KZ-a u dijelu koji se odnosi na propisivanje odredbi u vezi kriptovaluta i Zakona o zaštiti ličnih podataka (EUROJUST).

Potpisivanjem memoranduma o saradnji sa različitim organima vlasti u Bosni i Hercegovini, Tužilaštvu su omogućeni pristupi bazama podataka UIO, Komisije za vrijednosne papire FBiH, IDDEEA-e. Također, tokom 2025. godine potpisan je memorandum o saradnji sa Graničnom policijom Bosne i Hercegovine kojim je Tužilaštvu Bosne i Hercegovine omogućen pristup bazama prelazaka državne granice.



Na osnovu navedenih statističkih podataka može se izvesti zaključak da je u posljednje tri godine prisutan trend povećanja broja riješenih predmeta, odnosno smanjenja ukupnog broja predmeta u Tužilaštvu BiH. Dakle, sve navedeno ukazuje da je Tužilaštvo BiH u značajnoj mjeri povećalo aktivnosti na rješavanju predmeta koji su ostali neriješeni u prethodnom periodu, uz istovremeno rješavanje godišnjeg priliva predmeta.

Napominjemo da je tokom 2025. godine došlo do značajnog smanjenja broja tužilaca imenovanjima u druge pravosudne institucije, kao i ostavkom jednog tužioca, što je objektivno uticalo na realizaciju određenih strateških ciljeva u toku 2025. godine i postizanje sveukupnih rezultata rada.

Na osnovu svega navedenog, može se ocijeniti da je Tužilaštvo Bosne i Hercegovine, i pored mnogih izazova sa kojima se suočavalo tokom izvještajnog perioda, ostvarilo veoma dobre rezultate.



OPĆI ZAKLJUČAK O STANJU KRIMINALITETA U BOSNI I HERCEGOVINI

Opći zaključak o stanju kriminaliteta u BiH izvodi se na osnovu Zakona o Tužilaštvu Bosne i Hercegovine (član 13. Zakona o Tužilaštvu Bosne i Hercegovine), u vezi s čim je glavni tužilac sačinio Informaciju o radu Tužilaštva BiH i stanju kriminaliteta u Bosni i Hercegovini.

Na osnovu obrađenih statističkih podataka utvrđeno je da je prisutan trend neznatnog povećanja broja KT predmeta koji se odnose na različite oblike krivičnopравnih događaja, ali da je istovremeno prisutan trend povećanja broja riješenih KT predmeta. Na osnovu navedenih statističkih podataka može se izvesti zaključak da su tužilaštva BiH u izvještajnom periodu u značajnoj mjeri unaprijedila efikasnost u radu.

Efikasnost rada tužilaštava proizlazi i iz činjenice da su tužilaštva u BiH tokom 2025. godine podigla 10.354 optužnice, odnosno da su u 2025. godini podigli 221 ili oko 2,18% optužnica više u odnosu na prethodnu godinu.

Tokom 2025. godine u tužilaštvima u Bosni i Hercegovini ukupno je bilo u radu 132.727 KTN predmeta, dok je na kraju izvještajnog perioda ostao neriješen 120.301 KTN predmet. Dakle, evidentno je da rad tužilaštava u BiH i policijskih agencija opterećuje veliki broj krivičnih predmeta koji su izvršeni od strane nepoznatih izvršilaca. Potrebno je u saradnji sa policijskim agencijama u Bosni i Hercegovini pokrenuti više aktivnosti u cilju suzbijanja ove vrste krivičnih predmeta, odnosno otkrivanja nepoznatih počinitelja krivičnih djela u Bosni i Hercegovini, kako bi se izbjeglo nastupanje zastarjelosti krivičnog gonjenja.

Evidentno je da je na prostoru Bosne i Hercegovine prisutan trend blagog povećanja broja krivičnih predmeta koji se odnose na maloljetnički kriminal, odnosno da je u toku 2025. godine u odnosu na 2024. godinu zaprimljen 21 ili oko 3,79% krivičnih predmeta više. Suzbijanje kriminaliteta maloljetnika je sistemski, organiziran, planski i koordiniran napor raznih organa, ustanova i službi u čijem je djelokrugu nadležnost i rad sa maloljetnicima, usmjeren na sprečavanje i suzbijanje tih pojava i u tom pravcu se trebaju zalagati institucije na svim nivoima društvene zajednice.

Polazeći od osnovne misije tužilaštava u BiH, koja se odnosi na otkrivanje i gonjenje učinilaca krivičnih djela radi zaštite ustavno-pravnog poretka, obezbjeđivanja vladavine prava i sigurnosti građana, neophodna je saradnja svih pravosudnih institucija i policijskih agencija na nivou BiH kako bi se uspješno suprotstavili svim oblicima i vidovima kriminala.

Također, sa ciljem poštovanja principa nezavisnosti, pravičnosti i efikasnosti tužilaštava u BiH, te u interesu vladavine prava i sigurnosti svih građana Bosne i Hercegovine, neophodno je eliminisati sve vidove negativnih uticaja na rad tužilaštava u Bosni i Hercegovini, te istima pružiti institucionalnu podršku, kao i potrebne materijalne, finansijske, kadrovske i druge oblike podrške.

Neophodno je konstantno raditi na unapređenju saradnje sa izvršnim i zakonodavnim organima vlasti u smislu blagovremenog informisanja istih o provođenju zakona Bosne i Hercegovine, Federacije BiH, Republike Srpske i Brčko distrikta, posebno u situacijama kada Tužilaštvo BiH utvrdi da pojedina rješenja pogoduju nastanku novih pojava oblika kriminala, kako bi se izmjenama tih zakonskih rješenja uspostavio konzistentan sistem zaštite prava i sloboda građana.



Značajan doprinos uspješnom radu tužilaštava i sudova u BiH daje VSTV BiH kroz pravilnike i smjernice koji utiču na pozitivne trendove u radu ovih institucija.

Nastaviti sa razvijanjem i jačanjem saradnje sa međunarodnim institucijama, a posebno sa institucijama u okruženju, na uspostavljanju blagovremene razmjene podataka u cilju procesuiranja krivičnih djela terorizma, organiziranog kriminala, krijumčarenja i trgovine ljudima i sl.

Neophodno je da tužilaštva u BiH efikasno i kvalitetno postupaju u predmetima međunarodne pravne pomoći u krivičnim stvarima radi poboljšanja ugleda i kredibiliteta BiH na regionalnom i međunarodnom nivou.

Na osnovu svega navedenog, može se ocijeniti da su tužilaštva u Bosni i Hercegovini, i pored mnogih izazova sa kojima su se suočavala tokom izvještajnog perioda, ostvarila veoma dobre rezultate.

**GLAVNI TUŽILAC
TUŽILAŠTVA BOSNE I HERCEGOVINE**

Milanko Kajganić